

# ओववाइयसुत्तं

( औपपातिकसूत्रम् )

CRITICALLY EDITED

BY

**N. G. SURU** M. A.

*Professor of Sanskrit and Ardha-māgadhī  
Fergusson College, Poona.*

*Jagannāth Sunkerseth Scholar, Varjivandas Madhavdas  
Scholar, S. A. Tilakchand Jain Literature Scholar,  
Sir Lawrence Jenkins Scholar, Editor of  
Priyagarśikā, Ratnāvalī etc.*

1931



## PREFACE



The Aupapātika-sutra has been prescribed by the University of Bombay as a text-book for students taking Ardha-māgadhi as their second language for the Intermediate Arts Examination; and therefore, an edition of the same is a requirement that has to be fulfilled by those who would wish to encourage the study of this language. No doubt, Dr. Leumann had published its edition before; but being in Roman characters, it offers difficulties to the students in India, as they are accustomed to read such works in the Devanāgarī characters. Āgamodaya Samiti also had published this Sutra with a Sanskrit Commentary, in a *Pothi* form which does not prove very convenient to the College-going students; and then again these copies very probably are not now available. For these reasons it was deemed necessary to publish this Sutra; and I am glad to say, with what assistance I could get from my friend Mr. Motilal Ladhaji of Poona, I was successful in getting it out through the press. My warmest thanks are due to him for this help.

In preparing this edition, I could get the help of a Ms. from the Bhandarkar Oriental Institute, in addition to what I could draw from the two editions, mentioned above. In my footnotes, the following letters have been used to represent these.

A stands for the Agamodaya Samiti Edition.

B stands for the Ms of the B. O. R. No. 72 of 1880-81.

L stands for the edition of Dr. Leumann, published in the year 1883

In conclusion, I have to thank my friend Mr. G. K. Gokhale the Manager of the Ganesh Printing Press, for the various suggestions and for the promptness with which he carried the book through the press.

Fergusson College,  
20th. June 1931

}

N. G. S.



# औपपातिकसूत्रम् ।

ॐ नमः सर्वज्ञाय ।

SUTRA I.

तेणं कालेणं तेणं समएणं चंपा नाम नयरी  
होत्था रिद्धतिथामियसामिद्धा पमुइयजणंजाणवया आइण्णजण-  
मणूसा हलसयसहस्ससंकिट्ठविकिंठलठ्ठपण्णत्तसेउसीमा कुक्कुड-  
संडेयगामपउरा उच्छुजवसालिकालिया गोमहिसगवेलगप्पभूया  
आर्यारवंतचेइयजुवइविविहंसण्णिविट्ठबहुला उक्कोडियर्गायगंठि- 5  
भेयंगभडतकरखंडरक्खरहिया खेमा णिरुवइवा सुभिक्खा  
वीसत्थसुहावासा अणेगकोडिंकुंडुंबियाइण्णणिव्वुयसुहा णडण-  
ट्ठजल्लमल्लमुट्ठियवेलंबंगकहगपवगलासगआइक्खगमंखलंखतूण-  
इल्लतुंबवीणियअणेगतालायराणुचरिया आरामुज्जाणअगडत-  
लंगदीहियवपिण्णगुणोववेया नंदणवणसन्निभप्पगासा उव्विद्ध- 10  
विउलगंभीरखायफलिहा चक्कगयमुसुंढिओरोहसयग्घजमलक-  
वाडघणटुप्पवेसा धणुकुडिलवंकपागारपरिक्खत्ता कविसीसं-  
गवट्टरइयसंठियविरायमाणा अट्टालयचरियदाग्गोपुरतोरणसमु-  
ण्णयसुविभत्तरायमग्गा छेयायरियरइयदढफलिहइंदकीला विव-  
णिवाणिछिंत्तसिप्पियाइण्णणिव्वुंयसुहा सिंघाडगतिगचउक्कच- 15  
च्चरपाणियावणाविहवत्थुंपरिमंडिया सुरम्मा नरवंइपावि-

१ Read in B. २ B °त्थमिय. ३ L notes °जणुज्जाणजणवया. ४ A °मणुस्सा.  
५ B वियट्ठ. ६ L आयारइत्त. ७ L °विसन्निविट्ठ. ८ L notes also गाह. ९ B °भेयय.  
१० B °वहुया. ११ B °कोडी. १२ B °विलंबिय. १३ B तलाय. १४ A °णि. १५ A °सीसय.  
१६ °उण्णय. १७ B इंदरकी ° L इंदखीला. १८ A छेत्त, L notes छेय, B reads विव-  
णिवाणिवाणिछित्त. १९ °त्तिय. २० B °विहवेस, L °विविहवसु. २१ B. सुरवइ°

इण्णमहिबइपहा अणेगवरतुरगमत्तकुंजररहर्पहकरसीयसंदमाणी-  
आइण्णजाणजुग्गा विमउलणवणलिणिसोभिभयजला पंडरवर-  
भवणसण्णिमहिया उत्ताणणयणपेच्छेणिज्जा पासादीया दरि-  
सणिज्जा अभिरूवा पडिरूवा ॥

### SUTRA 2.

- 5 तीसे णं चंपाए णयरीए वहिया उत्तरपुरत्थिमे दिसि~~ए~~  
भाए पुण्णभदे नाम चेइए होत्था चिराईए पुव्वपुरिस-  
पण्णत्ते पोरणे सादिए वित्तिए [ कित्तिए ] णाए सच्छत्ते  
सज्झए सघण्टे सपडागे पडागाइपडागमंडिए सलोमहत्ये  
कयवेर्यंइए लाउल्लोइयमहिए गोसीससरसरत्तचंदणदइरदि-  
10 ण्णपंचंगुलितले उवचियचंदणकलसे चंदणघडसुकयतोरण-  
पडिदुवारदेसभाए आसत्तोसत्तविउलवट्टवघारियमल्लदामक-  
लावे पंचवण्णसरससुरभिमुक्कपुप्फपुंजोवयारकलिए कालागुरु-  
पवरकुंदुरुक्कतुरुक्कधूवमघर्मघंतगंधुध्दूयाभिरामे सुगंधवरगंधगंधि-  
ए गंधवट्टिभूए णडणट्टगजल्लमल्लमुट्टियवेलंबगपवगकहगलास-  
15 गआइक्खवगलंखमंखतूणइल्लतुंबवीणियभ्रुयगमागहपरिणए बहु-  
जणजाणवयस्स विस्सुयकित्तिए बहुजणस्स आहुस्स आहुणि-  
ज्जे पाहुणिज्जे अच्चणिज्जे वंदाणिज्जे नमंसाणिज्जे पूय-  
णिज्जे सक्कारणिज्जे सम्माणाणिज्जे कल्लाणं मंगलं देवयं  
चेइयं विणएणं पज्जुवासाणिज्जे दिव्वे सच्चे सच्चोवाए  
20 सण्णिहियपाडिहेरे जागसहस्सभागपडिच्छए बहुजणो अच्चेइ  
आगंम पुण्णभंइचेइयं पुण्णभंइचेइयं ॥

१ B °रहकर. २ °पिच्छणिज्जा. ३ Bदिसा° A दिसि° ४ L चिराइए ५ Only in A  
६ °वेयदिए ७ B° हित्त < L: वंदण° ९ B° तुरक्क. १० L° मघेन्त ११ B, A. °दुया-  
१२ आगम. १३ A °भं

## SUTRA. 3

से णं पुण्णभद्दे चेइए एक्केणं महया वणसंडेणं सव्वओ  
समंता परिक्खित्ते, से णं वणसंडे किण्हे किण्होभासे  
नीले नीलोभासे हरिए हरिओभासे सीए सीओभासे णिद्धे  
णिद्धोभासे तिच्चे तिच्चोभासे किण्हे किण्हच्छाए नीले  
नीलच्छाए हरिए हरियच्छाए सीए सीयच्छाए णिद्धे 5  
णिद्धच्छाए तिच्चे तिच्चच्छाए घणकडिअकडिच्छाए रम्मे  
महामेहणिकुरं वभूए ॥

## SUTRA 4.

ते णं पायवा मूलमंतो कंदमंतो खंधमंतो तयामंतो  
सालमंतो पवालमंतो पत्तमंतो पुप्फमंतो फलमंतो बीयमंतो  
अणुपुव्वसुजायरुइलवट्टभावपरिणया एक्कखंधा अणेगसाला 10  
अणेगसाहप्पसाहविडिमा अणेगनरवामसुप्पसारियअग्गेज्झघ-  
णविउलवद्धखंधा अच्छिदपत्ता अविरलपत्ता अवाईणपत्ता  
अणईअपत्ता [ पाईणपडीणाययसाला उदीणदाहिणविच्छि-  
ण्णा ओणयनयपणयविप्पहाइयओलंबपलंबलंबसाहप्पसाहविडिमा  
अवाईणपत्ता अणुइण्णपत्ता ]<sup>१</sup> निद्धयंजरठपंडुपत्ता णवहरिय- 15  
भिसंतपत्तभारंधयारगंभीरदरिसणिज्जा उवाणग्गयणवतरुणपत्त-  
पल्लवकोमलउज्जलचलंतकिसलयसुकुमालपवालसोहियवरंकुरग्ग-  
सिहरा णिच्चं कुसुमिया णिच्चं माइया णिच्चं लवइया  
णिच्चं थवइया णिच्चं गुलइया णिच्चं गोच्छिया णिच्चं  
जमलिया णिच्चं जुवालिया णिच्चं विणामिया णिच्चं 20  
पणामिया णिच्चं कुसुमियमाइयलवइयथवइयगुलइयगोच्छि-  
यजमलियजुवालियविणामियपणामियसुविभत्तापिंडेभंजरिवाडिसय-

१ A सं°. २ L णिउरंब°. ३ A खंभ° ४ L notes after this- क्वित्तहरियमंतो.  
५ B °पुव्वि, ६ L°खंधी. ७ B, L°अग्गेज्झ ८ L अणईइ°. ९ Noted in L.  
१० L °निद्धय. ११ L °पिंडि,

- धरा सुयवरहिणमयणसालकोइलकोभगकभिंगारगकोंडलगजी-  
 वंजीवगणंदीमुहकविलापिंगलक्खगकारंडचक्कवायकलहंससारस-  
 अणेगसउणगणामिहुणविरइयंसद्दुणइयमहुरसरणाइए सुरम्मे  
 5 संपिंडियदरियभमरमहुयरिपहकरपरिलिन्तमत्तच्छप्पयकुसुमासव-  
 लोलमहुरगुमगुमंतगुंजंतदेसभाए अंभिर्भतरपुप्फफले बाहिर-  
 पत्तोच्छण्णे पत्तोहि य पुप्फेहि य ओच्छन्नवालच्छत्ते साउ-  
 फले निरोयए अकंटए णाणाविहगुच्छगुम्ममंडवगरम्मसो-  
 हिए विचित्तसुहकेउभूए वावीपुक्खरिणीदीहियासु य  
 सुनिवेशियरम्मजालहरए पिंडिमणीहौरिमं सुगंधिं सुहसुराभिम-  
 10 णहरं च महया गंधद्धाणिं मुयंता णाणाविहगुच्छगुम्ममंड-  
 वगधरगसुहसेउकेउबहुला अणेगरहजाणजुग्गसिवियपविमो-  
 यणा सुरम्मा पासादीया दरिसणिज्जा अभिरूवा पडिरूवा ॥

### SUTRA 5.

- तस्स णं वणसंडस्स बहुमज्झदेसभाए एत्थ णं महं एक्के  
 असोगवरपायवे पण्णत्ते [ दूरुगयकंदमूलवट्टलट्टसंठियसिलिट्ट-  
 15 घणमसिणानिद्धसुजायनिरुवहयुव्विद्धपवरखंधी अणेगनरपवरभु-  
 यागेज्जे कुसुमभरसमोणमंतपत्तलविसालसाले महुयरिभमरगण-  
 गुमगुमाइयनिर्लितउड्डितसस्सिरीए णाणासउणगणामिहुणसु-  
 महुरकण्णसुहपलत्तसद्दमहुरे ]<sup>१</sup> कुसविकुसविसुद्धक्खमूले मूल-  
 मंते कंदमंते जाव परिमोयणे सुरम्मे पासादीए दरिसणिज्जे  
 20 अभिरूवे पडिरूवे ॥

### SUTRA 6.

से णं असोगवरपायवे अण्णेहिं बहूहिं तिलएहिं लउएहिं छत्तो-  
 वेहिं सिरीसेहिं सत्तवण्णेहिं दाहिवण्णेहिं लोद्धेहिं धवेहिं चंदणेहिं

१ Aकोहंगक. २ B<sup>१</sup> वियरित. ३ Aअब्मंतर ४ Aउच्छण्णपाडेवलच्छ. ५ L notesalso विचित्तसुहसे उकेउबहुले. ६ A, B. °हारिमसुगंधि. ७ B. °द्धुणं. ८ B एगए. ९ Noted in L & com.

अज्जुणेहिं णीवेहिं कुडएहिं कंलंबेहिं सव्वेहिं फणसेहिं  
 दांलिमेहिं सालेहिं तालेहिं तमालेहिं पियएहिं पियंगूहिं पुरो-  
 वगेहिं रायरुक्खेहिं णांदिरुक्खेहिं सव्वओ समंता संपरिकिक्खत्ते॥

### SUTRA 7.

ते णं तिलया लउया जाव णांदिरुक्खा कुसविकुसवि-  
 सुद्धरुक्खमूला मूलमंतो कंदमंतो एएसिं वण्णओ भाणि- 5  
 यव्वो जाव सिवियपरिमोयणा सुरम्मा पासादीया दरिस-  
 णिज्जा अभिरूवा पडिरूवा ॥

### SUTRA 8.

ते णं तिलया जाव णांदिरुक्खा अण्णेहिं बहूहिं पउम-  
 लयाहिं णागलयाहिं असोअलयाहिं चंपगलयाहिं चूयलयाहिं  
 वणलयाहिं वासांतियलयाहिं अइमुत्तयलयाहिं कुंदलयाहिं साम- 10  
 लयाहिं सव्वओ समंता संपरिकिक्खत्ता ॥

### SUTRA 9.

ताओ णं पउमलयाओ णिच्चं कुसुमियाओ जाव वडिं-  
 सयधरीओ पासादीयाओ दरिसणिज्जाओ अभिरूवाओ  
 पडिरूवाओ ।

[ १ तस्स णं असोगवरपायवस्स उवरिं बहवे अट्ठ 15  
 अट्ठ मंगलगा पणत्ता । तं जहाः—१ सोत्थियं २ सिरि-  
 वच्छ ३ नंदियावत्त ४ वद्धमाणग ५ भद्दासण ६ कलस  
 ७ मच्छ ८ दप्पणा सव्वरयणामया अच्छा सण्हा मण्हो  
 घट्ठा मट्ठा नीरया निम्मला निप्पंका निककंडच्छाया सप्पहा  
 समिरिया सउज्जोया पासादीया दरिसाणिज्जा अभिरूवा 20  
 पडिरूवा ॥

२ तस्स णं असोगवरपायवस्स उवरिं बहवे किण्ह-  
 चामरज्झया नीलचामरज्झया लोहियचामरज्झया सुक्कि-  
 लचामरज्झया हालिइचामरज्झया अच्छा सण्हा रूपपट्टा  
 वयरामयदंडा जलयामलगंधिया सुरम्मा पासादीया दरि-  
 5 सणिज्जा अभिरूवा पाडिरूवा ॥

३ तस्स णं असोगवरपायवस्स उवरिं बहवे छत्ता-  
 इच्छत्ता पडागाइपडागा घण्टाजुयला चामरजुयला उप्पलह-  
 त्थगा पउमहत्थगा कुमुयहत्थगा कुसुमहत्थगा नलिणहत्थगा  
 सुभगहत्थगा सोगंधियहत्थगा पुंडरीयहत्थगा महापुंडरी-  
 10 यहत्था सयवत्तहत्था सहस्सपत्तहत्था सव्वरयणामया अच्छा  
 जाव पाडिरूवा ॥ १

### SUTRA, 10

तस्स णं असोगवरपायवस्स हेट्ठा ईसिं खंधसमल्लीणे  
 एत्थ णं महं एक्के पुढविसिलापट्टए पण्णत्ते विक्रवंभायाम-  
 उस्सेहसुप्पमाणे किण्हे अंजणगवाणैकुवलयहलहरकोसेज्जागा-  
 15 सकेसकज्जलंगी खंजणसिं गभेदरिद्वयजंबूफलअसणगंसणबंधण-  
 णीलुप्पलपत्तानिकरअयासिकुसुमप्पगासे मरगयमसारकलित्तण-  
 यणैकीयरासिवण्णे णिद्धघणे अट्टसिरे आयंसयतलोवमे सुरम्मे  
 ईहामियउसभतुरगणरमगरविहगवालगकिण्णररुसुरभचमरकुंज-  
 रवणलयपउमलयभत्तिचित्ते आईणगरूयंबूरणवणीयतूलफारिसे  
 20 सिंहासणसंठिए पासादीए दरिसणिज्जे अभिरूवे पाडिरूवे ।

[ अंजणगघणकुवलयहलहरकोसेज्जसारिसे आगासकेसक-  
 ज्जलककेयणइंदणीलअयासिकुसुमप्पगासे भिंगंजणसिं गभे

१ Noted as additional in L and A com पुस्तकांतरे इदमधिकमधीयते ।  
 २ A अंजणघणकियाण. ३ B सणकसणबंधण. ४ L णयणवीय°. ५ L रुय. ६ L  
 फासे. ७ L सिंहा°.

यरिद्वगनीलगुलियागवलाइरेगभमरनिकुरुंबभूए जंबूफलअसण-  
कुसुमबंधननीलुप्पलपत्तनिगरमरगयासासगनयणचीयारासिवण्णे  
निद्वे घणे अज्जुसिरे रूवगपडिरूवदरिसणिज्जे आयंसगतलो-  
वमे सुरम्मे सीहासणसंठिए सुरूवे मुत्ताजालखवइयंतकम्मे  
आईणगरुयवूरनवणीयतूलफासे सव्वरयणामए अच्छे जाव 5  
पडिरूवे ॥ ]<sup>१</sup>

### SUTRA II.

तत्थ णं चंपाए णयरीए कूणिए णामं राया परिवसइ,  
महयाहिमवंतमहंतमलयमंदरमहिंदसारे अच्छंतविसुद्धदीहराय-  
कुलवंसमुप्पसूए णिरंतरं रायलक्खणाविराइयंगमंगे बहुज-  
णवहुमाणंपूइए सव्वगुणसमिद्वे स्वत्तिए मुइए मुद्धाहिसित्ते 10  
माउपिउसुजाए दयपत्ते सीमंकरे सीमंधरे खेमंकरे खेमंधरे  
मणुसिंसदे जणवयपिया जणवयपाले जणवयपुरोहिए सेउ-  
करे केउकरे णरपवरे पुरिसवरे पुरिससीहे पुरिसवग्घे  
पुरिसासीविसे पुरिसपुंडरीए पुरिसवरगंधहत्थी अइद्वे दित्ते  
वित्ते विच्छिण्णविउलभवणसयणासणजाणवाहणाइण्णे बहु- 15  
धणवहुजायरूवरयए आओगपओगसंपउत्ते विच्छड्डियपउर-  
भत्तपाणे बहुदासीदासगोमहिसगवेलगप्पभूए पडिपुण्णजंतकोस-  
कोट्टागाराउधागारे बलवं दुब्बलपच्चामित्ते ओहयकंटयं निहय-  
कंटयं मलियकंटयं उद्धियकंटयं अकंटयं ओहयसत्तुं निहय-  
सत्तुं मलियसत्तुं उद्धियसत्तुं निज्जियसत्तुं पराइयसत्तुं 20  
ववगयदुब्बिक्खवं मारिभयविप्पमुक्कं खेमं सिवं सुभिक्रवं  
पसंतडिंबडमरं रज्जं पसासेमाणे विहरइ ॥

### SUTRA 12.

तस्स णं कोणियस्स रण्णे धारिणी णामं देवी होत्था,  
सुकुमालपाणिपाया अहीणपडिपुण्णपंचिंदियसरीरा लक्खण-

१ Noted in L & A शिलापट्टवर्णकः किंचिदन्यथादृश्यते. २ ° I A ° माणे  
३ L. वित्थिण्ण°. ४ A notes पसंताहियडमरं ५ L ° साहेमाणे ६ A reads होज्जा.

वंजणगुणोववेया माणुम्माणप्पमाणपडिपुण्णसुजायसव्वंगसुंदरंगी  
 ससिसोर्माकारकंतपियदंमणा सुरुवा करयलपरिमियपसत्थाति-  
 वलीवलियमज्झा कुंडलुल्लिहियगंडलेहा कोमुइयरयैणियरविमल-  
 पडिपुण्णसोमवयणा सिंगारागारचारुवेसा संगयगयहासियभाणि-  
 5 यविहियविलाससललियसंलावणिउणजुत्तोवयारकुसला [ सुंदर-  
 थणजघणवयणकरचरणनयणलावण्णविलासकलिया] पासादीया  
 दरिसणिज्जा अभिरूवा पडिरूवा, कोणिएणं रण्णा भंभ-  
 सारपुत्तेण सद्धिं अणुरत्ता अविरत्ता इट्ठे सद्धफारिसरसरूव-  
 गंधे पंचविहे माणुस्सए कामभोए पच्चणुंभवमाणी विहरइ ॥

### SUTRA 13.

10 तस्स णं कोणियस्स रण्णो एक्के पुरिसे विउलक-  
 यवित्तिए भगवओ पवित्तिवाउए भगवओ तद्देवसियं  
 पवित्तिं णिवेदेइ ॥

### SUTRA 14.

तस्स णं पुरिसस्स बहवे अण्णे पुरिसा दिण्णभति-  
 भत्तवेदणा भगवओ पवित्तिवाउया भगवओ तद्देवसियं  
 15 पवित्तिं णिवेदेति ॥

### SUTRA 15.

तेणं कालेणं तेणं समएणं कोणिए राया भंभसारपुत्ते  
 बाहिरियाए उवट्ठणसालाए अणेगगणणायगदंडणायगराईसर-  
 तलवरमाडंबियकोडुंबियमंतिमहामंतिगणगदोवारियअमच्चचेड-  
 पीढमइनगरनिगमसेट्ठिसणावइसत्थवाहदूयसंधिवालसद्धिं संपरि-  
 20 बुडे विहरइ ॥

१ B. °सोमागार. २ A ° तिवलियवलिय. ३ L & A note कुंडलुल्लिहियपी.  
 णगंडलेहा. ४ Not given in L. ५ Noted in L. ६ A ° भभव- ७ B ° कोडिम्बिय.

## SUTRA 16.

तेणं कालेणं तेणं समएणं समणे भगवं महावीरे आइगरे  
 तित्थगरे सहसंबुद्धे पुरिसुत्तमे पुरिससीहे पुरिसवरपुंडरीए  
 पुरिसवरगंधहत्थी अभयदए चक्खुदए मग्गदए सरणदए  
 जीवदए दीवो ताणं सरणं गँई पइहा धम्मवरचाउरंत-  
 चक्खवट्ठी अप्पाडिहयवरनाणदंसणधरे वियट्ठच्छउमे जिणे 5  
 जाणए तिण्णे तारए मुत्ते मोयए बुद्धे बोहए सव्वण्णू  
 सव्वदरिसी सिवमयलमरुयमणंतमक्खयमव्वाबाहमपुणरावत्तंगं  
 सिद्धिगइणामधेज्जं ठाणं संपाविउकामे अरहा जिणे केवली  
 सत्तहत्थुस्सेहे समचउरंससंठाणसंठिए वज्जरिसहनारायसंघयणे  
 अणुलोमवाउवेगे कंकग्गहणी कवोयपरिणामे सउणिपोसपिट्ठं 10  
 तरोरुपरिणए पउमुप्पलगंधसरिसनिस्साससुराभिवयणे छवी  
 निरायंकउत्तमपसत्थअइसेयनिरुवमपेले जल्लमल्लकलंकसेयरय-  
 दोसवज्जियसरीरनिरुवलेवे छायाउज्जोइयंगमंगे घणनिचिय-  
 सुवद्धलक्खणुण्णयकूडागारनिभपिंडियग्गसिरए सामलिबोडघ-  
 णनिचियच्छोडियमिउविसयपसत्थसुहुमलक्खणसुगंधसुंदरभुय- 15  
 मोयगभिगनेलेकज्जलपहट्ठभेमरगणाणिद्धनिकुरुंबानिचियकुंचियप-  
 याहिणावत्तमुद्धसिरए दालिमपुप्फप्पगासतवणिज्जसरिसनिम्म-  
 लसुणिद्धकेसंतकेसभूमि [ घणनिचियसुवद्धलक्खणुन्नयकूडागार-  
 निभपिंडियग्गसिरए ]<sup>१</sup> छत्तागारुत्तिमंगदेसे णिव्वणसमलट्ठमट्ठचं-  
 दद्धसमणिडाले उडुवइपडिपुण्णसोमवयणे अल्लीणपमाणजुत्तसवणे 20  
 सुंससवणे पीणमंसलकवोलदेसभाए आणामियत्तावरुइल-  
 किण्हम्भराइतणुकसिणणिद्धममुहे अवदालियपुंडरीयणयणे  
 कोयासियधवलपत्तलच्छे गरुलाययउज्जुतुंगणासे उवाचियं-

१ L° सोत्तमे. २ B सरणागई. ३ A° रावत्तिअं. ४ °तले Noted in L & B.  
 ५ A° पहिट्ठ. ६ Noted in L. ७ सुसवणे. ८ Noted in L-as-°राइसंठियसंगय-  
 आययसुजायभुमहे. ९ L ओयवियं

- सिलप्पवालबिंबफलसण्णिभाहरोठे पंडुरससिसयलविमलाणि-  
 म्मलसंखगोक्खवीरफेणकुंददंरयमुणालियाधवलदंतसेठी अ-  
 खंडदंते अप्फुडियदंते अविरलदंते सुणिद्धदंते सुजायदंते  
 एगदंतसेठी विव अणेगदंते हुयवहणिद्धतधोयतत्ततवाणिज्जर-  
 5 त्तलतालुजीहे अवट्टियसुविभत्तचित्तमसू मंसलसंठियपसत्थस-  
 इलविउलहणुए चउरंगुलसुप्पमाणकंबुवरसरिसंगीवे वरमहि-  
 संवराहसीहसइलउसभनागवरपाडिपुण्णविउलक्खंधे जुगसन्नि-  
 भपीणरइयपीवरपउठ्ठसुसंठियसुसिलिठ्ठविसिठ्ठघणाथिरसुबद्धसंधि-  
 पुरवरफलिहवट्टियभुए भुयंगीसरविउलभोगायाणपलिहउच्छू-  
 10 ढदीहबाहू रत्तलोवइयमउयमंसलसजायलक्खणपसत्थअच्छि-  
 इजालपाणी पीवरकोमलवरंगुली आयंबतंबतलिणसुइरुइलणि-  
 द्धणखे चंदपाणिलेहे संखपाणिलेहे चक्कपाणिलेहे दिसासोत्थि-  
 यपाणिलेहे चंदसूरसंखचक्कदिसासोत्थियपाणिलेहे कणग-  
 सिलायलुज्जलपसत्थसमतलउवचियविच्छिण्णपिहुलवच्छे सिरि-  
 15 वच्छंक्रियवच्छे अकरंडुयकणगरुययनिम्मलसुजायानिरुवह-  
 यदेहधारी अट्टसहस्सपडिपुण्णवरपुरिसलक्खणधरे सण्णयपासे  
 संगयपासे सुंदरपासे सुजायपासे मियमाइयपीणरइयपासे  
 उज्जुयसमसाहियजच्चतणुकसिणाणिद्धआइर्ज्जलडहरमणिज्जरो-  
 मराई झसविहगसुजायपीणकुच्छी झसोयरे सुइकरणे पउम-  
 20 वियडणाभे गंगावत्तगपयाहिणावत्ततरंगभंगुररविकिरणतरुण-  
 बोहियअकोसायंतपउमगंभीरवियडणाभे साहयसोणंदमुसलदप्प-  
 णाणिकरियवरकणगच्छरुसरिसवरवइरवलयमज्जे पमुइयवर-

१ L °गांवे. २ L °पओठु. ३ L & A. read differently also as-संठियो-  
 वत्रियघणाथिरसुबद्धसुणिग्ढपव्वसंधी. ४ A भुअईसर B भुयईसर. ५ L °पलिओच्छुद  
 Also °फलहउच्छूद noted in L&B ६ B पीर °. L&A note differently as-पीवरवट्टिय-  
 सुजायकोमल°. ७ Com & L note -रविससिसंखवरचक्कसोत्थियविभत्तसुविरइय-  
 पाणिलेहे अणेगवरलक्खणुत्तिमपसत्थसइरइयपाणिलेहे. ८ L °आदिज्ज.

तुरगसीहवरवद्वियकडी वरतुरगसुजायसुगुञ्जदेसे आङ्णहउव्व  
 णिरुवलेवे वरवारणतुल्लविक्रमविलसियगई गयससणसुजाय-  
 सन्निभोरू समुग्गाणिमग्गगूढजाणू एणीकुरुविंदावेत्तवट्टाणुपुव्व-  
 जंघे संठियसुसिलिठ [ विसिठ ] गूढगुप्फे सुप्पईद्वियकुम्म-  
 चारुचलणे अणुपुव्वसुसंहयंगुलीए उण्णयतणुतंबणिद्धणवखे 5  
 रत्तुप्पलपत्तमउयसुकुमालकोमलतले अट्टसहस्सवरपुरिसल-  
 क्खणधरे नगनगरमगरसागरचक्कंकरंगमंगलंकियचलणे वि-  
 सिठरूवे हुयवहनिध्दूमजलियतडितडियतरुणरविकिरणसरिस-  
 तेए अणासवे अममे अकिंचणे छिन्नसोए निरुवलेवे वव-  
 गयपेमरागदोसमोहे निग्गंथस्स पवयणस्स देसए सत्थ- 10  
 नायगे पइट्ठावए समणंगपई समणगांविंदपरियंदिष्टिए चउत्ती-  
 सबुद्धवयणाइसेसपत्ते पणतीससच्चवयणाइसेसपत्ते आगास-  
 गएणं चक्केणं आगासगएणं छत्तेणं आगासियाहिं चामराहिं  
 आगासफाँलियामएणं सपर्यंवीढेणं सीहासणेणं धम्मज्झ-  
 एणं पुरओ पकाट्टिज्जमाणेणं चउईसहिं समणसाहस्सीहिं 15  
 छत्तीसाए अज्जियासाहस्सीहिं सध्दिं संपरिवुडे पुव्वाणुपुव्वि  
 चरमाणे गामाणुग्गामं दूइज्जमाणे सुहंसुहेणं विहरमाणे चंपाए  
 नयरीए बहिया उवणगरग्गामं उवागए चंपं नगरिं पुण्णभइं  
 चेइयं समोसरिउकामे ॥

## SUTRA 17.

तएणं से पवित्तिंवाउए इमीसे कहाए लद्धे समाणे हट्ट 20  
 तुट्टचित्तमाणंदिए पीइमणे परमसोमणास्सिए हरिसवसविसप्प-  
 माणहियए ण्हाए कयबलिकम्मे कयकोउयमंगलपायच्छित्ते  
 सुद्धप्पावेसाँइ मंगलाँइ वत्थाँइ पवरपरिहिए अप्पमहग्घाभ-

१ B, L गुञ्ज. २ L °हजो. ३ L सामु° ४ L °विंदचत्त. ५ Noted by L.  
 ६ L सुप° B सुपय°. ७ अणुपुव्वसुसाहयपीवरंगुलीए Noted in L. ८ L नायप.  
 ९ L °गण. १० A परिअट्टए. ११ L चोत्तीस°. १२ A °फलिआ. १३ L °पीढेणं  
 १४ A °कदि. १५ L चोइस°. १६ A °उकामे. १७ L पउत्ति°. १८ A °प्पवे. १९ L मंगल्लइ

रणालंक्रियसरीरे सयाओ गिहाओ [पडिणिक्खमइ स-  
याओ गिहाओ]<sup>१</sup> पडिणिक्खमिच्चा चंपाए णयरीए मज्झं-  
मज्जेणं जेणेव कोणियस्स रण्णो गिहे जेणेव बाहिरिया  
उवट्ठाणसाला जेणेव कूणिए राया भिंभसारपुत्ते तेणेव  
5 उवागच्छइ तेणेव उवागच्छित्ता करयलपरिग्गाहियं सिरसा-  
वत्तं मत्थए अंजलिं कट्टु जएणं विजएणं वद्धावेइ २ एवं  
वयासी ॥

## SUTRA 18.

जस्स णं देवाणुप्पिया दंसणं कंखंति जस्स णं देवा-  
णुप्पिया दंसणं पीहांति जस्स णं देवाणुप्पिया दंसणं पत्थंति  
10 जस्स णं देवाणुप्पिया दंसणं अभिलसंति जस्स णं देवा-  
णुप्पिया णामगोरेस्स वि सवणयाए हट्ठतुट्ठ जाव हियया  
भवंति से णं समणे भगवं महावीरे पुच्चाणुपुत्वि चर-  
माणे गामाणुग्गामं देइज्जमाणे चंपाए णयरीए उवणगर-  
ग्गामं उवागए चंपं णगरिं पुण्णभइं चेइयं समोसरिउ-  
15 कामे । तं एवं देवाणुप्पियाणं पियट्ठयाए पियं णिवेदेमि,  
पियं ते<sup>२</sup> भवउ ॥

## SUTRA 19.

तए णं से कूणिए राया भिंभसारपुत्ते तस्स पवित्ति-  
वाउयस्स अंतिए एयमट्ठं सोच्चा णिसम्म हट्ठतुट्ठ जाव हि-  
यए [ धाराहयनीवसुरहिकुसुमं व चंचुमालइयऊसवियरो-  
20 मकूवे ]<sup>३</sup> वियसियवरकमलणयणवयणे पयालियवरकडगतुडि-  
यकेऊरमउडकुंडलहारविरायंतरइयवच्छे पालंबपलंबमाणघोलं-  
तभूसणधरे ससंभमं तुरियं चवलं नरिंदे सीहासणाओ

१ Read only in A & B. २ A भंभसार°. ३ L पत्थंति. ४ A °गोत्त.  
५ B दुइज्ज°. ५ A एअ णं. ६ L भे. ७ B अंतियं. ८ Noted in L & Com.

अब्भुद्वेइ २त्ता पायपीढाओ पच्चोरुहइ २त्ता [ वेरुलिय-  
वरिद्वरिद्वअंजणनिउणोवियमिसिमिसितमणिरयणमंडियाओ ]  
पाउयाओ ओम्भुयइ २त्ता अवहट्टु पंच रायककुहाई, तंजहाः-  
१ खगं २ छत्तं ३ उप्फेसं ४ वाहणाओ ५ वालवी-  
यणं एगैसाडियं उत्तरासंगं करेइ २त्ता आयंते 5  
चोक्खे परमसुइभूए अंजलिमउलियहँत्थे तित्थगराभिमुहे सत्तद्व  
पयाई अणुगच्छइ सत्तद्व पयाइ अणुगच्छित्ता वामं जाणुं  
अंचेइ वामं जाणुं अंचेत्ता दाहिणं जाणुं धरणितलंसि  
साहट्टु तिक्खुत्तो मुद्धानं धरणितलंसि निवेसेई २त्ता  
ईसिं पच्चुणमइ पच्चुणमित्ता कडगतुडियथंभियाओ भुयाओ 10  
पडिसाहरइ २त्ता करयल जाव कट्टु एवं वयासी ॥

## SUTRA 20.

णमोऽत्थु णं अरिहंताणं भगवंताणं आइगराणं तित्थग-  
राणं सयंसंबुद्धानं पुरिसुत्तमाणं पुरिससीहाणं पुरिसवरपुंड-  
रीयाणं पुरिसवरगंधहत्थीणं लोगुत्तमाणं लोगनाहाणं लोग-  
हियाणं लोगपईवाणं लोगपज्जोयगराणं अभयदयाणं चक्खु- 15  
दयाणं मग्गदयाणं सरणदयाणं जीवदयाणं बोहिदयाणं  
धम्मदयाणं धम्मदेसयाणं धम्मनायगाणं धम्मसारहीणं  
धम्मवरचाउरंतचक्खवट्ठीणं दीवो ताणं सरणं गई  
पइट्ठा अप्पडिहयवरनाणदंसणधराणं वियट्टुछउमाणं जिणाणं  
जावयाणं तिण्णाणं तारयाणं बुद्धानं बोहयाणं मुत्ताणं 20  
मोयगाणं सच्चवण्णुणं सच्चदरिसीणं सिवमयलमरुयमणंतम-  
क्खयमच्चावाहमपुणरावत्तगं सिद्धिगइणामधेज्जं ठाणं संप-

१ Noted in L & Com. २ L पाहणाओ. ३ A एकं B एकसाडिएणं. ४ In L & B, A has 'लिअग्ग. ५ B 'तलंमि. ६ L निसेई B णिमेई. ७ L, B अरहंताणं. ८ L सहं. ९ B, L 'सोत्त.

त्तार्णं, नमोऽत्थु णं समणस्स भगवओ महावीरस्स आदि-  
 गरस्स तित्थगरस्स जाव संपाविउकामस्स मम धम्मायरि-  
 यस्स धम्मोवदेसगस्स, वंदामि णं भगवंतं तत्थ गयं  
 ईहगए, पासउ मे भगवं तत्थगए इहगयंति कट्टु वंद-  
 5 इ णमंसइ वंदित्ता णमंसित्ता सीहासणवरगए पुरत्थाभिमुहे  
 निसीयइ निसीइत्ता तस्स पवित्तिवाउयस्स अट्टुत्तरं सयस-  
 हस्सं पीइदाणं दलयइ, दलइत्ता सक्कारेइ सम्माणेइ सक्का-  
 रित्ता सम्माणित्ता एवं वयासी ॥

### SUTRA 21.

जर्यो णं देवाणुप्पिया ! समणे भगवं महावीरे इह-  
 10 मागच्छेज्जा इह समोसरिज्जा इहेव चंपाए णयरीए  
 वहिया पुण्णभद्दे चेइए अहापडिरूवं ओग्गेहं ओगिण्हित्ता  
 [अरहा जिणे केवली समणगणपरिवुडे]° संजमेणं तवसा  
 अप्पाणं भावेमाणे विहरेज्जा तथा णं [तुमं]॑ मम एय-  
 मट्ठं निवेदिज्जासित्ति कट्टु विसज्जिए ॥

### SUTRA. 22

तए णं समणे भगवं महावीरे कल्लं पाउप्पभायाए  
 15 रयणीए फुल्लुप्पलकमलकोमलुम्मिलियंमि अहंपंडुरे पहाए  
 रत्तासोगप्पगासकिंसुयसुयमुहगुंजद्धरागसरिसे कमलागरसंडब्बो-  
 हए उट्ठियम्मि सूरे सहस्सैरस्सिमि दिणयरे तेयसा जलंते  
 [आगासगएणं चक्केणं जाव सुहं सुहेणं विहरमाणे]॑°  
 जेणेव चंपा णयरी जेणेव पुण्णभद्दे चेइए [जेणेव वण-  
 20 संडे जेणेव असोगवरपायवे जेणेव पुढविसिलापट्टए]॑°

१ B इहमागए. २ A पासइ. ३ L पवत्ति°. ४ B यदा णं. ५ A उग्गहं. ६ A उग्गि°. ७ Noted in L, ८ Noted in L, ९ B भात्तरयणीए. १० Read in L & B. A reads आहा°. ११ B° सहस्सि- १२ Noted in L.

तेणेव उवागच्छइ रत्ता अहापडिरूवं ओग्गहं ओगिण्हित्ता  
[ असोगवरपायवस्स अहे पुढविसिलावट्टुंगांसि पुरत्थाभिमुहे  
पलियंकनिसन्ने अरहा जिणे केवली समणगणपरिवुडे ]<sup>१</sup>  
संजमेणं तवसा अप्पाणं भावेमाणे विहरइ ॥

## SUTRA 23.

तेणं कालेणं तेणं समएणं समणस्स भगवओ महावी- 5  
रस्स अंतेवासी बहवे समणा भगवंतो अप्पेगइया उग्ग-  
पव्वइया भोगपव्वइया राइण्णणायकोरव्वस्वत्तियपव्वइया  
भडा जोहा सेणावईपसत्थारो सेट्ठी इब्भा अण्णे य  
बहवे एवमाइणो उत्तमजाइकुलरूवविणयविण्णाणवण्णलावण्ण-  
विक्रमपहाणसोभग्गकंतिजुत्ता बहुधणधण्णाणिचयपरियालंफिडिया<sup>10</sup>  
णरवइगुणाइरेगा इच्छियभोगा सुहसंपललिया किंपागफलो-  
वमं च मुणियविसयसोक्खं जलबुब्बुयसमाणं कुसग्ग-  
जलबिन्दुचंचलं जीवियं य णाऊणं अद्दुवमिणं रयमिव  
पडग्गलग्गं संविधुणित्ताणं चइत्ता हिरण्णं जाव [ यावच्छ-  
ब्दोपादानादिदं दश्यम्-चिच्चं सुवण्णं चिच्चा धणं - एवं<sup>15</sup>  
धण्णं बलं वाहणं कोसं कोट्टागारं रज्जं रट्ठं पुरं अंते-  
उरं चिच्चा विउलधणकणगरयणमणिमोत्तियसंखसिल-  
प्पवालरत्तरयणमाइयं संतसारसावतेज्जं विच्छइइत्ता वि-  
गोवइत्ता दाणं च दाइयाणं परिभायइत्ता मुंडा भवित्ता  
अगाराओ अणगारियं ] पव्वइया, अप्पेगइया अद्दमासपरि-<sup>20</sup>  
याया अप्पेगइया मासपरियाया-एवं दुमास° तिमास° जाव  
एक्कारस° अप्पेगइया वासपरियाया दुवास° तिवास° अप्पे-

१ Noted in L. २ L सिट्ठी. ३ B° परिवार- ४ B° चवलं. ५ L णाऊणं. ६ चेच्चा.  
७ L रहं. ८ Noted in L.

गइया अणेगवासपरियाया संजमेणं तवसा अप्पाणं भावे-  
माणा विहरंति ॥

### SUTRA 24.

- तेणं कालेणं तेणं समएणं समणस्स भगवओ महावीरस्स अंते-  
वासी बहवे निग्गंथा भगवंतो अप्पेगइया आभिणिबोहि-  
5 यणाणी जाव केवलणाणी अप्पेगइया मणबलिया वयबलिया  
कायबलिया [ णाणबलिया दंसणबलिया चारित्तबलिया ]'  
अप्पेगइया मणेणं सावाणुग्गहसमत्था [ एवं-वएणं काएणं ]  
अप्पेगइया खेलोसहिपत्ता एवं जल्लोसहिं विप्पोसहिं  
आमोसहिं सव्वोसहिं अप्पेगइया कोट्टबुद्धी एवं बीय-  
10 बुद्धी पडबुद्धी अप्पेगइया पयाणुसारी अप्पेगइया संभिन्नसो-  
या अप्पेगइया खीरासवा अप्पेगइया महुयासवा अप्पे-  
गइया सप्पियासवा अप्पेगइया अक्खीणमहाणसिया एवं  
उज्जुमई अप्पेगइया विउलमई विउव्वणिट्ठिपत्ता चारणा  
विज्जाहरा आगासाइवाई अप्पेगइया कणगावलिंतवोकम्मं  
15 पडिवण्णा एवं एगावलिं खुड्डांगसीहनिकीलियं तवोकम्मं-  
पडिवण्णा [ अप्पेगइया ]' महालयं सीहनिकीलियं तवो-  
कम्मं पडिवण्णा भइपडिमं महा भइपडिमं सव्वओभइपडिमं  
आयंबिलवध्दमाणं तवोकम्मं पडिवण्णा मासियं भिक्खुपडिमं  
एवं दोमासियं पडिमं तिमासियं पडिमं जाव सत्तमासियं  
20 भिक्खुपडिमं पडिवण्णा पढमं सत्तराइंदियं भिक्खुपडिमं  
पडिवण्णा जाव तच्चंसत्तराइंदियभिक्खुपडिमं पडिवण्णा  
अहोराइंदियं भिक्खुपडिमं पडिवण्णा एकराइंदियं भिक्खुपडिमं  
पडिवण्णा सत्तसत्तामियं भिक्खुपडिमं अट्टअट्टमियं भिक्खुपडिमं

१ Noted in L २ A ° वाइणो. ३ A ° वलिं- ४ L ° गं. ५ Read in A. ६ L ° माणनं.  
७ A ° वोक्कम्मं < L & B तेमा° ९ L पढमसत्त°. १० A च्चं°. ११ A इक्कं, & notes एगं.

णवणवमियं भिक्खुपडिमं दसदसमियं भिक्खुपडिमं [ क्वचिदिह स्थाने—भइपडिमं सुभइपडिमं महाभइपडिमं सव्वओभइपडिमं भइत्तरपडिमं ]<sup>१</sup> सुद्धियं मोयपडिमं पडिवण्णा महाल्लियं मोय- पडिमं पडिवण्णा जवमज्झं चंदपडिमं पडिवण्णा वइर- ( वज्ज ) मज्झं चंदपडिमं पडिवण्णा [ विवेगपडिमं विओ- 5 सग्गपडिमं उवहाणपडिमं पडिसंलीणपडिमं पडिवण्णा ]<sup>२</sup> संजमेणं तवसा अप्पाणं भावेमाणा विहरंति ॥

### SUTRA 25.

तेणं कालेणं तेणं समएणं समणस्स भगवओ महा- वीरस्स अंतेवासी बहवे थेरा भगवंतो जाइसंपण्णा कुल- संपण्णा बलसंपण्णा रूवसंपण्णा विणयसंपण्णा णाणसंपण्णा 10 दंसणसंपण्णा चरित्तसंपण्णा लज्जासंपण्णा लाघवसंपण्णा ओर्यसी तेयंसी वच्चंसी जसंसी जियकीहा जियमाणा जियमाया जियलोभा जिइंदियाँ जियाणिहा जियपरीसहा जीवियासमरणभयविप्पमुक्का वयप्पहाणा गुणप्पहाणा करण- प्पहाणा चरणप्पहाणा णिग्गहप्पहाणा निच्छयप्पहाणा अ- 15 ज्जवप्पहाणा मइवप्पहाणा लाघवप्पहाणा खंतिप्पहाणा मुत्तिप्पहाणा विज्जापहाणा मंतप्पहाणा वेयप्पहाणा बंभ- प्पहाणा नयप्पहाणा नियमप्पहाणा सच्चप्पहाणा सोय- प्पहाणा चारुवण्णा लज्जातवस्सीप्पिइंदिया सोही अणि- याणा अप्पोसुर्याँ अब्हिल्लेसा अप्पडिल्लेस्सा सुसामण्णरया 20 दंता इणमेव णिग्गंथं पावयणं पुरओकाउं विहरंति । [ क्वचित्—बहूणं आयरिया बहूणं उवज्झाया बहूणं गिह- तथाणं पव्वइयाणं च दीवो ताणं सरणं गई पइट्ठा ]<sup>३</sup>

१ Noted in L. २ Read in L. ३ Noted in L. ४ L जियकीह...लोभा । ५ A जिअइंदिया. ६ A अप्पुस्सुआ. ७ B अप्पव° < L °लेसा. ९ Noted in L & Com.

## SUTRA 26.

तेसि णं भगवंताणं आयावार्या वि विदिता भवंति परवाया  
 वि विदिता भवंति आयावायं जमइत्ता नलवणमिव मत्तमातंगा  
 अच्चिद्वपसिणवागरणा रयणकरंडगसमाणा कुत्तियावणभूया  
 परवाईपमद्दणा [ परवाईहि अणोकंता अण्णउत्थिएहि अणो-  
 5 द्दंसिज्जमाणा विहरंति अप्पेगइया आयारधरा<sup>१</sup>..... ]<sup>४</sup>  
 चोदसपुव्वी दुवालसंगिणो समत्तगणिपिडगधरा सव्वक्खरस-  
 णिवाइणो सव्वभासाणुगामिणो अजिणा जिणसंकासा जिंणा  
 इव अवितहं वागरमाणा संजमेणं तवसा अप्पाणं भावेमाणा  
 विहरंति ॥

## SUTRA 27.

10 तेणं कालेणं तेणं समएणं समणस्स भगवओ महावीरस्स  
 अंतेवासी बह्वे अणगारा भगवंतो इरियासमिया भासा-  
 समिया एसणासमिया आयाणभंडमत्तनिक्खेवणासमिया उ-  
 च्चारपासवणखेलसिंघाणजल्लपारिद्धावणियासमिया मणगुत्ता वयं-  
 गुत्ता कायगुत्ता गुत्ता गुत्तिदिया गुत्तवंभयारी अममा  
 15 अकिंचणा [ अकोहा अमाणा अमाया अलोभा संता  
 पसंता उवसंता परिणिव्वुया अणासवा अग्गंथा ]<sup>५</sup> छिण्ण-  
 ग्गंथा छिण्णसोया निरुवलेवा कंसपाईव मुक्कतोया संख  
 इव निरंरंणा जीवो विव अप्पाडिहयगई जच्चकणगं पिव  
 जायरूवा आदरिसर्फंलगा इव पागडभावा कुम्मो इव  
 20 गुत्तिदिया पुक्खरपत्तं व निरुवलेवा गगणमिव नि-  
 रालंबणा अणिलो इव निरालया चंदो इव सोमलेसा

१ L Notes also आयावाइणो वि । २ B वायमद्दणा. A परवादियपमं. ३ Com.-  
 आयारधरत्येवंवादीनि षोडश विशेषणानि सुगमानि । ४ Noted in L & Com.  
 ५ L जिणो. ६ L वागरेमाणा. ७ L वइ. ८ Noted in L and Com. ९ B निरंजणा.  
 १० B आदरसप्फं-११ A विव १२ L कुम्मोव. १३ B पत्त इव. १४ A चंद.

सूरो' इव दित्तेया सागरो इव गंभीरा विहग इव स-  
 न्वओ विष्पमुक्का मंदरो इव अप्पकंपा सारयसलिलं इव  
 सुद्धहियया खंग्गिविसाणं इव एगजाया भारंडपक्खी व  
 अप्पमत्ता कुंजरो ईव सोडीरो वसभो इव जायत्थामा  
 सीहो इव दुद्धरिसा वसुंधरा इव सव्वफासविसहा सुहु- 5  
 यहुयासणो इव तेयसा जलंता ॥

## SUTRA 28.

नत्थि णं तेसिणं भगवंताणं कत्थइ पाडिबंधे भवई । से य  
 पाडिबंधे चउव्विहे पण्णत्ते । तं जहा—दव्वओ खेत्तओ का-  
 लओ भावओ । दव्वओ णं सचित्ताचित्तमीसिएसु दव्वेसु ।  
 खेत्तओ गामे वा णयरे वा रण्णे वा खेत्ते वा खले वा 10  
 घरे वा अंगणे वा । कालओ समए वा आवलियाए वा जाव  
 [ यावच्छब्दादिदं दइयम्—आणापाणुए वा थोवे वा लवे  
 वा मुहुत्ते वा अहोरत्ते वा पक्खे वा मासे वा ] अयणे  
 वा अण्णयरे वा दीहकालसंजोगे । भावओ कोहे वा माणे वा  
 मायाए वा लोहे वा भए वा हासे वा । एवं तेसि ण भवइ । 15

## SUTRA 29.

ते णं भगवंतो वासावासवज्जं अट्ट गिम्हहेमंतियाणि  
 मासाणि गामे एगराइया णयरे पंचराइया वासीचंदण-  
 समाणकप्पा समलेट्टुकंचणा समसुहदुक्खा इहलोगपरलोग-  
 अप्पाडिबद्धा संसारपारगामी कम्मणिग्घायणट्ठाए अब्भुट्ठियां  
 विहरंति । [ ( अण्डए ( अंडजे ) इ वा पोयए ( बौडजे ) 20  
 इ वा उग्गाइए इ वा पग्गाइए वा ) ] जं णं जं णं दिसं

१ A सू. २ B, L खंग्ग- ३ A भारंड° ४ L विव. ५ L सोडीरा. ६ Read only in A  
 ७ L भवइ. ८ A खित्तओ. ९ L °मीसिएसु. १० B अब्भुट्ठेत्ता. ११ Noted only in Com.

इच्छन्ति तं णं तं णं विहरन्ति सुइभूया लघुभूया अण-  
प्पगंथा ॥ ]'

### SUTRA 30.

तेसि णं भगवंताणं एणं विहारेणं विहरमाणं इमे एयाख्वे  
सब्भंतरबाहिरए तवोवहाणे होत्था । तं जहा-अर्ब्भितरए  
5 (वि) छव्विहे, बाहिरए वि छव्विहे ।

से किं तं बाहिरए? २ छव्विहे पणत्ते । तं जहा-१ अणसणे  
२ ओमोयँरिया ३ भिक्खायरिया ४ रसपरिच्चाए ५ कायकिलेसे  
६ पडिसंलीणया । से किं तं अणसणे? २ दुविहे पणत्ते ।  
तं जहा-१ इत्तरिए य २ आवकहिए य । से किं तं इत्तरिए?  
10 अणेगविहे पणत्ते । तं जहा-१ चउर्थभत्ते २ छट्ठभत्ते ३ अट्ठमं-  
भत्ते ४ दसमभत्ते ५ बारसभत्ते ६ चउँइसभत्ते ७ सोलसंभत्ते ८  
अद्धमासिए भत्ते ९ मासिए भत्ते १० दोमासिए भत्ते ११ तेमा-  
सिए भत्ते १२ चउमासिए भत्ते १३ पंचमासिए भत्ते १४  
छम्मासिए भत्ते । से तं इत्तरिए । से किं तं आवकहिए? २  
15 दुविहे पणत्ते । तं जहा-१ पाओवगमणे य २ भत्तपच्चक्खाणे  
य । से किं तं पाओवगमणे? २ दुविहे पणत्ते । तं जहा-१  
वाघाइमे य २ निव्वाघाइमे य नियमा अप्पडिकम्मे । से तं पाओ-  
वगमणे । से किं तं भत्तपच्चक्खाणे? २ दुविहे पणत्ते । तं जहा-  
१ वाघाइमे य २ निव्वाघाइमे य नियमा सपडिकम्मे । से  
20 तं भत्तपच्चक्खाणे, से तं अणसणे ।

१ Noted in L. २ A अर्ब्भितर°. ३ B विहाणे. ४ L अब्भंतरए. ५ Read in L.  
६ Only in L. ७ A ऊणो (अवमो) अरिया. ८ B त्थे भत्ते. ९ B मे भत्ते. १० B  
बारसमे, L दुवालसमे भत्ते, ११ L चोइसमे भत्ते, १२ L समे भत्ते.

से किं तं ओमोयरियाओ ? दुविहा पणत्ता । तं जहा-  
 १ दव्वोमोदरिया य २ भावोमोदरिया य । से  
 किं तं दव्वोमोदरिया ? २ दुविहा पणत्ता । तं जहा-  
 १ उवगरणदव्वोमोदरिया य २ भत्तपाणदव्वोमोदरिया य ।  
 से किं तं उवगरणदव्वोमोदरिया ? २ तिविहा पणत्ता । 5  
 तं जहा-१ एगे वत्थे २ एगे पाए ३ चिय-  
 च्चोवकरणसाइज्जणया । से तं उवगरणदव्वोमोदरिया ।  
 से किं तं भत्तपाणदव्वोमोदरिया ? २ अणेगविहा  
 पणत्ता । तं जहा-१ अट्ट कुक्कुडिअंडगप्पमाणमेत्ते कवले  
 आहारमाणे अप्पाहारे २ दुवालस कुक्कुडिअंडगप्पमाणमेत्ते 10  
 कवले आहारमाणे अवट्ठोमोदरिया, ३ सोलस कुक्कुडिअंडगप्प-  
 माणमेत्ते कवले आहारमाणे दुभागपत्तोमोदरिया, ४ चउ-  
 वीसं कुक्कुडिअंडगप्पमाणमेत्ते कवले आहारमाणे पत्तो-  
 मोयरिया, ५ एकतीसं कुक्कुडिअंडगप्पमाणमेत्ते कवले  
 आहारमाणे किंचूणोमोयरिया, ६ वत्तीसं कुक्कुडिअंड- 15  
 गप्पमाणमेत्ते कवले आहारमाणे पमाणपत्ताँ, ७ एत्तो एगे-  
 ण वि घासेणं ऊणयं आहारमाहारेमाणे समणे णिग्गंथे  
 णो पकामरसंभोईत्ति वत्तव्वं सिया । से तं भत्तपाणदव्वो-  
 मोदरिया । से तं दव्वोमोदरिया । से किं तं भावोमोयरिया ?  
 २ अणेगविहा पणत्ता । तं जहा-१ अप्पकोहे २ अप्पमाणे ३ 20  
 अप्पमाए ४ अप्पलोहे ५ अप्पसहे ६ अप्पझंझे । से तं  
 भावोमोयरिया, से तं ओमोयरिया । से किं तं भिक्खा-  
 यरिया ? २ अणेगविहा पणत्ता । तं जहा-१ दव्वाभिग्गह-  
 चरण २ खेत्ताभिग्गहचरण ३ कालाभिग्गहचरण ४ भावा-

१ B, L वियत्तो. २ B, L कुक्कुड. ३ B मित्ते. ४ L आहारमाहारे. ५ A व्वीस.  
 ६ L पत्ते. ७ L भोइत्ति. ८ Not in B. ९ B चरिए.

- भिग्गहचरण ५ उक्खित्तचरण ६ णिक्खित्तचरण ७ उक्खित्तणिक्खित्तचरण ८ णिक्खित्तउक्खित्तचरण ९ वट्टिज्जमाणचरण १० साहरिज्जमाणचरण ११ उवणीयचरण १२ अवणीयचरण १३ उवणीयअवणीयचरण १४ अवणीयउवणीयचरण १५  
 5 संसट्ठचरण १६ असंसट्ठचरण १७ तज्जायसंसट्ठचरण १८ अण्णायचरण १९ मोणचरण २० दिट्ठलाभिए २१ अदिट्ठलाभिए २२ पुट्ठलाभिए २३ अपुट्ठलाभिए २४ भिक्खालाभिए २५ अभिक्खलाभिए २६ अण्णगिलायए २७ ओवणिहिए २८ परिमियपिंडवाइए २९  
 10 सुट्ठेसणिए ३० संखादत्तिए । से तं भिक्खायरिया ।

- से किं तं रसपरिच्चाए ? २ अणेगविहे पण्णत्ते । तं जहा-  
 १ निव्वीइए २ पणीयरसपरिच्चाए ३ आर्यंबिलिए ४ आयामसित्थभोई ५ अरसाहारे ६ विरसाहारे ७ अंताहारे ८ पंताहारे ९ लूहाहारे [क्कचित्-१० तुच्छाहारे] से तं रसपरिच्चाए ।  
 15 से किं तं कायकिलेसे ? २ अणेगविहे पण्णत्ते । तं जहा-१ ठाणट्ठिए [ठाणाइए] २ उक्कुडुयासणिए ३ पडिमट्ठाई ४ वीरासणिए ५ नेसज्जिए [दंडायतिए लउडईसाई] ६ आयावए ७ अवाउडए ८ अकंदुयए ९ अणिट्ठहए [धुयकेसमंसुलोमे]<sup>१</sup>  
 १० सव्वगायपरिकम्मविभूसविप्पमुक्के, से तं कायकिलेसे ।  
 20 से किं तं पडिसंलीणया ? २ चउव्विहा पण्णत्ता । तं जहा-१ इंदियपडिसंलीणया २ कसायपडिसंलीणया ३ जोगपडिसंलीणया ४ विवित्तसयणासणसेवणया । से किं तं इंदियपडिसंलीणया ? २पंचविहा पण्णत्ता । तं जहा-१ सोइंदियविसयप्प-

१ B अवायं. २ A णिव्वि ( य ) तिए. ३ B, A °विलए. ४ Noted in L and Com  
 ५ B °णाइए. ६ L लगंड°. ७ B आलाउडुए. ८ B, L °णिट्ठभए. ९ Noted in L  
 and Com. १० B पडिकम्मविभूएस्.

यारनिरोहो वा सोइंदियविसयपत्तेसु अत्थेसु रागदोसनिग्गहो  
 वा २ चक्खिंदियविसयप्पयारनिरोहो वा चक्खिंदिय-  
 विसयपत्तेसु अत्थेसु रागदोसनिग्गहो वा ३ घाणिदि-  
 दियविसयप्पयारनिरोहो वा घाणिदियविसयपत्तेसु  
 अत्थेसु रागदोसनिग्गहो वा ४ जिब्भिंदियविसयप्पयार- 5  
 निरोहो वा जिब्भिंदियविसयपत्तेसु अत्थेसु रागदोसनिग्ग-  
 हो वा ५ फासिंदियविसयप्पयारनिरोहो वा फासिंदियावि-  
 सयपत्तेसु अत्थेसु रागदोसनिग्गहो वा, से तं इंदियपडिसं-  
 लीणया । से किं तं कसायपडिसंलीणया ? २ चउव्विहा पण्णत्ता ।  
 तंजहा—१ कोहस्सुदयनिरोहो वा उदयपत्तस्स वा कोहस्स विफ- 10  
 लीकरणं २ माणस्सुदयनिरोहो वा उदयपत्तस्स वा माणस्स  
 विफलीकरणं ६ मायाउदयणिरोहो वा उदयपत्तस्स ( ताए )  
 वा मायाए विफलीकरणं ४ लोहस्सुदयणिरोहो वा उद-  
 यपत्तस्स वा लोहस्स विफलीकरणं, से तं कसायपडिसंली-  
 णया । से किं तं जोगपडिसंलीणया ? २ तिविहा 15  
 पण्णत्ता । तंजहा—१ मणजोगपडिसंलीणया २ वयजोग-  
 पडिसंलीणया ३ कायजोगपडिसंलीणया । से किं तं  
 मणजोगपडिसंलीणया ? १ अकुसलमणणिरोहो वा २  
 कुसलमणउदीरणं वा, से तं मणजोगपडिसंलीणया ।  
 से किं तं वयजोगपडिसंलीणया ? १ अकुसलवयणिरोहो वा २ 20  
 कुसलवयउदीरणं वा, से तं वयजोगपडिसंलीणया । से किं  
 तं कायजोगपडिसंलीणया ? २ जं णं सुसमाहियपाणिपाए  
 कुम्मो इव गुत्तिंदिए सव्वगायपडिसंलीणे चिट्ठइ, से तं काय-  
 जोगपडिसंलीणया । से किं तं विवित्तसयणासणसेव-  
 णया ? २ जं णं आरामेसु उज्जाणेसु देवकुलेसु 25

सहासु पवासु पणियगिहेसु पणियसालासु इत्थीपसुपंडग-  
संसत्तविरहियासु वसहीसु फासुएसणिज्जं पीढफलगसेज्जा-  
संथारगं उवसंपज्जित्ताणं विहरइ । से तं पडिसंलीणया ।  
से तं बाहिरए तवे ।

- 5 से किं तं अब्भितरए तवे ? २ छव्विहे पण्णत्ते । तं जहा-१  
पायच्छित्तं २ विणए ३ वेयावच्चं ४ सज्झाओ ५ ज्ञाणं  
६ विउसग्गो । से किं तं पायच्छित्ते ? २ दसविहे पण्णत्ते ।  
तं जहा-१ आलोयणारिहे २ पडिक्कमणारिहे ३ तदुभयारिहे  
४ विवेगारिहे ५ विउस्सग्गारिहे ६ तवारिहे ७ छेदारिहे ८
- 10 मूलारिहे ९ अणवट्ठप्पारिहे १० पारंचियारिहे, से तं पायच्छित्ते । से  
किं तं विणए ? सत्तविहे पण्णत्ते । तं जहा-१ णाणविणए  
२ दंसणविणए ३ चरित्तविणए ४ मणविणए ५ वंडविणए  
६ कायविणए ७ लोगोवयारविणए । से किं तं णाणविणए ?  
पंचविहे पण्णत्ते, तं जहा-१ आभिणिबोहियणाणविणए २ सुयणाण-
- 15 विणए ३ ओहिणाणविणए ४ मणपज्जवणाणविणए ५ केवलणाण-  
विणए । से किं तं दंसणविणए ? दुविहे पण्णत्ते । तं जहा-१  
सुस्सूसणाविणए २ अणच्चासायणाविणए । से किं तं  
सुस्सूसणाविणए ? २ अणेगविहे पण्णत्ते । तं जहा-१ अब्भुट्ठाणे  
इ वा २ आसणाभिग्गहे इ वा ३ आसणप्पदाणे इ वा ४ सक्कारे
- 20 इ वा ५ सम्माणे इ वा ६ किइक्कम्मे इ वा ७ अंजलिप्पग्गहे इ वा  
८ एंतस्सं अणुगच्छणया ९ ठियस्स पज्जुवासणया १० गच्छं-  
तस्स पडिसंसाहणया, से तं सुस्सूसणाविणए ।

से किं तं अणच्चासायणाविणए ? २ पणयालीसविहे  
 पण्णत्ते । तं जहा-१ अरहंताणं अणच्चासायणया २ अर-  
 हंतपण्णत्तस्स धम्मस्स अणच्चासायणया ३ आयरियाणं  
 अणच्चासायणया एवं ४ उवज्झायाणं ५ थेराणं ६  
 कुलस्स ७ गणस्स ८ संघस्स ९ किरियाणं १० संभो- 5  
 गस्स ११ आभिणिबोहियणाणस्स १२ सुयणाणस्स १३  
 ओहिणाणस्स १४ मणपज्जवणाणस्स १५ केवलणाणस्स  
 १६-३० एएसिं चैव भत्तिबहुमाणे ३१-४५ एएसिं  
 चैव वण्णंसंजलणया, से तं अणच्चासायणाविणए । से  
 किं तं चरित्तविणए ? पंचविहे पण्णत्ते । तं जहा-१ 10  
 सामाइयचरित्तविणए २ छेदोवट्ठावणियचरित्तविणए ३  
 परिहारविसुद्धिचरित्तविणए ४ सुहुमसंपरायचरित्तविणए ५  
 अहक्खायचरित्तविणए, से तं चरित्तविणए । से किं तं  
 मणविणए ? दुविहे पण्णत्ते । तं जहा-१ पसत्थमणविणए  
 २ अपसत्थमणविणए । से किं तं अपसत्थमणविणए ? 15  
 जे य मणे १ सावज्जे २ सकिरिए ३ सककसे ४ कडुए  
 ५ णिट्ठरे ६ फरुसे ७ अण्हयकरे ८ छेयकरे ९ भेयकरे १०  
 परितावणकरे ११ उद्वणकरे १२ भूओवघाइए तहप्पगारं  
 मणो णो पहारेज्जा, से तं अपसत्थमणोविणए । से किं तं  
 पसत्थमणोविणए ? २ तं चैव पसत्थं णेयव्वं । एवं चैव वइ- 20  
 विणओवि एएहिं पएहिं चैव णेयव्वो । से तं वइविणए ।

से किं तं कायविणए ? २ दुविहे पण्णत्ते । तंजहा-  
 १ पसत्थकायविणए २ अपसत्थकायविणए । से किं तं  
 अपसत्थकायविणए ? २ सत्तविहे पण्णत्ते । तं जहा-१ अणा-  
 उत्तं गमणे २ अणाउत्तं ठाणे ३ अणाउत्तं निसीदणे

४ अणाउत्तं तुयदृणे ५ अणाउत्तं उल्लंघणे ६ अणाउत्तं पल्लंघणे ७ अणाउत्तं सविंदियकायजोगजुंजण्या, से तं अपसत्थकायविणए । से किं तं पसत्थकायविणए ? २ एवं चेव पसत्थं भाणियव्वं । से तं पसत्थकायविणए, से तं कायविणए । से किं तं लोगोव्यारविणए ? २ सत्तविहे पणत्ते । तं जहा-१ अविभासवत्तियं २ परच्छंदाणुवत्तियं ३ कज्जहेउं ४ कयपाडिकिरिया ५ अत्तगवेसणया ६ देसकालण्णया ७ सव्वट्ठेसु अप्पडिलोमया । से तं लोगोव्यारविणए, से तं विणए ।

10 से किं तं वेयावच्चे ? २ दसविहे पणत्ते । तं जहा-१ आयरियवेयावच्चे २ उवज्झायवेयावच्चे ३ सेहवेयावच्चे ४ गिलाणवेयावच्चे ५ तवास्सिवेयावच्चे ६ थेरवेयावच्चे ७ साहम्मियवेयावच्चे ८ कुलवेयावच्चे ९ गणवेयावच्चे १० संघवेयावच्चे, से तं वेयावच्चे । से किं तं सज्झाए ? २ पंचविहे पणत्ते । तं जहा-१ वायणा २ पडिपुच्छणा ३ पारियदृणा ४ अणुप्पेहा ५ धम्मकहा, से तं सज्झाए । से किं तं ज्ञाणे ? चउव्विहे पणत्ते । तं जहा-१ अट्टंज्झाणे २ रुद्धज्झाणे ३ धम्मज्झाणे ४ सुक्कंज्झाणे । अट्टंज्झाणे चउव्विहे पणत्ते । तं जहा-१ अमणु-  
20 ण्णसंपओगसंपउत्ते तस्स विप्पओगसतिसमण्णागए यावि भवइ, २ मणुण्णसंपओगसंपउत्ते तस्स अविप्पओगसतिसमण्णागए यावि भवइ ३ आयंकसंपओगसंपउत्ते तस्स विप्पओगसतिसमण्णागए यावि भवइ ४ परिजूसियकामभोगसंपओगसंपउत्ते तस्स अविप्पओगसतिसमण्णा-  
25 गए यावि भवइ । अट्टस्स णं ज्ञाणस्स चत्तारि लक्खणा

पण्णत्ता । तं जहा— १ कंदणया २ सोयणया ३ तिप्प-  
 णया ४ विलवणया । रुद्धज्झाणे चउव्विहे पण्णत्ते । तं जहा  
 —१ हिंसाणुबंधी २ मोसाणुबंधी ३ तेणाणुबंधी ४ सार-  
 क्खणाणुबंधी । रुद्धस्स णं ज्ञाणस्स चत्तारि लक्खणा  
 पण्णत्ता । तं जहा—१ उप्पणदोसे २ बहुदोसे ३ अण्णाण- 5  
 दोसे ४ आमरणंतदोसे । धम्मज्झाणे चउव्विहे चउप्पडोयारे  
 पण्णत्ते । तं जहा—१ आणाविजए २ अवायविजए ३ विवाग-  
 विजए ४ संठाणाविजए । धम्मस्स णं ज्ञाणस्स चत्तारि  
 लक्खणा पण्णत्ता । तं जहा—१ आणारुई २ णिसगरुई  
 ३ उवएसरुई ४ सुत्तरुई । धम्मस्स णं ज्ञाणस्स चत्तारि 10  
 आलंबणा पण्णत्ता । तं जहाः—१ वायणा २ पुच्छणा  
 ३ परियट्टणा ४ धम्मकहा । धम्मस्स णं ज्ञाणस्स चत्तारि  
 अणुप्पेहाओ पण्णत्ताओ । तं जहा--१ अणिच्चाणुप्पेहा  
 २ असरणाणुप्पेहा ३ एगत्ताणुप्पेहा ४ संसाराणुप्पेहा ।

सुककंज्झाणे चउव्विहे चउप्पडोयारे पण्णत्ते । तं जहा— 15  
 १ पुहुत्तवियक्के सवियारी २ एगत्तवियक्के अवियारी  
 ४ सुहुमाकिरिए अप्पडिवाई ४ समुच्छिन्नकिरिए अणियट्ठी ।  
 सुक्कस्स णं ज्ञाणस्स चत्तारि लक्खणा पण्णत्ता । तं जहा—  
 १ विवेगे २ विउसग्गे ३ अन्वहे ४ असम्मोहे ।  
 सुक्कस्स णं ज्ञाणस्स चत्तारि आलंबणा पण्णत्ता । तं जहा 20  
 १ खंती २ मुत्ती ३ अज्जवे ४ मद्दवे । सुक्कस्स णं  
 ज्ञाणस्स चत्तारि अणुप्पेहाओ पण्णत्ताओ । तं जहा—  
 १ अवायाणुप्पेहा २ असुभाणुप्पेहा ३ अणंतवत्तियाणुप्पेहा  
 ४ विपरिणामाणुप्पेहा । से तं ज्ञाणे ।

१ B विलवणया. २ L रोह°. ३ B विवाद°. ४ L सुक्के. ५ L पुहत्त°, B पमत्त°. ६ A° वित्तिआ-

- से किं तं विउस्सग्गे ? २ दुविहे पण्णत्ते । तं जहा—१  
 दब्बविउस्सग्गे २ भावविउस्सग्गे य । से किं तं दब्ब-  
 विउस्सग्गे ? २ चउव्विहे पण्णत्ते । तं जहा—१ सरीर-  
 विउस्सग्गे २ गणविउस्सग्गे ३ उव्वहिविउस्सग्गे ४ भत्त-  
 5 पाणविउस्सग्गे । से तं दब्बविउस्सग्गे । से किं तं  
 भावविउस्सग्गे ? २ तिविहे पण्णत्ते । तं जहा—१ कसा-  
 यविउस्सग्गे २ संसारविउस्सग्गे ३ कम्मविउस्सग्गे । से  
 किं तं कसायविउस्सग्गे ? २ चउव्विहे पण्णत्ते । तं जहाः—  
 १ कोहकसायविउस्सग्गे २ माणकसायविउस्सग्गे ३  
 10 मायाकसायविउस्सग्गे ४ लोहकसायविउस्सग्गे । से तं  
 कसायविउस्सग्गे । से किं तं संसारविउस्सग्गे ? २  
 चउव्विहे पण्णत्ते । तं जहाः—१ णेरइयसंसारविउस्सग्गे २  
 तिरियसंसारविउस्सग्गे ३ मणुयसंसारविउस्सग्गे ४ देव-  
 संसारविउस्सग्गे । से तं संसारविउस्सग्गे । से किं  
 15 तं कम्मविउस्सग्गे ? २ अट्ठविहे पण्णत्ते । तं जहाः—१  
 णाणावरणिज्जकम्मविउस्सग्गे २ दरिसणावरणिज्जकम्मविउ-  
 स्सग्गे १ वैयण्णिज्जकम्मविउस्सग्गे २ मोहणिज्जकम्मविउस्सग्गे  
 ३ आरुयकम्मविउस्सग्गे ४ णामकम्मविउस्सग्गे ५ गो-  
 यकम्मविउस्सग्गे ६ अंतरायकम्मविउस्सग्गे । से तं  
 20 कम्मविउस्सग्गे, से तं भावविउस्सग्गे ।

### SUTRA 31.

तेणं कालेणं तेणं समणं समणस्स भगवओ महा-  
 वीरस्स बहवे अणगारा भगवंतो अप्पेगइया आयारधरा  
 जाव विवागसुयधरा तत्थ तत्थ तहिं तहिं देसे देसे  
 गच्छागच्छिं गुम्मागुम्मिं <sup>फुड्डाफुड्डिं</sup> फुड्डाफुड्डिं अप्पेगइया वायांति

अप्पेगइया पडिपुच्छंति अप्पेगइया परियट्ठंति अप्पेगइया  
अणुप्पेहंति अप्पेगइया अक्खेवणीओ विक्खेवणीओ संवे- ३  
यणीओ णिव्वेयणीओ बहुविहाओ कहाओ कंहांति अप्पे-  
गइया उट्ठंजाणू अहोसिरा ज्ञाणकोट्ठोवगया संजमेणं तवसा  
अप्पाणं भावेमाणा विहरंति । 5

## SUTRA 32.

संसारभउव्विग्गा भीयाँ जम्मणजरमरणकरणंगंभीरदुक्खप-  
क्खुब्भियपउरसलिलं संजोगविओगवीईचिंतापसंगपसरियवहबंध-  
महल्लविउलकल्लोलकलुणाविलवियलोभकलकलंतबोलबहुलं अव-  
माणणफेणतिव्वखिसणपुल्लपुल्ल [ पुल्लपणे ] प्पभूयरोगवेयण-  
परिभवविणिवायफरुसधरिसणाँ सिमावाडियकट्ठिणकम्मपत्थर- 10  
तरंगरंगंतानिच्चमच्चुभयतोयपट्ठं कसायपायालसंकुलं भवसय-  
सहस्सकलुसजलसंचयं पइभयं अपरिमियमहिच्छकलुसमइवाउ-  
वेगउद्धुम्ममाणदगरयरयंध आरवरफेणपउरआसापिवासधवलं  
मोहमहावत्तभोगभममाणगुप्पमाणुँच्छलंतपच्चोणिर्यत्तपाणियपमा-  
यचंडबहुदुट्ठसावयसमाहयुद्धायमाणपठभारघोरकंदियमहारवरवंत-15  
भेरवरवं अण्णाणंभमंतमच्छपरिहत्थअणिहुरियिदियमहामगरतुरि-  
यचरियखोखुब्भमाणनच्चंतचवलचंचलचलंतघुम्मंतजलसमूहं अर-  
इभयविसायसोगमिच्छत्तसेलसंकडं अणाइसंताणकम्मबंधणाकि-  
लेसचिक्खल्लसुदुत्तारं अमरणरतिरियणर्यंगइगमणकुडिलपरि-  
र्यत्तविउलवेलं चउरंतं महंतमणवयगं रुँदं संसारसागरं 20  
भीमं दारिसणिज्जं तरंति धिइधौणियनिप्पकंपणे तुँरियचवलं

१ B, A चउव्विहा° २ B कर्हिंति. ३ Read only in A & B. ४ L° भिय ५ A  
° वीचि ६ L° कलेन्त, B° कल्लिकल्लित ७ B° किखसण ८ B° पुल्लपुल्लय ९  
Noted in L; १० B°. वेण ११ B° कवय. १२ L उद्धुम्म° B°, उद्धव्व° १३ B. माणुव्वलंत.  
१४ L पच्चोणिवयंत, B. पयच्चोणिवअंत. १५ B. अत्ताणं. १६ A. चिक्खल्ल. १७ B. A.  
णिरय. १८ A° वत्त. १९ L रुँदं. २० B° भीमदारिसं २१ A धीइ° २२ L तुरियं चंचलं.

संवरवेरग्गतुंगकूवयसुसंपउत्तेणं णाणसियविमलमूसिएणं सम्म-  
 त्तविसुद्धलद्धणिज्जामएणं धीरा संजमपोएण सलिकालिया  
 पसत्थज्झाणतववायपणोल्लियपहाविएणं उज्जमववसायग्गाहिय-  
 णिज्जरणजयणउवओगणाणदंसण [ चरित्त ]' विसुद्धवय-  
 5 [ वर ]<sup>१</sup> भंडभरियसारा जिणवरवयणोवदिट्ठमग्गेण अकुडिलेण  
 सिद्धिमहापट्टणाभिमुहा समणवरसत्थवाहा सुसुइसुसंभाससु-  
 पण्हसासा गामे गामे एगरायं णगरे णगरे पंचरायं दूइ-  
 ज्जंता जिइंदिया णिब्भया गयभया सच्चित्ताच्चित्तमीसिएसु  
 दब्बेसु विरागयं गथा संजया [ विरता ]<sup>२</sup> मुत्ता लहुया  
 10 णिरवकंखा साहूणिहुया चरंति धम्मं ॥

### SUTRA 33.

तेणं कालेणं तेणं समएणं समणस्स भगवओ महा-  
 वीरस्स बहवे असुरकुमारा देवा अंतियं पाउब्भवित्था,  
 कालमहाणीलसरिसणीलगुलियगवलअयासिकुसुमप्पगासा वि-  
 यसियसयवत्तामिव पत्तलनिम्मला<sup>३</sup> ईसीसियरत्तंतंबणयणा  
 15 गरुलाययउज्जुतुंगणासा ओयंवियसिलप्पवालाबिंबफलसाणि-  
 भाहरोट्ठा पंडुरससिसयलविमलणिम्मलसंखगोखीरफेणदगरय-  
 मुणालियाधवलदंतसेढी हुयवहणिद्धंतधोयतत्तंतवणिज्ज-  
 रत्ततलतालुजीहा अंजणघणकसिणरुयगरमणिज्जणिद्धकेसा वा-  
 मेगकुंडलधरा अइचंदणाणुलित्तगत्ता ईसीसिलिंधपुप्फप्पगांसाइं  
 20 असंकिलिट्ठाइं सुहुमाइं वत्थाइं पवरपरिहिया वयं च  
 पढमं समइकंता विइयं च<sup>४</sup> असंपत्ता भदे जोव्वणे  
 वट्टमाणा तलभंगयतुडियपवरभूसणनिम्मलमणिरयणमंडियभुया

१ Noted in L. २ L notes it. ३ B दुइज्जंता, ४ B L मसिएसु ५ Read  
 in B. ६ A° निम्मलईसिं ७ A उअचिअ° ८ Not in L ९ B, साइयअसं°  
 १० A च वयं.

दसमुद्दामांडियग्गहत्था चूलामणिचिंधगया सुख्वा महिड्डिया  
 महज्जुइया महब्बला महायसा महासोक्खा महाणुभागा  
 हारविराइयवच्छा कडगतुडियथंभियभुया अंगयकुंडलमैट्ठगंड-  
 तला कण्णपीढधारी विचित्तहत्थोभरणा विचित्तमालामउ-  
 लिमउडा कल्लाणगपवरवत्थपरिहिया कल्लाणगपवरमल्लाणु-  
 लेवणा भासुरबोदी पलंबवणमालधरा दिव्वेणं वण्णेणं  
 दिव्वेणं गंधेणं दिव्वेणं रूव्णेणं एव— फासेणं संघाएँणं  
 संठाणेणं दिव्वाए इड्डीए जुँइए पभाए छायाए अच्चीए  
 दिव्वेणं तेएणं दिव्वाए लेसाए दस दिसाओ उज्जोवे-  
 माणा पभासेमाणा समणस्स भगवओ महावीरस्स अंतियं  
 आगम्मागम्म रत्ता समणं भगवं महावीरं तिक्खुत्तो आ-  
 याहिर्णपयाहिणं करेन्ति २ त्ता वंदंति णमंसंति [वंदित्ता]<sup>१०</sup>  
 णमंसित्ता [साइं साइं णामगोयाइं सावेन्ति] णच्चासंण्णे  
 णाइदूरे सुस्सुसमाणा णमंसमाणा अभिमुहा विणएणं  
 पंजलिउडा पज्जुवासांति ॥

### SUTRA 34.

तेणं कालेणं तेणं समएणं समणस्स भगवओ महा-  
 वीरस्स बहवे असुरिंदवाज्जिया भवणवासी देवा अंतियं  
 पाउब्भवित्था णागपइणो सुवण्णा विज्जू अग्गी थँ दीव-  
 उदही दिसाकुमरा य पवणथणिया य भवणवासी णागफ-  
 डागरुलवइरपुण्णकल्लेसंकियुप्पहेससीहहयवरगयंकमयरंकवरमउ-  
 डवद्धमाणिज्जुत्तविचित्तचिंधगया सुख्वा महिड्डिया सेसं-  
 तं चेव जाव—पज्जुवासांति ॥

१ A B<sup>०</sup>महिड्डिया. २ A. महबला, B<sup>०</sup>महाबल. ३-A, B<sup>०</sup> गंडतलकण्ण. ४A,<sup>०</sup> वत्था  
 ५ A notes संघयणेणं. ६Aजुत्तीए ७B.अंतियं अंतियं, <A<sup>०</sup>हिणं. ९Aकरेइ १०Read in B.  
 ११ Noted in L. १२A. 'सणे १३A.अग्गिआ दीवा. १४A, कलससीहहयगयमगरमउड'—

## SUTRA 35.

तेणं कालेणं तेणं समएणं समणस्स भगवओ महा-  
 वीरस्स बहवे वाणमंतरा देवा अंतियं पाउब्भवित्था  
 पिंसायभूया य जक्खरक्खसा किंनरकिंपुरिसभुयगपईणो  
 य महाकाया गंधव्वणिंकायगणा णिउणगंधव्वगीथरइणो  
 अणवैण्णियपणवणियइसिवांदियभूयवादिंयकंदियमहाकंदिया य  
 कुहंडपययंदेवा चंचलचवलचित्तकीलणदवाप्पिया गंभीरह-  
 सियभणियपीयगीयणच्चणरई वणमालामेलमउडकुंडल-  
 सच्छंदविउव्वियाहरणचारुविभूसणधरा सव्वोउयसुरभि-  
 कुसुमसुरइयपलंबसोभंतकंतवियसंतचित्तवणमालरइयवच्छा का-  
 मंगमा कामरूवधारी णाणाविहवण्णरागवरवत्थचि-  
 त्तचिल्लियणियंसणा विविहदेसीणेवच्छर्गाहियवेसा पमु-  
 इयकंदप्पकलहकेलीकोलाहंलापिया हासबोलंबहुला अणेग-  
 मणिरयणविविहणिज्जुत्तविचित्तचिंधगया सुरूवा माहिट्टिया  
 जाव पज्जुवासंति ॥

## SUTRA 36.

तेणं कालेणं तेणं समएणं समणस्स भगवओ महा-  
 वीरस्स ( वद्धमाणस्स )<sup>३</sup> जोइसिया देवा अंतियं पाउ-  
 व्ववित्था, विहंससती चंदसूरसुक्कसणिच्छरं राहू धूमकेतु-  
 बुहा य अंगारका य तत्तवणिज्जकणगवण्णा जे य  
 गहा जोइसंमि<sup>६</sup> चारं चरंति केऊ य गइरइया अट्ठावी-  
 सतिविहो य णक्खत्तदेवगणा णाणासंठाणसंठियाओ य

E पिंसायभूता. २ A °वइणो. ३ L notes °पइगणा. ४ B, A °पणिय. ५ A °वादीअ  
 ६ A पयएय- ७ A °गमी. ८ A °चिल्लिय ९ A णेवत्थगं १० A °पिया ११ L notes.  
 [ हासकेलिबहुला ] १२ L °चिंधवित्त. १३ Read in L. १४ B, वह°. १५ A °चचरा.  
 १६ M जोइसंचाई. १७ A अट्ठावीस.

पंचवणाओ ताराओ ठियलेसा चारिणो य अविस्साम-  
मंडलगई पत्तेयं णामंकापागडियचिंधमउडा माहिड्डिया—जाव-  
पज्जुवासंति ॥

### SUTRA 37.

तेणं कालेणं तेणं समणं समणस्स भगवओ महा-  
वीरस्स वेमाणिया देवा अंतियं पाउब्भवित्था सोहम्मीसाण- 5  
सणंकुमारमाहिंदंभलंतगमहासुकसहस्साराणयपाणयारणअच्चु-  
यवई पहिट्टा देवा जिणदंसणुस्सुयांगमणजणियहासा पालग-  
पुप्फगसोमणससिसिरिवच्छणंदियावत्ताकामगमपीङ्गममणोगमवि-  
मलसव्वओभइसरिसणामयेज्जेहिं विमाणेहिं ओइण्णा वंदगा  
जिणिंदं मिगमहिसवराहल्लगलदद्वरहयगयवइभुयगखग्गउसभंक- 10  
विडिमपागडियचिंधमउडा पसिट्ठिलवरमउडतिरीडधारी कुंडल-  
उज्जोवियाणणा मउडदित्तासिरया रत्ताभा पउमपम्हगोरा  
सेया सुभवणगंधफासा उत्तामवेउव्विणो विविहवत्थगंधमल-  
धारी माहिड्डिया महज्जुतिया जाव पंजलिउडा पज्जुवासंति ॥

### [ SUTRA 37. ]

सामाणियतावत्तीसर्माहिया सलोगपालअग्गमहिसिपरिसाणि- 15  
यआर्यरक्खेहिं पंरिवुडा देवसहस्सानुयातमागैः सुरवरगणेश्वरैः  
प्रयतैः समणुगम्मंतसस्सिरीया सर्वादरविभूषितः सुरसमूहना-  
यकाः सौम्यचारुरूपाः देवसंघजयसइकयालोया मिगमहिस-  
वराहल्लगलदद्वरहयगयवइभुयगखग्गउसभंकविडिमपागडियचिंध-

१ L °पई. २ A °णुस्सगा, B °णूसगा. ३ A °भइणामधिज्जेहिं.  
४ B °लुज्जोविया°. ५ A, °विउव्विणो. ६ A °धरा. ७ Read in L as well as in  
Com., who thus remarks on this—वैमानिकवर्णकोऽपि व्यक्तो नवरं वाचनान्तरंगतं  
किंचिदस्य व्याख्यायते, तदन्तर्गतं किंचिदधिकृतवाचनान्तरगतं च । ८ Com. °सहिया.  
९ Com. °अप्प.-१० Com. संपरि°.

मउडा पालगपुप्फगसोमणससिसिरिवच्छनंदियावट्टकामगमपीति-  
 गममणोगमविमलसव्वओभदनामधेज्जेहिं विमाणेहिं तरुणादि-  
 णयरंकरअइरेगप्पभेहिं मणिकणगरयणघडियजालुज्जलहेमजा-  
 लपेरंतपारिगएहिं सपयरवरमुत्तदामलंबंतभूसणेहिं पचालियघंटाव-  
 5 वलिमहुरसद्वंसतंतीतलतालगीयवाइयरवेणं महुरेणं मणोह-  
 रेणं पूरयंता अंबरं दिसाओ य, सोभेमाणा सरियं, संपट्टिया  
 थिरजसा देविंदा हट्टुट्टमणसा, सेसा वि य कप्पवर-  
 विमाणाहिवा सविमाणविचित्तिचिंधनामंकविगडपागडमउडाडो-  
 वसुभदंसणिज्जा समन्निंति, लोयंतविमाणवासिणो यावि देव-  
 10 संघा य पत्तेयविरायमाणविरइयमणिरयणकुंडलाभिसंतनिम्मल-  
 नियगंक्रियविचित्त्पागडियंमउडा दायंता अप्पणो समुदयं, पेच्छं-  
 ता वि य परस्स रिड्डीओ, जिणिंदवंदणनिमित्तभत्तीए  
 चोइयमई जिणदंसणूसुयागमणजणियहासा विउलबलसमूह-  
 पिंडिया संभमेणं गगणतलविमलविउलगगणगइचवलचालियमण-  
 15 ( पव्वण ) जइणासिग्घवेगा णाणाविहजाणवाहणगया ऊसि-  
 यविमलधवलच्छंता विउव्वियजाणवाहणविमाणदेहरयणप्पभाए  
 उज्जोएंता नहं, वितिमिरं करंता सव्विड्डीए हुलियं  
 प्रयाताः । [ पसिठिलवरमउडातिरीडधारी मउडादित्तसिरया  
 रत्ताभा पउमपम्हगोरा सेया । ]<sup>५</sup>

## [ SUTRA 38. ६

20 तेणं कालेणं तेणं समएणं समणस्स भगवओ महा-  
 वीरस्स बहवे अच्छरगणसंघाया अंतियं पाउब्भवित्था ।  
 ताओ णं अच्छराओ धंतधोयकणगरुयगसरिसप्पभाओ सम-

१ Com. °दिवागरकरातिरेगप्पहेहिं. २ Com. °पागडियचिंधमउडा. ३ Not in L.  
 ४ Com. °आयवत्ता. ५ Read in Com. with the remark गमान्तरमिदम्. ६ Com.  
 prefaces the passage thus:—पुस्तकान्तरे देवीवर्णको दृश्यते । स चैवम्.

इकंताओ य वालभावं अणइवरसोमचारूवाओ निरुवह-  
 यसरसजोव्वणककसतरुणवयभावं उवगयाओ निच्चं अवट्टिय-  
 सहावाओ सव्वंगसुंदरीओ इच्छियनेवच्छरइयरमणिज्जगहिय-  
 वेसाओ किं ते हारद्धहारपाउत्तरयणकुंडलवाभुत्तगहेम-  
 जालमणिजालकणगजालसुत्तंगउरितियकडगखुड्डुगएगावलिकंठ- 5  
 सुत्तमगहरावरवच्छगेवेज्जसोणिसुत्तगतिलगफुल्लगसिद्धत्थियकण-  
 वालियससिसूरउसभवेककयतलभंगयतुडियहत्थमालयहरिसकेऊर-  
 वलयपालंबअंगुलिज्जगवलकखदीणारमालिया चंदसूरमालि-  
 याकंचिमेहलकलावपयरगपरिहेरगपायजालधंटियाँखिणिरय-  
 गोरुजाललुँडियवरनेउरचलणमालियाकणगाणिगलजालगमगर- 10  
 मुहविरायमाणनेउरपचलियसदालभूसणधारणीओ दसद्ध-  
 वण्णरागरइयरत्तमणहरे हयलालापेलवाइरेगे धवले कणग-  
 खचियंतकम्मे आगासफालियसरिसप्पहे अंसुर्पणियत्थाओ  
 आयेरेणं तुसारगोक्खीरहारदगरयपंडुरदुगुल्लसुकुमालसुकय-  
 रमणिज्जउत्तरिज्जाइं पाउयाओ, वरचंदणचच्चियाओ वरा- 15  
 भरणभूसियाओ सव्वोउयसुराभिकुसुमरइयाविचित्तवरमल्लधा-  
 रिणीओ सुगंधचुण्णगरागवरवासपुप्फपूरगविराइयाओ अहि-  
 यसस्सिरीयाओ उत्तमवरधुवधुवियाओ सिरीसमाणवेसाओ  
 दिव्वकुसुममल्लदामपव्वभंजलिपुडाओ चंदाणणाओ चंदविला-  
 सिणीओ चंदद्धसमललाडाओ चंदाहियसोमदंसणाओ उक्का- 20  
 ओ विव उज्जोएमाणाओ विज्जुघणमिरीइस्सरदिप्पंततेयअ-  
 हियतरसन्निगासाओ सिंगारागारचारूवेसाओ संगयगयहासि-  
 यभणियचेट्टियविलाससललियसंलावनिउणजुत्तोवयारकुसला-  
 ओ सुंदरथणजघणवयणकरचरणनयणलावण्णरूवजोव्वणवि-  
 लासकलियाओ सुरवधूओ सिरीसनवणीयमउयसुकुमालतु- 25

१ Com. °वासुत्तग. २ Com. °सुभग. ३ Com °नधरच्छ. ४ Com. °चककय. ५ Com  
 °या. ६ Com. खुड्डिय. ७ Com. °धरोउ. ८ Com. अंसुए नियत्थाओ.

ल्लफ्रासाओ ववगयकलिकलुसाओ धोयनिद्वंतर यमलाओ सो-  
माओ कंताओ पियदंसणाओ मुरूवाओ जिणभत्तिदंसणा-  
णुरागेणं हरिसियाओ ओवइयाओ यावि जिणरगासं दिव्वे-  
णं सेसं तं च्चैव नवरं ठियाओ च्चैव ।

## SUTRA 38.

- 5 तेषु णं चंपाए णयरीए सिंघाडगतिगचउक्कचच्चरचउ-  
म्मुहमहापहपहेसु महया जणसदे इ वा [ कचित् बहुजणसदे  
इ वा जणवाए इ वा जणुल्लावे इ वा ] जणवूहे इ वा जणबो-  
ले इ वा जणकलकले इ वा जणुम्मीइ वा जणुकालिया इ  
वा जणसण्णिवाए इ वा बहुजणो अण्णमण्णस्स एव-  
10 माइक्खइ एवं भासइ एवं षण्णवेइ एवं परूवेइ—“ एवं  
खलु देवाणुप्पिया ! समणे भगवं महावीरे आइगरे तित्थ-  
गरे संयंसंबुद्धे पुरिसुत्तमे जाव संपाउकामे पुव्वाणुपुविं  
चरमाणे गामाणुग्गामं दूइज्जमाणे इहमागए इहसंपत्ते इह  
समोसठे इहेवं चंपाए णयरीए वेहिं पुण्णइ च्चैइए अ-  
15 हापडिरूवं उग्गहं उग्गिण्हित्ता संजमेणं तवस, अप्पाणं  
भावेमाणे विहरइ । तं महप्फलं खलु भो देवाणुप्पिया !  
तहारूवाणं अरहंताणं भगवंताणं णामगोयस्स वि सवण-  
याए, किमंग उणं अभिगमणवंदणणमंसणपडिपुच्छणपज्जु-  
वासणयाए ? एगस्सं वि आयरियस्स धम्मियस्स सुव-  
20 यणस्स सवणयाए, किमंग पुण विउलस्स अट्ठस्स गहण-  
याए ? तं गच्छामो णं देवाणुप्पिया ! समणं भगवं महा-  
वीरं वंदामो णमंसामो सक्कारेमो सम्माणेमो कल्लारणं मं-  
गलं देवयं च्चैइयं [ विणएणं ] पज्जुवासामो एयं णे पेच्च-  
भवे इहभवे थं हियाए सुहाए खमाए निस्सेयसाए आणु-

१ Noted in L & Com. २ Lसह°. ३ Lइह. ४ B° चंपानगरीए. ५ B° बाहिया. ६ B  
पुण. ७ A एकस्स. ८ A अत्थस्स. ९ Noted in A. १० B नो. ११ पाठान्तरे इह भवे य  
परभवे य- Noted in L & Com. B reads. पिच्चइ भवे इह भवे वा.

गामियत्ताए भविस्सइत्ति कट्टु बहवे उग्गा उग्गपुत्ता भोगा  
 भोगपुत्ता एवं दुपडोयारेणं राइण्णा [ क्वचित्—इक्खागा  
 नाया कोरव्वा ]<sup>१</sup> खत्तिया माहणा भडा जोहा पसत्थारो  
 मल्लई लेच्छई लेच्छईपुत्ता अण्णे य बहवे राईसरतलव-  
 रमाडंविद्यकोडुंविद्यइब्भसेट्ठिसेणावइसत्थवाहप्पभिंतयो अप्पेगइया 5  
 वंदणवत्तियं अप्पेगइया पूयणवत्तियं एवं सक्कारवत्तियं  
 सम्माणवत्तियं दंसणवत्तियं कोऊहल्लवत्तियं अप्पेगइया अट्टु-  
 विणिच्छयहेउं अस्सुयाइं सुणेस्सामो सुयाइं निस्संकियाइं  
 करिस्सामो अप्पेगइया अट्टाइं हेऊइं कारणाइं वागरणाइं  
 पुच्छिस्सामो अप्पेगइया सव्वओ सँमंता मुँडे भवित्ता 10  
 अगाराओ अणगारियं पव्वइस्सामो, पंचाणुव्वइयं सत्तासि-  
 क्खावइयं दुवालसविहं गिहिधम्मं पडिवज्जिस्सामो, अप्पे-  
 गइया जिणभत्तिरागेणं अप्पेगइया जीयमेयांति कट्टु  
 ण्हाया कयवलिकम्मा कयकोउयमंगलपायच्छित्ता [ क्वचित्—  
 उच्छोलणपथोया ]<sup>२</sup> सिरसा कंठे मालकडं आविद्धमणि- 15  
 सुवण्णा कप्पियहारद्वहारतिसरैपालंबपलंबमाणकाडिसुत्तंसुकय-  
 सोहाभरणा पवरवत्थपारिहिया [ वाचनान्तरे—जाणगया जु-  
 गगया गिल्लिगया थिल्लिगया पवहणगया ]<sup>३</sup> चंदणोलित्त-  
 गायसरीरा, अप्पेगइया हयगया एवं गयगया रहगया  
 सिर्वियागया संदमाणियागया अप्पेगइया पायविहारचारेणं 20  
 पुरिसवग्गुरापारिक्खित्ता [ क्वचित्—वग्गावग्गिं गुम्मागुम्मिं ]  
 महया उक्किट्ठिंसीहणायबोलकलकलरवेणं पक्खुब्भियमहासमु-  
 हरवभूयं पिव करेमाणा [ क्वचित्—पायदहरेण भूमिं कंपेमाणा

१ L °स्सईत्ति. २ Noted in L & Com. ३ B °सिट्ठि. ४ A °पभित्तिओ  
 तिया. ५ L °हल्लं. ६ L notes सव्वत्ताए. ७ L मुँडा. ८ A कोऊय, ९ Noted in L &  
 Com., १० B मालकडा ११ A तिसरयं. १२ B A °सुत्तय. १३ Noted in L &  
 Com., who notes it after हयगया. १४ B L सिविया. १५ B, A, °चारिणो.  
 १६ Noted in L & Com. १७ A उक्किट्ठिं.

अंबरतलं पिव फोडेमाणा एगदिसिं एगाभिमुहा ]<sup>१</sup> चंपाए  
 णयरीए मज्झमज्झेणं णिग्गच्छंति २ ता जेणेव पुण्ण-  
 भद्दे चेइए तेणेव उवागच्छंति २ ता समणस्स भगव-  
 ओ महावीरस्स अदूरसामंते छत्तादीए तित्थयराइसेसे पा-  
 5 संति पासित्ता जाणवाहणाइं ठवेंति [ कच्चित्-विट्ठंभंति ]<sup>३</sup>,  
 २ ता जाणवाहणेहिंतो पच्चोरुहंति पच्चोरुहित्ता [ जाणाइं  
 मुयंति वाहणाइं विसज्जेति पुप्फंतवोलाइयं आउहमाइयं स-  
 चित्तालंकारं पाहणाओ य ( विसज्जेति ) एगसाडियं उ-  
 त्तरासंगं ( करेति ) आयंता चोक्खा परसुइभूया अभिगमे-  
 10 णं अभिगच्छंति, चक्खुफासे एगत्तीभावकरणेणं ]<sup>४</sup>  
 जेणेव समणे भगवं महावीरे तेणेव उवा-  
 गच्छंति, उवागच्छित्ता समणं भगवं महावीरं तिक्खुत्तो  
 25 आयाहिणं पयाहिणं करेति, करित्ता वंदंति णमस्संति,  
 वंदित्ता णमस्सित्ता णच्चासणे णाइदूरे सुस्ससमाणा णमं-  
 समाणा अभिमुहा विणएणं पंजलिउँडा पज्जुवासंति ॥  
 [ वाचनान्तरे-तिविहाए पज्जुवासणाए पज्जुवासंति, काइयाए-  
 सुसमाहियपसंतसाहरियपाणिपाया अंजलिमउलियहत्था ( वा-  
 इयाए ) एवमेयं भंते, अवितहमेयं असंदिद्धमेयं, इच्छिय-  
 मेयं, पडिच्छियमेयं, इच्छियपडिच्छियमेयं, सच्चे णं एस  
 15 अट्ठे, माणसियाए,—ताच्चित्ता तम्मणा तल्लेसा तदज्झव-  
 सिया तत्तिव्वज्झवसाणा तदपियकरणा तदट्ठोवउत्ता तब्भा-  
 वणाभाविया एगमणा अविमणा अणणमणा जिणवयण-  
 धम्माणुरागरत्तमणा वियसियवरकमलनयणवयणा पज्जुवा-  
 सह समोसरणाइं गवेसह आगंतारेसु वा आरामागारेसु  
 20 वा आएसणेसु वा आवसहेसु वा पाणियगेहेसु वा पाणि-

१ Noted in L & Com. २ A ठावइंति. ३ Noted in L & Com. ४ Noted  
 in L. ५ B णमं. ६ B पंजलिकडा. ७ Noted in L.

यसालासु वा जाणगिहेसु वा जाणसालासु वा कोट्टागारेसु  
वा सुसाणेसु वा सुण्णागारेसु वा परिहिंडमाणा परिघोलेमाणा। ]

## SUTRA 39.

तए णं से पविंत्तिवाउए इमीसे कहाए लद्धहे समाणे  
हट्टतुट्ट जाव हियए णहाए जाव अप्पमहग्घाभरणाळंकिय-  
सरीरे सयाओ गिहाओ पडिणिक्खमइ, सयाओ गि- 5  
हाओ पडिणिक्खमित्ता चंपाणयरिं मज्झंमज्झेणं जेणेव  
बाहिरिया सां चेव हेट्ठिल्ला वत्तव्वया जाव णिसीयइ  
णिसीइत्ता तस्स पवित्तिवाउयस्स अद्धत्तेरस सयसहस्साइं  
पीइदाणं दलयइ, २ ता सक्कारेइ सम्माणेइ सक्कारित्ता  
सम्माणेत्ता पडिविसज्जेइ ॥ २८ ॥ 10

## SUTRA 40.

तए णं से कूणिए राया भंभसारपुत्ते बलवाउयं  
आमंतेइ २ ता एवं वयांसि-खिप्पामेव भो देवाणुप्पिया !  
आभिसेक्कं हत्थिरयणं पडिकप्पेहि, हयगयरहपवरजोह-  
कलियं च चाउरंगिणिं सेणं सण्णाहेहि, सुभदांपमुहाण य  
देवीणं बाहिरियाए उवट्टाणसालाए पाडियक्कपीडियकाइं ज- 15  
ताभिमुहाइं जुत्ताइं जाणाइं उवट्टंवेहि चंपं च णयरिं सत्थिभतर-  
बाहिरियं [ कचित्—आसियसम्मज्जिउवलित्तं सिंघाडगति-  
यचउक्कचच्चरचउम्मुहमहापहपहेसु ]<sup>१३</sup> आसित्तंसित्तमुइंसम्मट्टर-  
त्थत्तरावणवीहियं मंचाइमंचकलियं णाणाविहरागउच्छियज्झ-  
र्यपडागाइपडागमंडियं लाउल्लोइयमहियं गोसीससरसरत्त- 20  
चंदण जाव गंधवाट्ठिभूयं करोहि<sup>१४</sup> य कारवेहि य करेत्ता

१ L पवत्ति°. २ L चंपं णगरिं. ३ A सव्वेव. ४ L तेरस. ५ L भिंभ°. ६ B या.  
७ A वयासी. ८ B खिप्पं. ९ A हिहि. १० L सुभदप्पं. ११ A एक्क. १२ A वेह. १३  
Noted in L. १४ L आसिय°. १५ L सुइय. १६ L रच्छंतर. १७ L ऊसिय. १८ L  
ज्झयपडागमंडियं. १९ A ह. २० A करित्ता.

य कारवैत्ता य एयमाणत्तियं पच्चप्पिणाहि । णिज्जाहि-  
स्सामि समणं भगवं महावीरं अभिवंदए ॥

### SUTRA 41.

तए णं से बलवाउए कूणिएणं रण्णा एवं वुत्ते समाणे  
हठ्तुट्ट जाव हियए करयलपरिग्गहियं सिरसावत्तं मत्थए  
5 अंजलिं कट्टु एवं सामित्ति आणाए विणएणं वयणं  
पडिसुणेइ २ ता एवं हत्थिवाउयं आमंतेइ आमंतेत्ता  
एवं वयासि—खिप्पामेव भो देवाणुप्पिया ! कूणियस्स रण्णो  
भंभसारपुत्तस्स आभिसेक्कं हत्थिरयणं पडिकप्पेहि ह्यगय-  
रहपवरजोहकालियं चाउरंणिणिं सेणं सण्णाहोहि सण्णाहेत्ता  
10 एयमाणत्तियं पच्चप्पिणाहि ॥

### SUTRA 42.

तए णं से हत्थिवाउए बलवाउयस्स एयमट्ठं ( सो-  
च्चा )<sup>१</sup> आणाए विणएणं ( वयणं )<sup>२</sup> पडिसुणेइ पडिसु-  
णित्ता [ कचित्—आभिसेक्कं हत्थिरयणं ]<sup>३</sup> छेयारियउवए-  
समइक्कप्पणाविकप्पेहिं सुणिउणेहिं उज्जलणेवत्थहत्थपरिव-  
15 त्थियं सुसज्जं धम्मियसण्णद्धवद्धकवइयउप्पीलियकच्छवच्छ-  
गेवेर्यबद्धगलवरभूसणविरायंतं अहियतेयजुत्तं सललियवरक-  
ण्णपूरविराइयं पलंबओचूलंमहुय्यरकयंधयारं चित्तपरित्थोमप-  
च्छयं पहरणोवरणभारियजुद्धसज्जं सच्छत्तं सज्जयं सघंटं  
सपडागं पंचामेलयपरिमंडियाभिरामं ओसारियजमलयुयलघंटं  
20 विज्जुपिणद्धं व कालमेहं उप्पाइयपव्वयं व चंक्कमंतं मत्तां

१ A °इस्सामि. २ A and B read एवं वयासि सामित्ति. ३ L चउरं°. ४ Read in A & B. ५ Noted in L. ६ A °विकप्पणा. ७ L °णेवच्छ. ८ L °गेवेज्ज, B. नेविज्ज  
९ L °गलय, B गलयवर. १० L Notes विराइयं. ११ कचित्—अहियअहियतेयजुत्तं  
Noted in L. १२ A °उच्चूल. १३ A °परिच्छेअ. १४ सचावसरपहरणा° Noted in L.  
१५ A °पणद्ध. १६ L ओप्पाइय. १७ L Notes. ओप्पा...सक्खं

[ क्वचित्-महामेहमिव ] गुलुगुलंतं मणपवणजइणवेगं भीमं  
संगामियाओज्जं आभिसेकं हत्थिरयणं पडिकप्पेइ २ ता ह्य-  
गयरहपवरजोहकलियं चाउरंगिणिं सेणं सण्णाहेइ जेणेव  
बलवाउए तेणेव उवागच्छइ उवागच्छत्ता एयमाणत्तियं  
पच्चप्पिणंइ ॥

5

## SUTRA 43

तए णं से बलवाउए जाणसालियं सद्दवेइ २ ता  
एवं वयासी-खिप्पामेव भो देवाणुप्पिया ! सुभद्दापमुहाणं  
देवीणं बाहिरियाए उवट्ठाणसालाए पाडियक्कपाडियक्काइं  
जत्ताभिमुहाइं जुत्ताइं जाणाइं उवट्ठवेहि २ ता एयमाण-  
त्तियं पच्चप्पिणाहि ॥

10

## SUTRA. 44.

तए णं से जाणसालिए बलवाउयस्स एयमट्ठं आणाए  
विणएणं वयणं पडिसुणेइ २ ता जेणेव जाणसाला तेणेव उवा-  
गच्छइ तेणेव उवागच्छत्ता जाणाइं पच्चुवेक्खेइ २ ता  
जाणाइं संपमज्जेइ २ ता जाणाइं संवट्ठेइ २  
ता जाणाइं णीणेइ २ ता जाणाणं दूसे पवी- 15  
णेइ २ ता जाणाइं समलंकरेइ २ ता जाणाइं वरभं-  
डगमंडियाइं करेइ २ ता जेणेव वाहणसाला तेणेव उ-  
वागच्छइ २ ता वाहणसालं अणुपविसइ २ ता वाहणाइं  
पच्चुवेक्खेइ २ ता वाहणाइं संपमज्जइ २ ता वाहणाइं  
णीणेइ २ ता वाहणाइं अप्फालेइ २ ता दूसे पवीणेइ २ 20  
ता वाहणाइं समलंकरेइ २ ता वाहणाइं वरभंडगमंडियाइं

१ Noted in L. २ L and B गुलेन्तं. ३ L Reads 'याओगं, and  
notes 'याओज्जं. B संगामियआयोगं. ४ L 'प्पिणाति. ५ B 'मेज्जेइ. ६ L 'करेइ.

करेइ २ ता वाहणाइं जाणाइं जोएइ २ ता पओयलठिं  
पओयधरएँ य समं आडहइ २ ता वट्टमंगं गाहेइ २ ता  
जेणेव बलवाउए तेणेव उवागच्छइ २ ता बलवाउयस्स  
एयमाणत्तियं पच्चप्पिणइ ।

## SUTRA 45.

5 तए णं से बलवाउए णयरगुत्तियं आमंतेइ २ ता  
एवं वयासी—खिप्पामेव भो देवाणुप्पिया ! चंपं णयरिं  
संभितरबाहिरियं आसित्तं जाव कारवेत्ता एयमाणत्तियं  
पच्चप्पिणाहि ।

## SUTRA 46.

तए णं से णयरगुत्तिए बलवाउयस्स एयमट्ठं आणाए  
10 विणएणं पडिसुणेइ २ ता चंपं णयरिं संभितरबाहिरियं  
आसित्तं जाव कारवेत्ता जेणेव बलवाउए तेणेव उवागच्छ-  
इ २ ता एयमाणत्तियं पच्चप्पिणइ ।

## SUTRA 47.

तए णं से बलवाउए कोणियस्स रण्णो भंभसार-  
पुत्तस्स आभिसेकं हत्थिरयणं पडिकप्पियं पासइ ह्यगय  
15 जाव सण्णौहियं पासइ, सुभद्दापमुहार्णं देवीणं पडिजा-  
णाइं उवट्ठवियाइं पासइ चंपं णयरिं संभितरं जाव  
गंधवट्ठिभूयं कयं पासइ, पासित्ता हट्ठतुट्ठचित्तमाणंदिए  
[ गंदिएँ ] पीअमंणे जाव हियए जेणेव कूणिए राया  
भंभसारपुत्ते तेणेव उवागच्छइ २ ता करयल जाव एवं

१ A °धरे. २ L °मंगं. ३ L °प्पिणाइ. ४ A °गुत्तिए. ५ L आसिय.  
६ L °पिणाहि. ७ B सण्णिहियं ८ L °पमुहार्ण ९ L अंभितर. १० Noted in L  
११ L पीइ.

वयासी—कप्पिए णं देवाणुप्पियाणं आभिसंके हत्थिर-  
 यणे ह्यगय जाव पवरजोहकलिया य चाउरंगिणी सेणा  
 सण्णाहिया सुभद्दापमुहाणं य देवीणं बाहिरियाए उवट्ठाण-  
 सालाए पाडियक्कपाडियक्काइं जत्ताभिमुहाइं जुत्ताइं जाणाइं उव-  
 ट्ठावियाइं चंपाणयरी सब्भितरबाहिरिया आसित्त जाव गंध- 5  
 वट्ठिभूया कया, तं णिज्जंतु णं देवाणुप्पिया ! समणं  
 भगवं महावीरं अभिवंदया ॥

### SUTRA 48.

तए णं से कूणिए राया भंभसारपुत्ते बलवाउयस्स  
 अंतिए एयमट्ठं सोच्चा णिसम्म हट्टुट्ट जाव हियए जेणेव  
 अट्टणसाला तेणेव उवागच्छइ २ त्ता अट्टणसालं अणुप- 10  
 विसइ २ त्ता अणेगवायामजोग्गवग्गणवामइणमल्लजुद्धकरणेहिं  
 संते परिस्संते सयपागसहस्सपागेहिं सुगंधतेल्लमाइएहिं पीण-  
 णिज्जेहिं दप्पणिज्जेहिं मयाणिज्जेहिं विंहणिज्जेहिं सन्विदि-  
 यगायपलहायणिज्जेहिं अर्ब्भिगेहिं अर्ब्भिगिए समाणे तेल्लच-  
 म्मांसि पडिपुण्णपाणिपायसुउमालकोमलतलेहिं पुरिसेहिं छेए- 15  
 हिं दक्खेहिं पेट्ठेहिं कुसलेहिं मेहावीहिं निउणसिप्पोवगएहिं  
 अर्ब्भिगणपरिमइणुव्वलणकरणगुणणिम्माएहिं अट्ठिसुहाए  
 मंससुहाए तयासुहाए रोमसुहाए चउव्विहाए संबाहणाए  
 संबाहिए समाणे अवगयखेयपरिस्समे अट्टणसालाओ पडिणि-  
 क्खमइ पडिणिक्खामित्ता जेणेव मज्जणघरे तेणेव उवागच्छइ 20  
 २ त्ता मज्जणघरं अणुपविसइ २ त्ता संमुत्तजालाउला-  
 भिरामे विचित्तमाणिरयणकुट्टिमयले रमणिज्जे ण्हाणमंडवांसि  
 णाणामणिरयणभत्तिचित्तंसि ण्हाणपीठांसि सुहाणिसण्णे

१ A °सिक्के. २ L °ट्टवियाइं. ३ Not in L. ४ L °मादीहिं. ५ Not  
 in A. ६ L अर्ब्भगेहिं. ७ A पत्तट्ठेहिं. ८ B अर्ब्भगणं. ९ L and B समत्तं.

- सुद्धोदएहिं गंधोदएहिं पुष्पोदएहिं सुहोदएहिं पुणो कल्ला-  
 णगपवरमज्जणविहीए मज्जिए तत्थ कोउयसएहिं बहुविहेहिं  
 कल्लाणगपवरमज्जणावसाणे पम्हलसुकुमालगंधकासाइयलूहियंगे  
 सरससुराहिगोसीसचंदणाणुलित्तगत्ते अहयसुमहग्घदूसरयणसु-  
 5 संसुए सुइमालावण्णगविलेवणे य आविद्धमाणिसुवण्णे कप्पिय-  
 हारद्धहारतिसरयपालंबपलंबमाणकडिसुत्तसुकपसोभे पिण्हगे-  
 विज्जअंगुलिज्जगललियंगयललियकयाभरणे वरकडमत्तुडियथं-  
 भियभुए अहियरूवसस्सिरीए मुद्धियौपिंगलंगुलीए कुंडल-  
 उज्जोवियाणणे मउडदिच्चसिरए हारोत्थयसुकयरइयवच्छे  
 10 पालंबपलंबमाणपडसुकयउत्तरिज्जे णाणामणिकणगरयणाविम-  
 लमहरिहणिउणोवियमिसिमिसंतविरइयसुसिलिद्धविसिद्धलद्धआ-  
 विद्धवीरवए किं बहुणा कप्परुक्खए चेव अलंकिथविभू-  
 सिए णरवई सकोरंठमल्लदामेणं [ अब्भपडलपिंगलुज्जलेणं अ-  
 विरलसमसाहियचंदमंडलसमप्पभेणं मंगलसयभात्तिच्छेयाचित्ति-  
 15 यत्थिस्विणिमणिहेमजालविरइयपरिगयपेरंतकणगघंटियपयलिय-  
 किणिकिणितसुइसुहसुमहुरसद्दालसोहिएणं सपयरवरमुत्तदामलं-  
 वंतभूसणेणं नरिंदवामप्पमाणरुंदपरिमंडलेणं सीयायववायव-  
 रिसाविसदोसनासणेणं तमरयमलबहुलपडलधाडनपभाकरेणं  
 उडुसुहसिवञ्जायसमणुबद्धेणं वेरुलियदंडसज्जिएणं वइरामय-  
 20 वत्थिनिउणजोइयअट्टसहस्सवरकंचणसलागानिम्मिएणं सुणि-  
 म्मलरययसुच्छएणं निउणोवियमिसिमिसंतमाणिरयणसूरमंडल-  
 वित्तिमिरकरानिग्गयग्गपडिहयपुणरविपच्चापडंतचंचलामिरिइकवयं  
 विणिमुयंतणेणं सपाडिदंडेणं धरिज्जमाणेणं आयवत्तेणं विरा-  
 यंतं ] छत्तेणं धरिज्जमाणेणं चउचामरवालवीइयंगे [ चउहि  
 25 य पवरगिरिकुहरविवरणसमुइयनिरुवहयचमरपच्छिमसरीरसं-

१ L सुद्धो २ L °कासाइ. ३ B सुरभि. ४ L and B पिण्हगेवेज्ज°.

५ A मुद्धिया. B मुद्धिया. ६ A चार°. ७ L °कोरंटे°. ८ Noted in L.

जायसंगयाहिं अमलियसियकमलविमलुज्जलियरययगिरिसि-  
हरविमलससिकिरणसरिसकलघोयनिम्मलाहिं पवणाहयचवल-  
ललियतरङ्गहत्थनच्चंतवीइपसरियखीरोदगपवरसागरूपूरच्च-  
लाहिं माणससरपरिसरपरिचियावासविसयवेसाहिं कणगगिरि-  
सिहरसंसियाहिं ओवइयउप्पइयतुरियचवलजइणसिग्घवेगाहिं 5  
हंसवधूयाहिं चेव कालिए णाणामणिकणगरयणविमलमहरि-  
हतवणिज्जुज्जलविचित्तदण्डाहिं विल्लियाहिं नरवइसिरिसमु-  
दयपगासणकरीहिं वरपट्टणुगयाहिं समिद्धरायकुलसेवियाहिं  
कालागुरुपवरकुन्दुरुक्कवरवण्णवासगन्धुधुयाभिरामाहिं सललि-  
याहिं उभओपासं उक्खिप्पमाणाहिं चामराहिं कालिए सुह- 10  
सीयलवायवीइयंगे]१ मंगलजयसद्धकयालोए मज्जणघराओ पाडिणि-  
क्खमइरत्ता अणेगगणनायगदंडनायगराईसरतलवरमाडंबियको-  
डुंबियइब्भसेट्ठिसेणावइसत्थवाहदूयसंधिवालसद्धिं संपरिवुडे धवल-  
महामेहाणिग्गए इव गहगणदिप्पंतरिक्खतारागणाण मज्जे  
ससिक्ख पिअदंसणे णरवई जेणेव बाहिरिया उवट्ठाणसाला 15  
जेणेव आभिसेक्के हत्थिरयणे तेणेव उवागच्छइ उवागच्छित्ता  
अंजणगिरिकूडसण्णिभं गयवइं णरवई दुरूढे ॥

## SUTRA 49.

तह णं तस्स कूणियस्स रण्णो भंभसारपुत्तस्स आभि-  
सेकं हत्थिरयणं दुरूढस्स समाणस्स तप्पढमयाए इमे  
अट्ठट्ठ मंगलया पुरओ अहाणुपुव्वीए संपट्ठिया । तं जहाः— 20  
सोवत्थिय—सिरिवच्छ—णंदियावत्त—वद्धमाणग—भद्दासण—कल-  
स—मच्छ—दप्पणा । तयाणंतरं च णं पुण्णकलसभिंमारं  
दिक्खा य छत्तपडागा सचामरा दंसणरइयआलोयदरिस-  
णिज्जा वाउद्धयविजयेजयंती य आसिया गगणतलमणु-

- लिहंती पुरओ अहाणुपुव्वीए संपट्टिया । तयाणंतरं च णं वेरुलियभिसंतविमलदंडं पलंबकोरंटमल्लदामोवसोभियं चंदमण्डलाणिभं समूसियं विमलं आंयवत्तं पवरं सीहासैणं वरमाणिरयणपादपीढं सपाउयाजोयसमाउत्तं बहुकिंकरकम्मकर-
- 5 पुरिसपायत्तपरिक्खत्तं पुरओ अहाणुपुव्वीए संपट्टियं । तयाणंतरं च णं बहवे लँट्टिग्गाहा कुंतग्गाहा चावग्गाहा चामरग्गाहा पासग्गाहा पोत्थयग्गाहा फलगग्गाहा पीढग्गाहा वीणग्गाहा कूवग्गाहा हँडप्पयग्गाहा पुरओ अहाणुपुव्वीए संपट्टिया । तयाणंतरं च णं बहवे दंडिणो
- 10 मुंडिणो सिहंडिणो जडिणो पिच्छिणो हासकरा डमरकरा चाडुकरा वार्दकरा कंदप्पकरा दवकरा कोक्कुइया किडुकरा य वायंता य गायंता य हसंता य णच्चंता य भांसंता य सावेंता य रक्खंता य [ क्वचित्-रवेंता य ]<sup>१</sup> आलोयं च करेमाणा जैयसदं पउंजमाणा पुरओ अहाणुपुव्वीए संपट्टिया ।
- 15 <sup>१३</sup>[ संग्रहगाथाश्च क्वचित्—
- १ असिलट्टिकुंतचावे चामरपासे य फलगपोत्थे य ।  
वीणाकूयग्गाहे तत्तो य हडप्पगाहे य ॥
- २ दंडी मुंडिसिहंडी पिच्छी जडिणो य हासकिडु य ।  
दवकारचडुकारा कंदप्पियकुक्कुइगा य ॥
- 20 ३ गायंता वायंता नच्चंता तह हसंतहासंता ।  
सावेंता रावेंता आलोयजयं पउंजंति ॥ ]
- तयाणंतरं च णं जच्चाणं तरमल्लिहँयणाणं हरिमेल्लामउल-  
मल्लियच्छाणं चँच्चुच्चियलालियपुलियचलचवलचंचलगईणं लंघण-

१ A °सियविमल. २ A आयवत्तपवरं. ३ L °सणवरं ४ क्वचित्-दासीदास-  
किंकरकम्म° noted in L. ५ असिलट्टि° noted in L. ६ A हडप्फ°. ७ A  
पिच्छिणो. ८ Not in L, He and B read कंदप्पिया. ९ A किट्टि°. १० L reads  
after this [हासंता य सासंता य]. ११ Noted in L. १२ A जय २ सदं. १३ Noted  
in L. १४ L notes also वरमल्लिभासणाणं. १५ B °मेल°. १६ A चुच्चुच्चियं.

वग्गणधावणधोरणतिर्वैजङ्गणसिक्खियगईणं ललंतलामगलला-  
यवरभूसणाणं मुहभंडगओच्चूलगथासगंअहिलाणचामरगण्ड-  
परिमण्डियकडीणं किंकरवरतरुणपरिग्गहियाणं अट्टसयं वरतु-  
रगोणं पुरओ अहाणुपुन्वीए संपट्ठियं । तयाणंतरं च णं  
ईसीदंताणं ईसीमत्ताणं ईसीतुंगाणं ईसीउच्छंगविसालधवल- 5  
दंताणं कंचणकोसीपविट्ठदंताणं कंचणमणिरयणभूसियाणं व-  
रपुरिसारोहगसंपउत्ताणं अट्टसयं गयाणं पुरओ अहाणुपुन्वीए  
संपट्ठियं । तयाणंतरं च णं सच्छत्ताणं सज्जयाणं सघंटाणं  
सपडागाणं सतोरणवराणं सणंदिघोसाणं सखिंखिणीजाल-  
पारिक्खत्ताणं हेमवयचित्तिणिसकणगणिज्जुत्तदारुयाणं का- 10  
लायससुकयणेमिजंतकम्माणं सुसिलिठ्वत्तमंडलधुराणं  
आइण्णवरतुरगसंपउत्ताणं कुसलनरच्छेयसारहिसुसं-  
पग्गहियाणं [ क्वचित्-हेमजालगवक्खजालखिंखिणीधंटजा-  
लपारिक्खत्ताणं ]” वत्तीसतोणपरिमंडियाणं सकंकडवडेंसगाणं  
सचावसरपहरणावरणभरियजुद्धसज्जाणं अट्टसयं रहाणं पुरओ 15  
अहाणुपुन्वीए संपट्ठियं । तयाणंतरं च णं असिसत्तिंकुंततो-  
मरसूललउलाभिंडिमालधणुपाणिसज्जं पायत्ताणीयं [ संन्नद्धबद्ध-  
चम्मियकवयाणं उप्पीलियसरासणवाट्टियाणं पिणद्धगेवेज्ज-  
विमलवरबद्धचिंधपत्ताणं गहियाउहप्पहरणाणं ]” पुरओ अ-  
हाणुपुन्वीए संपट्ठियं ॥ 20

## SUTRA 50.

तए णं से कूणिए राया हारोत्थयसुकयरइयवच्छे  
कुंडलउज्जोवियाणणे मउडादित्तसिरए णरसीहे णरवई णरिंदे

१ L तिवइ. २ B जयण. ३ A and B उच्चूल. ४ L notes also °थासग-  
मिलाणचमरीगंडपरि. ५ L तुरंगाणं. ६ Not in L. ७ L खिंखिणि. ८ B °जाला.  
९ L notes also सुसंविद्धचकमंडलधुराणं. १० Noted in L. ११ A कौत. १२  
Noted in L.

- णरवसहे मणुयरायवसभकप्पे अब्भाहियं रायतेयलच्छीए दि-  
 प्पमाणे हत्तिकखंधवरगए सकोरंटमल्लदामेणं छत्तेणं धरि-  
 ज्जमाणेणं सेयवरचामराहिं उध्दुव्वमाणीहिं २ वेसमणे<sup>०</sup>  
 चेव णरवई अमरवइसण्णिभाए इड्डीए पहियक्किती हयगय-  
 5 (रहँ) पवरजोहकालियाए चाउरांगिणीए सेणाए समणु-  
 गम्ममाणमग्गे जेणेव पुण्णभद्दे चेइए तेणेव पहारेत्थँ ग-  
 मणाए ॥

## SUTRA 51.

- तए णं तस्स कूणियस्स रण्णो भंभसारपुत्तस्स पुर-  
 ओ महंआसा आसवरां उभओ पासिं णागा णागवरां  
 10 पिट्ठओ रहसंगेळि ॥

## SUTRA 52.

- तए णं से कूणिए राया भंभसारपुत्ते अब्भुग्गयभिं-  
 गारे पग्गहियतालंयंटे ऊसवियसेयच्छत्ते पवीइयवालवी-  
 यणीए सव्विड्डीए सव्वजुतीए सव्वबलेणं सव्वसमुदएणं  
 सव्वादरेणं सव्वविभूईए सव्वविभूसाए सव्वसंभमेणं [क-  
 15 चित्-पगईहिं णायगेहिं तालायरेहिं सव्वोरोहेहिं]<sup>१०</sup> सव्वपुप्फगंध-  
 मल्लींलंकारेणं सव्वतुडियसइसण्णिणाएणं महया इड्डीए महया  
 जुईए महया बलेणं महया समुदएणं महया वरतुडियजम-  
 गसमगप्पवाइएणं संखपणवपडहभेरिअळ्ळरिखरमुहिहुडुक्क-  
 मुरवमुअंगदुंदुहिणिग्घोसणाइयरवेणं चंपाए णयरीए मज्झं  
 20 मज्जेणं णिग्गच्छइ ॥

१ B अब्भहियं. २ A वेसमणे. ३ Not in L. ४ A पहारिख. ५ A आसपरा  
 ६ णागधरा. ७ A तालिं. ८ A उच्छिय. ९ A जुत्तीए. १० Noted in L. ११ L  
 notes also पुप्फवत्थगंधमल्लींलंकाराविभूसाए. L मुइंग.

## SUTRA 53.

तए णं तस्स कूणियस्स रण्णो चंपाए णयरीए म-  
 ज्झंमज्जेणं निग्गच्छमाणस्स बहवे अत्थत्थिया कामत्थिया  
 भोगत्थिया लाभत्थिया किंब्बिसिया कारोडियां कारवाहि-  
 या संखिया चकिया नंगलिया मुहमंगलिया वद्धमाणा  
 पूंसमाणया खंडियगणा ताहिं इट्ठाहिं कंताहिं पियाहिं म- 5  
 णुण्णाहिं मणामाहिं मणाभिरामाहिं [ वाचनान्तरे-उरालाहिं  
 कल्लाणाहिं सिवाहिं धण्णाहिं मंगल्लाहिं सस्सिसरीयाहिं हि-  
 ययगमणिज्जाहिं हिययपलहायणिज्जाहिं मियमहुरगंभीरगाहि-  
 याहिं अट्ठसइयाहिं अपुणरुत्ताहिं ]<sup>६</sup> हिययगमणिज्जाहिं व-  
 ग्गूहिं जयविजयमंगलसएहिं अणवरयं अभिणंदंता य अभि- 10  
 त्थुणंता य एवं वयासी-जय जय णंदा ! जय जय भद्दा !  
 भइं ते अजियं जिणाहि जियं ( च ) पालेहि जियमज्जे  
 वसाहि । इंदो इव देवाणं चमरो इव असुराणं धरणो इव ना-  
 गाणं चंदो इव ताराणं भरहो इव मणुयाणं बहूइं  
 वासाइं बहूइं वाससयाइं बहूइं वाससहस्साइं ( बहूइं वास- 15  
 सयसहस्साइं )<sup>७</sup> अणहसमग्गो हट्ठतुट्ठो परमाउं पालयाहि  
 इंठ्ठजणसंपारिवुडो चंपाए णयरीए अण्णोसिं च बहूणं गामा-  
 गरणयरखेडकब्बडदेणमुहमडंबपट्टणआसमनिगमसंवाहसांनिवे-  
 साणं आहेवच्चं पोरेवच्चं सामित्तं भट्टित्तं महत्तरगत्तं आ-  
 णाईसरसेणावच्चं कारेमाणे पालेमाणे महयाहयनट्टगीयवा- 20  
 इयत्तंतीतलतालतुडियघणभुंअंगपटुप्पवाइयरवेणं विउलाइं भोग-  
 भोगाइं भुंजमाणे विहराहित्ति कट्टु जय २ सइं पंउंजांति ।

१ A चंपानगरिं. २ A किब्बि. ३ A. कारोडिया. ४ A पुस्समाणवा. ५ A मणो°  
 ६ Noted in L. ७ L. B. पालयाहि. ८ Not in L. ९ B. हट्ठतुट्टजण°. १० B. मुइंग.  
 ११ L °माणो. १२ B. पउंजइ.

## SUTRA 54.

तए णं से कूणिए राया भंभसारपुत्ते नयणमालासह-  
स्सेहिं पेच्छिज्जमाणे २ हिययमालासहस्सेहिं अभिणांदिज्ज-  
माणे २ [ कचित् उन्नइज्जमाणे ]<sup>३</sup> मणोरहमालासहस्सेहिं  
विच्छिप्पमाणे २ वयणमालासहस्सेहिं अभिथुव्वमाणे २  
5 कंति ( दिव्व )<sup>४</sup> सोहग्गुणेहिं पात्थिज्जमाणे २ बहूणं नर-  
नारिसहस्साणं दाहिणहत्थेणं अंजलिमालासहस्साइं पडि-  
च्छमाणे २ मंजुमंजुणा घोसेणं पडिबुज्जमाणे २ भवणपांति-  
सहस्साइं समइच्छमाणे २ [ वाचंनान्तरे—तंतीतलतालतुडि-  
यगीयवाइयरवेणं महुरेणं मणहरेणं जयसइघोसविसएणं  
10 मंजुमंजुणा घोसेणं अपडिबुज्जमाणे २ कंदरगिरिविवरकुह-  
रगिरिवरपासादुद्धुघणभवणदेवकुलसिंघाडगतिगचच्चरचउ-  
क्कारामुज्जाणकाणणसभप्पवप्पदेसभागे पडिसुयासयसह-  
स्ससंकुलं करंते हयहोसियहत्थिगलगुलाइयरहघणघणसइमी-  
सएणं महया कलकलरवेण य जणस्स महुरेणं पूरयंते  
15 सुगंधवरकुसुमचुण्णउव्विद्धुवासरेणुकविलं नभं करंते  
कालागुरुकुंदुरुक्कतुरुक्कधूवनिवहेणं जीवलोगमिव वासयंते  
समंतओसुभियचक्कवालं पउरजणवालवुद्धुयपमुइयतुरियपहावि-  
यविउलाउलबोलबहुलं नभं करंते ] चंपाए नयरीए मज्झं-  
मज्झेणं निग्गच्छइ २ ता जेणेव पुण्णभद्दे चेइए तेणेव उ-  
20 वागच्छइ २ ता समणस्स भगवओ महावीरस्स अदूर-  
सामंते छत्ताइए तित्थयराइसेसे पासइ पासित्ता आभिसे-  
क्कं हत्थिरयणं ठवेइ ठवित्ता आभिसेक्काओ हत्थिरयणाओ  
पच्चोरुहइ २ ता अवहट्ठु पंच रायकउहाइं, तं जहा—खगं  
ल्लत्तं उप्फेसं वाहणाओ वालवीर्यणिं जेणेव समणे भगवं

१ L. कोणिए. २ Read in A. B. L. पिच्छि°. ३ Noted in L. ४ Not in A. ५ L. पच्छिज्ज°. ६ L. अपडिबुज्जमाणे. ७ Noted in L. < A. °वीअणं. B. °वीतणिजं.

महावीरे तेणेव उवागच्छइ उवागच्छित्ता समणं भगवं म-  
 हावीरं पंचविहेणं अभिगमेणं अभिगच्छइ । तं जहा-१सचि  
 त्ताणं दव्वाणं विओसरणयाए २ अचित्ताणं दव्वाणं अ-  
 विओसरणयाए ३ एगसाडियं उत्तरासंगकरणेणं ४ चक्खु-  
 प्फासे अंजलिपग्गेहं [ हत्थिखंधविट्ठंभणयाए ] ५ मणसो 5  
 एगत्तभावकरणेणं समणं भगवं महावीरं तिव्खुत्तो  
 आदाहिणपयाहिणं करेइ २ ता वंदइ नमंसइ २ ता ति-  
 विहाए पज्जुवासणयाए पज्जुवासइ, तं जहाः—काइयाए  
 वाइयाए माणासियाए । काइयाए—ताव संकुइयग्गहत्थपाए सु-  
 स्सूसमाणे णमंसमाणे अभिसुहे विणएणं पंजलिउडे पज्जु- 10  
 वासइ । वाइयाए—जं जं भगवं वागरेइ एवमेयं भंते ! तहमेयं  
 भंते ! अविहमेयं भंते ! असंदिद्धमेयं भंते ! इच्छियमेयं भंते !  
 पडिच्छियमेयं भंते ! इच्छियपडिच्छियमेयं भंते ! से जहेयं  
 तुभे वदह अपाडिकूलमाणे पज्जुवासइ । माणासियाए—म-  
 हयासंवेगं जणइत्ता तिव्वधम्माणुरागरत्ते पज्जुवासइ ॥ 15

## SUTRA. 55.

तए णं ताओ सुभइप्पमुहाओ देवीओ अंतोअंतेउरं-  
 सि ण्हायाओ जाव पायच्छित्ताओ सव्वालंकारविभूसिया-  
 ओ [ वार्चनान्तरे—वाहुयसुभगसोवत्थियवद्धमाणगपूस-  
 माणगजयविजयमंगलसएहिं अभिथुव्वमाणाओ कप्पा-  
 छेयायरियरइयसिरसाओ महयागंधद्वणिं मुयंतीओ ] 20  
 बहूहिं खुज्जाहिं चिंलाईहिं वामणीहिं वडभीहिं बब्वरीहिं  
 पंडसियाहिं जोणियाहिं पल्लहवियाहिं ईसिणिंयाहिं चारुई-

१ L. °करणेणं. २ noted in L. ३ B. मणसा. ४ B. एगत्ताभाव. ° ५ A. वासणाए.  
 ६ L. B. कूलेमाणे. ७ कचित्-धारिणी° noted in L. ८ Noted in L. ९ A. चेलाहि  
 १० A. पयाउसियाहिं. ११ A. B. पणहवि°. १२ A. इसिणिंयाहिं. १३ A. वासि°.

णियाहिं लासियाहिं लउसियाहिं सिंहलीहिं दमिलीहिं आरबीहिं  
 पुलिदीहिं पक्कणीहिं बहलीहिं मरुंडीहिं सबरीहिं पारसीहिं ना-  
 णादेसीहिं<sup>३</sup> विदेसपरिमंडियाहिं इंगियचितियपत्थिययवियाणि-  
 याहिं सदेसणेवत्थग्गाहियवेसाहिं चोडियाचक्कवालवारिसधरकं-  
 5 चुइज्जमहत्तरवंदपरिक्खत्ताओ अंतउराओ णिग्गच्छंति २  
 ता जेणेव पाडियक्कजाणाइं तेणेव उवागच्छंति उवागच्छि-  
 ता पाडियक्कपाडियक्काइं जत्ताभिमुहाइं जुत्ताइं जाणाइं दुरू-  
 हांति दुरूहत्ता णियगपरियालसद्धिं संपरिवुडाओ चंपाए  
 णयरीए मज्झमज्झेणं णिग्गच्छंति णिग्गच्छित्ता जेणेव पु-  
 10 ण्णभदे चोएइ तेणेव उवागच्छंति उवागच्छित्ता समणस्स  
 भगवओ महावीरस्स अदूरसामंते छत्तादीए तित्थयराइसेसे  
 पासंति पासित्ता पाडियक्कपाडियक्काइं जाणाइं ठवेंति ठवित्ता  
 जाणेहितो पच्चोरुहंति २ ता बहूहिं खुज्जाहिं जाव परि-  
 क्खत्ताओ जेणेव समणे भगवं महावीरे तेणेव उवाग-  
 15 च्छंति २ ता समणं भगवं महावीरं पंचविहेणं अभिग-  
 मेणं अभिगच्छंति । तं जहा-१ सच्चित्ताणं दव्वाणं विओ-  
 सरणयाए २ अच्चित्ताणं दव्वाणं अविओसरणयाए ३ विण-  
 ओणयाए गायलट्ठीए ४ चक्खुप्फासे अंजलिपग्गहेणं ५ मणसो  
 एंगत्तिभावकरणेणं समणं भगवं महावीरं तिक्खुत्तो आदा-  
 20 हिणपयाहिणं करंति २ ता वंदांति णमंसंति वंदित्ता  
 णमंसित्ता कूणियरायं पुरओकट्टु ठिइयाओ चेव सपरि-  
 वाराओ अभिमुहाओ विणएणं पंजलिक्कडाओ पज्जुवासंति।

## SUTRA. 56.

तए णं समणे भगवं महावीरे कूणियस्स रण्णो भं-

१ A. B. मुरुंडीहिं. २ A. सबरियाहिं. ३ A. °देसीविदेस°. ४ °पत्थियमणोगय° noted in L. ५ L. °वत्थग्गाहिय. ६ L. °वरिसवर°. ७ A. °त्तरग°. ८ A. सच्चित्ताणं. ९ A. अच्चित्ताणं. १० A. एगत्तकरणेणं. ११ A. °उडाओ.

भसारपुत्तस्स सुभद्वापमुहाणं देवीणं तीसे य महत्तिमहा-  
 लियाए परिसाएँ इसिपरिसाए मुणिपरिसाए जइपरिसाए  
 देवपरिसाए अणेगसयाए अणेगसयवंदाए अणेगसयवंदप-  
 रिवाराए ओह्वले अइबले महब्बले अपरिमियबलवीरि-  
 यतेयमाहप्पकांतित्तुत्ते सौरयणवत्थणियमहुरगंभीरकौंचणि- 5  
 ग्योसदुंदुभिस्सरे उरे वित्थडाए कंठे वाट्टियाए सिरे समाइ-  
 ण्णाए अगरलाए अमम्मणाए सुव्वत्तक्खरसाण्णिवाइयाए  
 पुण्णरत्ताए सव्वभासाणुगामिणीए सरस्सईए जोयणणी-  
 हारिणा सरेणं अद्धमागहाए भासाए भासइ अरिहा धम्मं  
 परिकहेइ । तेसिं सव्वेसिं आरियमणारियाणं अगिलाए धम्मं 10  
 आइक्खइ, सावि य णं अद्धमागहा भासा तेसिं सव्वेसिं  
 आरियमणारियाणं अप्पणो सभासाए परिणामेणं परिणमइ ।  
 तं जहा-अत्थि लोए अत्थि अलोए एवं जीवा अजीवा  
 बंधे मोक्खे पुण्णे पावे आसवे संवरे वेयणा णिज्जरा  
 अरिहंता चक्कवट्ठी बलदेवा वासुदेवा नरगा णेरइया 15  
 तिरिक्खजोणिया तिरिक्खजोणिणीओ माया पिया रिस-  
 ओ देवा देवलोया सिद्धी सिद्धा परिणिव्वाणे परिणि-  
 व्वुया, अत्थि १ पाणाइवाए २ मुसावाए ३ अदिण्णादाँ-  
 णे ४ मेहुणे ५ परिग्गहे अत्थि ६ कोहे ७ माणे ८  
 माया ९ लोभे अत्थि जाव [ यावत्करणादिदं दइयम-१० पेज्जे 20  
 ११ दोसे १२ कलहे १३ अब्भक्खाणे १४ पेसुण्णे १५ परप-  
 रिवाए १६ अरइरई १७ मायामोसे ] १८ मिच्छादंसणसल्ले ।  
 अत्थि पाणाइवायवेरमणे मुसावायवेरमणे अदिण्णादान-

१ Not in L, २ L °परियालाए. ३ L, °विरिय. ४ L, सरय.° ५ L.B. °कुंच.  
 ६ A कनित्त-कुडविसयमहुरगंभीरगाहियाए सव्वक्खरसाण्णिवाइयाए noted in L.  
 ७ L B. अदत्ता°.

- वेरमणे मेहुणवेरमणे परिग्गहवेरमणे जाव मिच्छादंसणस-  
 ल्हाविवेगे सव्वं अत्थिभावं अत्थित्ति वयइ, सव्वं णत्थि-  
 भावं णत्थित्ति वयइ, सुचिण्णा कम्मा सुचिण्णफला भ-  
 वंति, दुचिण्णा कम्मा दुचिण्णफला भवंति, फुसइ पुण्ण-  
 5 पावे, पच्चायंति जीवा, सफले कल्लाणपावए । धम्ममाइ-  
 क्खइः—इणमेव णिग्गंथे पावयणे सच्चे अणुत्तरे केवल्लिए  
 संसुद्धे पडिपुण्णे णेयाउए सल्लकत्तणे सिद्धिमग्गे मुत्तिमग्गे  
 णिव्वाणमग्गे णिज्जाणमग्गे अत्रितहमविसंधि सव्वदुक्खप्प-  
 हीणमग्गे ईहट्ठिया जीवा सिज्झंति बुज्झंति मुच्चंति परि-  
 10 णिव्वायंति सव्वदुक्खाणमंतं करेति । एगच्चा पुण एगे-  
 भयंतारो पुव्वकम्मावसेसेणं अण्णयरेसु देवलोएसु देवत्ताए  
 उववत्तारो भवंति, महँड्ढिएसु जाव महासुक्खेसु दूरंगइ-  
 एसु चिरट्ठिइएसु । ते णं तत्थ देवा भवंति महँड्ढिया जाव  
 चिरट्ठिइया हारविराइयवच्छा जावँ [ यावत्करणादिदं दृश्यम्—  
 15 कडयतुडियथंभियभुया अंगयकुंडलगंडयलकणपीढधारी विचि-  
 त्तहत्थाभरणा दिव्वेणं संघाएणं दिव्वेणं संठाणेणं दिव्वाए  
 इड्ढीए दिव्वाए जुईए दिव्वाए पभाए दिव्वाए छायाए  
 दिव्वाए अच्चीए दिव्वेणं तेएणं दिव्वाए लेसाए दस  
 दिसाओ उज्जोवेमाणा ] पभासमाणा कप्पोवगा गति-  
 20 कल्लाणा आगमेसिभद्दा जावँ पडिरूवा । तमाइक्खइ  
 एवं खलु चउहिं ठाणेहिं जीवा णेरइयत्ताए कम्मं पक-  
 रेंति, णेरइयत्ताए कम्मं पकरेत्ता णेरइएसु उववज्जंति, तं  
 जहा—१ महारंभयाए २ महापरिग्गहयाए ३ पंचिंदियवहेणं  
 ४ कुणिमाहारेणं, एवं एएणं अभिलावेणं । तिरिक्खजोणि-

१ A. केवलए. B. reads केवलिसं. २ B. दुक्खप्पहाणे मग्गे. ३ L इत्थं. ४ L भवंतारो  
 ५ L महिं. ६ Noted in L. ७ L पभासे. ८ यावत्करणादिदं दृश्यते-पासाइया दरिसिणज्जा  
 अभिरूवा.

एसु-१ माइल्लयाए णियडिल्लयाए २ अलियवयणेणं ३ उक्कं-  
चणयाए ४ वंचणयाए । मणुस्सेसु-१ पगइभइयाए २  
पगइविणीययाए ३ साणुक्कोसयाए ४ अमच्छरिययाए ।  
देवेषु १ सरागसंजमेणं २ संजमासंजमेणं ३ अकामाणिज्ज-  
राए ४ बालतवोकम्मेणं, तमाइक्खइ ।

5

जह णरगा गम्मंती जे णरगा जा य वेयणा णरए ।

सारीरमाणुसाइं दुक्खाइं तिरिक्खजोणीए ॥१॥

माणुस्सं च अणिच्चं वाहिजरामरणवेयणापउरं ।

देवे य देवलोए देविड्ढिं देवसोकखाइं ॥२॥

णरगं तिरिक्खजोणिं माणुसभावं च देवलोगं च । 10

सिद्धे अं सिद्धवसहिं छज्जीवणियं परिकहेइ ॥३॥

जह जीवा बज्झंती मुच्चंती जह य संकिलिस्संति ।

जह दुक्खाणं अंतं करोति केइ अपडिबद्धा ॥४॥

अट्ठा अट्टियचित्ता जह जीवा दुक्खसागरमुवेति<sup>१</sup> ।

जह वेरग्गमुवगया कम्मसमुग्गं विहाडेति ॥५॥ 15

जह रागेण कडाणं कम्माणं पावगो<sup>२</sup> फलविवागो ।

जह य परिहीणकम्मा सिद्धा सिद्धालयमुवेति ॥६॥

[ एवं खलु जीवा निस्सीला... ]<sup>३</sup>

### SUTRA 57.

तमेव धम्मं दुविहं आइक्खइ । तं जहा-अगारधम्मं अण-  
गारधम्मं च । अणगारधम्मो ताव-इह खलु सव्वओ सव्व- 20  
त्ताए मुंडे भवित्ता अगाराओ अणगारियं पंन्वइयस्स स-  
व्वाओ पाणाइवायाओ वेरमणं मुसावायअदिण्णादाण-मेहुण-

१ देवड्ढि. २ L ज. ३ A °ति. ४ A परि. B reads तह य संकिलेसन्ति.  
५ A. अट्टदुहट्टियं ६ A °जर्विति. ७ L पावतो. ८ Noted in L. ९ A पन्वयइ.

परिगृह—राईभोयणाओ वेरमणं । अयमाउसो अणगारसा-  
माइएँ धम्मे पणत्ते, एयस्स धम्मस्स सिक्खाए उवट्टिए  
णिग्गंथे वा णिग्गंथी वा विहरमाणे आणाए आराहए  
भवति ।

अगारधम्मं दुवालसविहं आइक्खइ, तं जहाः—१ पंच  
5 अणुव्वयाइं २ तिण्णि गुणव्वयाइं, ३ चत्तारि सिक्खा-  
वयाइं । पंच अणुव्वयाइं, तं जहा— १ थूलाओ पाणाइ-  
वायाओ वेरमणं २ थूलाओ मुसावायाओ वेरमणं ३ थू-  
लाओ अदिण्णादाणाओ वेरमणं ४ सदारसंतोसे ५ इच्छा-  
10 परिमाणे । तिण्णि गुणव्वयाइं तं जहा—६ अणत्थदंडवेरमणं  
७ दिसिन्वयं ८ उवभोगपरिभोगपरिमाणं । चत्तारि सिक्खा-  
वयाइं, तं जहा—९सामाइयं १० देसावयासियं ११ पोसहोव-  
ववासे १२ अतिहिसंविभागे, अपच्छिमा मारणंतिया संले-  
हणाञ्जसणाराहणा । अयमाउसो! अगारसामाइए धम्मे प-  
15 णत्ते एयस्स धम्मस्स सिक्खाए उवट्टिए समणोवासए वा स-  
मणोवासिया वा विहरमाणे आणाए आराहए भवई ।

### SUTRA 58.

तए णं सा महतिमर्हालिया मणूसपरिसा समणस्स भ-  
गवओ महावीरस्स अंतिए धम्मं सोच्चा णिसम्म हट्टतुट्ट  
जाव हियया उट्टाए उट्टेइ, २ ता समणं भगवं महावीरं ति-  
20 क्खुत्तो आयाहिणं पयाहिणं करेइ २ ता वंदइ णमंसइ  
वंदित्ता णमंसित्ता अत्थेगइया मुंडे<sup>६</sup> भवित्ता अगाराओ  
अणगारियं पव्वइया, अत्थेगइया पंचाणुव्वइयं सत्तसि-  
क्खावइयं दुवालसविहं गिहिधम्मं पडिवण्णां ॥

A सामाइए. २ A अतिहिसंयअस्स विभागे. ३ A जूसणा. ४ Read in B.  
५ महत्तपरिसा noted in L. & read in B. ६ L. मुंडा. ७ B. पडिवत्ता.

## SUTRA. 59.

अवसेसा णं परिसा समणं भगवं महावीरं वंदइ  
 णमंसइ वंदित्ता णमंसित्ता एवं वयासी “सुअक्खाए ते  
 भंते ! निग्गंथे पावयणे एवं सुपण्णत्ते सुभासिए सुवि-  
 णीए सुभाविए अणुत्तरे ते भंते ! निग्गंथे पावयणे,  
 धम्मं णं आइक्खमाणा तुब्भे उवसमं आइक्खह, उव- 5  
 समं आइक्खमाणा विवेगं आइक्खह, विवेगं आइक्ख-  
 माणा वेरमणं आइक्खह, वेरमणं आइक्खमाणा अकरणं  
 पावाणं कम्माणं आइक्खह, णत्थि णं अण्णे केइ स-  
 मणे वा माहणे वा जे एरिसं धम्ममाइक्खित्तए, किमंग  
 पुण एत्तो उत्तरतरं ?” एवं वंदित्ता जामेव दिसं पाउ- 10  
 ञ्भूया तामेव दिसं पडिगया ॥

## SUTRA 60.

तए णं से कूणिए राया भंभसारपुत्ते समणस्स भग-  
 वओ महावीरस्स अंतिए धम्मं सोच्चा णिसम्म इट्ठतुठ  
 जाव हियए उट्ठाए उट्ठेइ २ त्ता समणं भगवं महावीरं तिक्खु-  
 त्तो आयाहिणं पयाहिणं करेइ २ त्ता वंदइ णमंसइ वं- 15  
 दित्ता णमंसित्ता एवं वयासी—“सुयक्खाए ते भंते ! नि-  
 ग्गन्थे पावयणे जाव किमंग पुण एत्तो उत्तरतरं ?” एवं  
 वदित्ता जामेव दिसं पाउञ्भूए तामेव दिसं पडिगए ॥

## SUTRA 61.

तए णं ताओ सुभद्दापमुहाओ देवीओ समणस्स भगवओ

१ L. धम्मे. २ Not in L. ३ B °खित्ताए ४ A इत्तो. ५ L. वंदित्ता.

वओ महावीरस्स अंतिए धम्मं सोच्चा णिसम्म हट्टतुठ  
जाव हिययाओ उट्टाए उट्ठेति २ त्ता समणं भगवं महा-  
वीरं तिकखुत्तो आयाहिणं पयाहिणं करेति २ त्ता वं-  
दंति णमंसंति वंदित्ता णमंसित्ता एवं वयासी-सुयक्खाए  
5 णं भंते ! निग्गंथे पावयणे जाव किमंग पुण एत्तो  
उत्तरतरं ?” एवं वदित्ता जामेव दिस्सिं पाउब्भूयाओ ता-  
मेव दिस्सिं पडिगयाओ ।

समोसरणं समत्तं ॥

## SUTRA 62.

तेणं कालेणं तेणं समएणं समणस्स भगवओ महा-  
वीरस्स जेठ्ठे अंतेवासी इंदभूर्ई णामं अणगारे गोयम-  
गोत्तेणं सत्तुस्सेहे समचउरंससंठाणसंठिए वइररिसंहणा-  
रायसंघयणे कणगपुलगणिंघसपम्हगोरे उग्गतवे दित्तवे  
तत्तवे महातवे घोरतवे उराले घोरे घोरगुणे घोरत- 5  
वस्सी घोरबंभचेरवासी उच्छूढसरीरे संखित्तविउलतेअलेस्से  
समणस्स भगवओ महावीरस्स अदूरसामंते उहुंजाणू अ-  
होसिरे झाणकोटोवगए संजमेणं तवसा अप्पाणं भावे-  
माणे विहरइ ।

## SUTRA 63.

तए णं से भगवं गोयमे जायसद्धे जायसंसए जा-  
यकोऊहल्ले उप्पणसद्धे उप्पणसंसए उप्पणकोऊहल्ले 10  
संजायसद्धे संजायसंसए संजायकोऊहल्ले समुप्पणसद्धे समु-  
प्पणसंसए समुप्पणकोऊहल्ले उट्ठाए उट्ठेइ २त्ता जेणेव  
समणे भगवं महावीरे तेणेव उवागच्छइ २ ता समणं  
भगवं महावीरं तिक्खुत्तो आयाहिणं पयाहिणं करेइ ति-  
क्खुत्तो आयाहिणं पयाहिणं करेत्ता वंदइ णमंसइ २ ता 15  
नच्चासण्णे नाइट्टरे सुस्सूसमाणे णमंसमाणे अभिमुहे विण-  
एणं पंजलिउडे पज्जुवासमाणे एवं वयासी ।

## SUTRA 64.

जीवे णं भंते ! असंजए अविरए अप्पाडिहयपच्चक्खा-

यपावकम्मे सकिरिण् असंबुडे एगंतदंडे एगंतबाले एगंत-  
सुत्ते पावकम्मं अण्हाइ ?—हंता अण्हाइ ।

### SUTRA 65.

जीवे णं भंते ! असंजण् जाव एगंतसुत्ते मोहणिज्जं  
पावकम्मं अण्हाइ ?—हंता अण्हाइ ।

### SUTRA 66.

5 जीवे णं भंते ! मोहणिज्जं कम्मं वेदेमाणे किं मो-  
हाणिज्जं कम्मं बंधइ ? वेयणिज्जं कम्मं बंधइ ? गोयमा ।  
मोहाणिज्जं पि कम्मं बंधइ वेयणिज्जं पि कम्मं बंधइ,  
णण्णत्थ चरिममोहाणिज्जं कम्मं वेदेमाणे वेअणिज्जं कम्मं  
बंधइ णो मोहाणिज्जं कम्मं बंधइ ॥

### SUTRA 67.

10 जीवे णं भंते ! असंजण् जाव एगंतसुत्ते उंस्सण्णं  
तसपाणघाई कालमासे कालं किच्चा णेरइण्णु उव-  
वज्जइ ?, हंता उववज्जइ ॥

### SUTRA 68.

जीवे णं भंते ! असंजण् अविरण् अप्पडिहयपच्चक्खा-  
यपावकम्मे इओ चुण् पेच्च देवे सिया ? गोयमा !  
15 अत्थेगइया देवे सिया अत्थेगइया णो देवे सिया ॥

१ Not in L. २ A. ओसण्णतस.° ३ A. णिरइण्णु. ४ A. विज्जति.

५ L. अत्थेगइय.

## SUTRA 69.

से केणट्टेणं भंते ! एवं वुच्चइ-अत्थेगइया देवे सिया  
 अत्थेगइया णो देवे सिया ? गोयमा !, जे इमे जीवा गा-  
 मागरणयरणिगमरायहाणिखेडकब्बडमडंबदोणमुहपट्टणागरसंबा-  
 हसणिवेसेसु अकामतण्हाए अकामल्लुहाए अकामबैभचरेवासे-  
 णं अकामअण्हाणगसीयायवदंसमसगसेयजल्लमल्लपंकपरिता- 5  
 वेणं अप्पतरो वा भुज्जतरो वा कालं अप्पाणं परिकि-  
 लेसंति अप्पतरो वा भुज्जतरो वा [कालं अप्पाणं परि-  
 किलेसित्ता ]<sup>३</sup> कालमासे कालं किच्चा अण्णयरेपु वाण-  
 मंतरेसु देवलोएसु देवत्ताए उववत्तारो भवंति, तहिं तेसिं  
 गई तहिं तेसिं ठिई तहिं तेसिं उववाए पण्णत्ते । तेसि 10  
 णं भंते ! देवाणं केवइयं कालं ठिई पण्णत्ता ? गोयमा,  
 दसवाससहस्साहं ठिई पण्णत्ता, अत्थि णं भंते ! तेसिं  
 देवाणं इड्डी इ वा जुई इ वा जसे इ वा बले इ वा  
 वीरिए इ वा पुरिसक्कारपरक्कमे इ वा ? हंता अत्थि । ते  
 णं भंते ! देवा परलोगस्सआराहगा ? णो इण्ठे समट्टे ५ ॥ 15

## SUTRA 70.

से जे इमे गामागरणयरणिगमरायहाणिखेडकब्बडमडंबदोण-  
 मुहपट्टणागरसंबाहसणिवेसेसु मणुया भवंति, तं जहा—  
 अंडबद्धगा णिअलबद्धगा हडिबद्धगा चारगबद्धगा हत्थ-  
 छिण्णगा पायछिण्णगा कण्णछिण्णगा नक्कछिण्णगा-

१ A. ° पट्टणासम. २ A. ° मल्ल. ३ not in L. ४ L. तेहिं. ५ A. ° परिकमे.  
 ६ L. सेज्जे. ७ B° छत्तागा.

- ओट्टुच्छिण्णगा जिब्भच्छिण्णगा सीसच्छिण्णगा मुखच्छि-  
 ण्णगा मज्झच्छिण्णगा वह्कच्छेच्छिण्णगा हियउप्पाडियगा  
 णयणुप्पाडियगा दसणुप्पाडियगा वसणुप्पाडियगा गेव्हाच्छि-  
 ण्णगा तंडुलच्छिण्णगा कागणिमंसक्खावियंगा ओलं  
 5 वियगा लंबियगा घंसियगा घोलियगा फालियगा पीलि-  
 यगा स्रलाइयगा स्रलभिण्णगा खारवत्तिया वज्जवत्तिया  
 सीहपुच्छियगा दवग्गिदडुंगा पंकोसण्णगा पंके खुत्तगा  
 वलयमयग्गु वसट्टमयगा णियाणमयगा अंतोसल्लमयगा  
 गिरिपडियगा तरुपडियगा मरुपडियगा गिरिपक्खंदोलगा  
 10 तरुपक्खंदोलगा मरुपक्खंदोलगा जलपवेसी<sup>१०</sup> [ जलणंपवे-  
 सिका ] विसभाक्खियगा सत्थोवाडियगा वेहाणसिया गे-  
 ङ्गपट्टगा कंतारमयगा दुब्भिकखमयगा असंकिलिपट्टारिणामा  
 तं<sup>११</sup> कालमासे कालं किच्चा अण्णयरेसु वाणमंतरेसु देव-  
 लोएसु देवत्ताए उववत्तारो भवंति, तर्हि तेसिं गई तर्हि  
 15 तेसिं ठिई तर्हि तेसिं उववाए पण्णत्ते । तेसिं णं भंते !  
 देवाणं केवइयं कालं ठिई पण्णत्ता ? गोयमा ! बारस-  
 वाससहस्साइं ठिई पण्णत्ता ! अत्थि णं भंते ! तेसिं दे-  
 वाणं इड्डी इ वा जुई इ वा जसे इ वा बले इ वा-  
 वीरिए इ वा पुरिसक्कारपरिक्रमे इ वा ? इंता अत्थि । ते  
 20 णं भंते ! देवा परलोगस्सआराहगा ? णो इणट्ठे समट्ठे ॥

१ L. reads 'murava' probably a misreading for 'mukha',  
 २ A. वेकच्छं ३ not in L. ४ L. तंडुल. ५ A°क्खा इयया, ६ A  
 फालभिया. B फोडियया. ७ A. दडिगा. ८ A°दोलिया, B° दोलया. ९ not in L.  
 १० A°पवेसिका. ११ not in L. but read in A and B. १२ A. गिद्धपिट्ठा.  
 १३ A ते.

## SUTRA 71.

से जे इमे गामागर जाव संनिवेसेसु मणुया भवन्ति  
 तं जहा—पगइभद्गगा पगइउवसंता पगइपतणुकोहमाणमायालोहा  
 मिउमद्वसंपण्णा अल्लीणा [क्वचित् भद्गगा]<sup>१</sup> विणीया अम्मा-  
 पिउसुस्सुसगा अम्मापिईणं अणइक्कमणिज्जवयणा अप्पिच्छा 5  
 अप्पारंभा अप्पपरिग्गहा अप्पेणं आरंभेणं अप्पेणं समा-  
 रंभेणं अप्पेणं आरंभसमारंभेणं वित्तिं कप्पेमाणा बैहूइं  
 वासाइं आउयं पाल्लेति पाल्लिता कालमासे कालं किच्चा  
 अण्णयरेसु वाणमंतरेसु तं चेव सव्वं णवरं ठिई चउइस-  
 वाससहस्साइं । 10

## SUTRA 72.

से जाँओ इमाओ गामागर जाव संनिवेसेसु इत्थियाओ  
 भवन्ति, तं जहा—अंतोअंतेउरियाओ गयपइयाओ मयपइ-  
 याओ बालविहवाओ छड्डियल्लियाओ माइरक्खियाओ  
 पियरक्खियाओ भायँरक्खियाओ पइरक्खियाओ कुलघर-  
 रक्खियाओ ससुरकुलरक्खियाओ [क्वचित्—मित्तनाइ- 15  
 नियगसंबंधिरक्खियाओ]<sup>१</sup> परूढणँकेसकक्खरोमाओ वव-  
 गयधुवपुप्फगंधमल्लालंकाराओ अण्हाणगसेयजल्लमलपंकपरिता-  
 वियाओ ववगयखीरदहिणवणीयसप्पितेल्लगुल्लोणमहुमज्ज-  
 मंसपरिचत्तकयाहाराओ अप्पिच्छाओ अप्पारंभाओ अप्प-  
 परिग्गहाओ अप्पेणं आरंभेणं अप्पेणं समारंभेणं अप्पेणं 20

१ L °तणु. २ Noted in L. ३ L. बहु वासाइं. ४ A. सहस्सा. ५ L. से ज्जाओ.  
 ६ L. °पुरियाओ. ७ L. भात्तिं ° Not in A. ९ Noted in L. १० A °णहमंस-, L  
 notes also. °केसमंसुरोमाओ.

आरंभसमारंभेणं वित्तिं कप्पेमाणीओ अकामबंभचेरवासेणं  
तामेव पइसेज्जं णाइक्कमंति, ताओ णं इत्थियाओ एया-  
रूवेणं विहारेणं विहरमाणीओ बहूइं वासाइं सेसं तं  
चेव जाव चउसैठ्ठिं वाससहस्साइं ठिईं पणत्ता ॥

## SUTRA 73.

5 से जे इमे गामागर जाव सन्निवेसेसु मणुया भवंति, तं  
जहा-दगविइयाँ दगतइयाँ दगसत्तमा दगएक्कारसमा गोय-  
मगोव्वइयगिहिधम्मधम्मार्चितगअविरुद्धविरुद्धुडुसावगप्पभि-  
तयो तोसि णं मणुयाणं णो कप्पंति इमाओ नव  
रसविगईओ आहारेत्तएँ, तं जहा-खीरं दहिं णवणीयं  
10 सप्पिं तेळं फाणियं महुं मज्जं मंसं, णो अण्णत्थ  
एकाए सँरिसवविगईए, ते णं मणुया अप्पिच्छा तं  
चेव सव्वं णवरं चउरासीइं वाससहस्साइं ठिईं पणत्ता ९।

## SUTRA 74.

से जे इमे गंगाकूलगवाणपत्था तावसा भवंति, तं जहा-  
होत्तिया पोत्तिया कोत्तिया जण्णईं सडुईं वाँळईं हुंबउट्ठाँ  
15 दंतुक्खलिया उम्मज्जगा सम्मज्जगा निमज्जगा संपक्खाला  
दक्खिणकूला उत्तरकूलगा संखधमगा कूलधमगा मिगलुद्धगा  
इत्थितावसा उइंडगा दिसापोकखिणो वाकवासिणो अंबुवा-  
सिणो वेळँवासिणो जलवासिणो रुक्खमूलिया अंबुभाक्खिणो  
वाउभक्खिणो सेवाळभक्खिणो मूलाहारा कंदाहारा तथाहारा  
20 पत्ताहारा पुप्फाहारा बीयाहारा परिसडियकंदमूलतयपत्त-

१ L °सट्टि. २ B. दग्गवीया. ३ B. °ततीया. ४ A. °रित्तिए. ५ B. कप्पइ. ६ A. णणत्थ.  
७A. सर°. ८ A. घालई. ९ A हुंप° १० A. विल° ११ only in A. १२ Not in L°

पुष्पफलाहारा जलाभिसेयकठिणगायभूया आयावणाहिं  
 पंचगितावेहिं इंगालसोल्लियं कण्डुसोल्लियं कट्टसोल्लियं पिव  
 अप्पाणं करेमाणा बहूइं वासाइं परियागं पाउणंति, २ ता  
 कालमासे कालं किच्चा उक्कोसेण जोइसिएसु देवेसु  
 देवत्ताए उववत्तारो भवंति । पलिओवमं वाससयसहस्स— 5  
 मब्भहियं ठिई ।—आराहगा ? -णो इणठ्ठे समठ्ठे । सेसं  
 तं चेव ।

## SUTRA 75.

से जे इमे जाव सन्निवेसेसु पव्वइया समणा भवंति ।  
 तं जहा— कंदप्पिया कुक्कुइया मोहरिया गीयरइप्पिया  
 नच्चणसीला, ते णं एणं विहारेणं विहरमाणा बहूइं 10  
 वासाइं सामणपरियायं पाउणंति, २ ता तस्स ठाणस्स  
 अणालोइयपंडिकंता कालमासे कालं किच्चा उक्कोसेण  
 सोहम्मे कप्पे कंदप्पिएसु देवेसु देवत्ताए उववत्तारो  
 भवंति । तेहिं तोसिं गई, सेसं तं चेव णवरं पलि-  
 ओवमं वाससयसहस्समब्भहियं ठिई । 15

## SUTRA 76.

से जे इमे जाव सन्निवेसेसु परिव्वाया भवंति । तं  
 जहा—संखा जोगी काँविला भिउँवा हंसा परमहंसा बहु-  
 उदगा कुलिव्वया कण्हपरिव्वाया । तत्थ खलु इमे अठ्ठ  
 माहणपरिव्वाया भवंति । तं जहा—

कण्णे य करकण्ठे य अंबडे य परासरे । 20

कण्हे दीवायणे चेव देवगुत्ते य नारए ॥

१ B. कोकुइया. २ A. ° B. ° अप्पाडि. ° ३ A कविल्ल. ३ A भिउच्चा.

तत्थ खलु इमे अट्ट खत्तिय-परिव्वाया भवंति । तं जहा—  
 सीळई मंसिहारे नग्गई भग्गई ति य ।  
 विदेहे रायां रामे बळे ति य ॥

## SUTRA 77.

ते णं परिव्वाया रिउवेदयजुव्वेदसामवेदअहव्वणवेदइति-  
 5 हासपंचमाणं निर्घण्टुछट्ठाणं संगोवंगणं सरहस्साणं चउण्हं  
 वेदाणं सारगा पारगा धारगा सडंगवी सट्ठितंतविसारया  
 संखाणे सिक्खाकप्पे वागरणे छंदे निरुत्ते जोइसामयणे  
 अण्णेषु य बहूसु बंधण्णएसु य सत्थेषु [ वाचनान्तरे-  
 परिव्वाएसु य नएसु ] सुपरिणिट्ठिया यावि होत्था ।

## SUTRA 78.

10 ते णं परिव्वाया दाणधम्मं च सोयधम्मं च तित्था-  
 भिसेयं च आघवेमाणा पण्णवेमाणा परूवेमाणा विहरंति ।  
 ' जं णं अम्हं किं चि असुई भवइ तं णं उदएण य  
 मट्ठियाए य पक्खालियं सुई भवइ । एवं खलु अम्हे  
 चोक्खा चोक्खायारा सुई सुइसमायारा भवित्ता अभि-  
 15 सेयजलपूयप्पाणो अविघ्घेणं सग्गं गमिस्सामो ' ।

## SUTRA 79.

तेसि णं परिव्वायाणं णो कप्पइ अगडं वा तलायं  
 वा नइं वा वाविं वा पुक्खरिणिं वा दीहियं वा गुं-  
 जालियं वा सरं वा [ कचित्-सरसिं वा ] सागरं वा  
 ओगाहित्तए णण्णत्थ अट्ठाणगमणेणं । णो कप्पइ

सगडं वा जाव संदमाणियं वा दुरुहिता णं  
गच्छत्तए । तेसि णं परिव्वायगाणं णो कप्पइ आसं  
वा हत्थि वा उट्टं वा गौणिं वा महिसं वा स्वरं वा  
दुरुहिता णं गमित्तए णणत्थ बलाभोणेणं । तेसि णं  
परिव्वायगाणं णो कप्पइ नडपेच्छा इ वा जाव मागह- 5  
पेच्छा इ वा पेच्छत्तए । तेसिं परिव्वायगाणं णो कप्पइ  
हारियाणं लेसणया वा घट्टणया वा थंभणया वा लूस-  
णया वा उप्पाट्टणया वा करित्तए, तेसिं परिव्वायगाणं  
णो कप्पइ इत्थिकहा इ वा भत्तकहा इ वा देसकहा  
इ वा रायकहा इ वा चोरकहा इ वा जणवयकहा इ 10  
वा अणत्थदंडं करित्तए । तेसि णं परिव्वायगाणं णो  
कप्पइ अयपायाणि वा तउअपायाणि वा तंबपायाणि वा  
जसदपायाणि वा सीसगपायाणि वा रूपपायाणि वा  
सुवण्णपायाणि वा अण्णयराणि वा बहुमुल्लाणि धारित्तए,  
णणत्थ अल्लउपाएण वा दारुपाएण वा माट्टियापाएण वा । 15  
तेसि णं परिव्वायगाणं णो कप्पइ अयबंधणाणि वा  
जाव बहुमुल्लाणि धारित्तए । तेसि णं परिव्वायगाणं  
णो कप्पइ णाणाविहवण्णरागरत्ताइं वत्थाइं धारित्तए,  
णणत्थ एगाए धाउरत्ताए । तेसि णं परिव्वायगाणं  
णो कप्पइ हारं वा अद्धहारं वा एगावलिं वा मुत्ता- 20  
वलिं वा कणगावलिं वा रयणावलिं वा मुरविं वा  
कंठमुरविं वा पालंबं वा तिसरयं वा कडिसुत्तं वा  
दसमुद्धिआणंतगं वा कडयाणि वा तुडियाणि वा अंग-  
याणि वा केउराणि वा कुंडलाणि वा मउडं वा चूला-  
मणिं वा षणाद्धत्तए, णणत्थ एगेणं तंबिएणं पवित्त- 25

एणं । तेसि णं परिव्वायगाणं णो कप्पइ गंथिमवेढिमपूरि-  
मसंघाइमे चउव्विहे मल्ले धारित्तए, णणत्थ एगेणं कण्ण-  
पूरेणं । तेसि णं परिव्वायगाणं णो कप्पइ अगल्लएण  
वा चंदणेण वा कुंकुमेण वा गायं अणुळिंपित्तए,  
5 णणत्थ एक्काए गंगामट्टियाए ।

SUTRA 80.

तेसि णं परिव्वायगाणं कप्पइ मागहए पत्थए जलस्स  
पडिग्गाहित्तए से वि य वहमाणे णो चेव णं अवहमाणे,  
से वि य थिमिओदए णो चेव णं कइमोदए, से वि  
य बहुप्पसण्णे णो चेव णं अबहुप्पसण्णे, से वि य परिपूए णो  
10 चेव णं अपरिपूए, से वि य णं दिण्णे णो चेव णं अदिण्णे,  
से वि य विवित्तए णो चेव णं हत्थपायचरुचमसप-  
क्खाल्लणट्टाए सिणाइत्तए वा । तेसि णं परिव्वायगाणं  
कप्पइ मागहए आढंए जलस्स पडिग्गाहित्तए, से वि  
य वहमाणे णो चेव णं अवहमाणे जाव णं अदिण्णे,  
15 से वि यँ हत्थपायचरुचमसपक्खाल्लणट्टयाए णो चेव  
णं पिवित्तए सिणाइत्तए वा ।

SUTRA 81.

ते णं परिव्वायगा एयारूवेणं विहारेणं विहरमाणा बहूइं  
वासाइं परियायं पाउणंति, २ त्ता कालमासे कालं किच्चा  
उक्कोसेणं बंभलोए कप्पे देवत्ताए उववत्तारो भवंति, तहिं तोसिं  
20 गई तहिं तोसिं ठिई दस सागरोवमाइं ठिई पण्णत्ता, सेसं तं चेवा

SUTRA 82.

तेणं कालेणं तेणं समएणं अम्मडस्स परिव्वायगस्स

1 A, 8 पडिगा. ° 2 L 0 माणए. 3 ९. अद्दाढए. 4 L. reads से वि य सिणाइत्तए णो चेव णं हत्थ...ट्टयाए पिवित्तए वा ।

सत्त अंतेवासिसयाइं गिम्हकालसमयांसि ' जेट्टामूलमासंमि  
गंगाए महानईए उभओकूलेणं कंठिल्लपुराओ णयरओ  
पुरिमतालं णयरं संपाट्टिया विहाराए ।

SUTRA 83.

तए णं तेसिं परिव्वायगाणं तीसे अगामियाए  
छिण्णोवायाए दीहमद्धाए अडवीए कंचि देसंतरमणुपत्ताणं 5  
से पुव्वग्गहिए उदए अणुपुव्वेणं परिभुंजमाणे झीणे ।

SUTRA 84.

तए णं ते परिव्वाया झीणोदगा समाणा तण्हाए  
पारब्भमाणा २ उदगदातारमपस्समाणा अण्णमण्णं सद्दा-  
वेन्ति २ ता एवं वयासी ।

SUTRA 85.

“ एवं खलु देवाणुप्पिया ! अम्हं इमीसे अगामिआए 10  
जाव अडवीए कंचि देसंतरमणुपत्ताणं से उदए जाव  
झीणे तं सेयं खलु देवाणुप्पिया ! अम्हं इमीसे अगा-  
मियाए जाव अडवीए उदगदातारस्स सव्वओ समंता  
मग्गणगवेसणं करित्तए” त्ति कट्टु अण्णमण्णस्स अंतिए  
एयमद्धं पडिसुणेंति २ ता तीसे अगामियाए जाव अड- 15  
वीए उदगदातारस्स सव्वओ समंता मग्गणगवेसणं करेंति  
२ ता उदगदातारमल्लभमाणा दोच्चंपि अण्णमण्णं सद्दावेन्ति  
२ ता एवं वयासी ।

SUTRA 86.

“ इह ण्णं देवाणुप्पिया ! उदगदातारो णत्थि तं णो

खलु कप्पइ अम्ह अदिण्णं गिण्हित्तए [ कचित्—अदिण्णं  
 भुञ्जित्तए ]<sup>१</sup> अदिण्णं साइज्जित्तए, तं मा णं अम्हे  
 इयाणि आवइकालं पि अदिण्णं गिण्हामो अदिण्णं साइ-  
 ज्जामो मा णं अम्हं तवलोवे भविस्सइ । तं सेयं खलु  
 5 अम्हं देवाणुप्पिया ! तिदंढयं कुंडियाओ य कंचणियाओ य  
 करोडियाओ य भिसियाओ छण्णालए य अंकुसए य  
 केसरियाओ य पवित्तए य गणेत्तियाओ य छत्तए य  
 वाहणाओ य पाउँयाओ य धाउरत्ताओ एगंते एडित्ता  
 गंगं महाणइं ओगाहित्ता वालुयासंथारए संथरित्ता संलेह-  
 10 णाञ्जसियाणं भत्तपाणपडियाइक्खियाणं पाओवगयाणं कालं  
 अणवकंखमाणं विहरित्तए त्ति कट्टु अणमण्णस्स अंतिए  
 एयमट्ठं पडिसुणेंति, २ त्ता तिदंढए य जाव एगंते एडेंति २त्ता  
 गंगं महाणइं ओगाहेति २त्ता वालुआसंथारए संथरंति २त्ता  
 वालुयासंथारयं दुरुहिति २त्ता पुरत्थाभिमुहा संपलियं-  
 15 कनिसण्णा करयल जाव कट्टु एवं वयासी ।

## SUTRA 87.

“ नमो त्थु णं अरहंताणं जाव संपत्ताणं, नमो त्थु  
 णं समणस्स भगवओ महावरिस्स जाव संपाविउकामस्स,  
 नमो त्थु णं अम्मडस्स परिव्वायगस्स अम्हं धम्मायरिय-  
 स्स धम्मोवदेसगस्स । पुण्वि णं अम्हेहिं अम्मडस्स परि-  
 20 व्वायगस्स अंतिए थूलैगयाणाइवाए पच्चक्खाए जाव-  
 ज्जीवाए, मुसावाए अदिण्णादाणे पच्चक्खाए जावज्जीवाए,  
 सव्वे मेहुणे पच्चक्खाए जावज्जीवाए, थूलए परिग्गहे

१ L. गेण्हित्तए. 2 Read in L. ३ L. दंढए ४ Read in A. ५ A.  
 थूलए.

पच्चक्खाए जावज्जीवाए, इयाणिं अम्हे समणस्स भग-  
 वओ महावीरस्स अंतिए सव्वं पाणाइवायं पच्चक्खामो  
 जावज्जीवाए, एवं जाव सव्वं परिग्गहं पच्चक्खामो जाव-  
 ज्जीवाए, सव्वं कोहं माणं मायं लोहं पेज्जं दोसं  
 कलहं अब्भक्खाणं पेसुणं परपरिवायं अरइरइं माया- 5  
 मोसं मिच्छादंसणसल्लं अकरणिज्जं जोगं पच्चक्खामो  
 जावज्जीवाए, सव्वं असणं पाणं खाइमं साइमं चउ-  
 विहं पि आहारं पच्चक्खामो जावज्जीवाए । जं पि य  
 इमं सरीरं इट्ठं कंतं पियं मणुणं मणामं पेज्जं थेज्जं  
 वेसासियं संमयं बहुमयं अणुमयं भंडकरंडगसमाणं मा णं 10  
 सीयं मा णं उण्हं मा णं खुहा मा णं पिवासा मा णं  
 वाला मा णं चोरा मा णं दंसा मा णं मग्गा मा  
 णं वाइयपित्थियासिभियंसनिवाइयविविहा रोगायंका परी-  
 सहोवसग्गा फुसंतु त्ति कट्टु एयंपि णं चरमेहिं ऊसास-  
 णीसासेहिं बोसिरामि त्ति कट्टु संलेहणाञ्जसणाञ्जसिया 15  
 भत्तपाणपडियाइक्खिया पाओवगया कालं अणवकंख-  
 माणा विहरंति ।

## SUTRA 88.

तए णं ते परिव्वाया बहूइं भत्ताइं अणसणाए छेदेन्ति  
 छेदित्ता आलोइयपडिकंता समाहिपत्ता कालमासे कालं  
 किच्चा बंभलोए कप्पे देवत्ताए उववण्णा । तहिं तेसिं गई 20  
 दससागरोवमाइं ठिईं पणत्ता, परलोगस्स आराहगा,  
 सेसं तं चेव ।

## SUTRA 89.

बहुजणे णं भंते ! अणमणस्स एवमाइक्खइ एवं

भासइ एवं परूवेइ । “ एवं खलु अंबडे परिव्वायए  
कंपिल्लपुरे णयरे घरसए आहारमाहरेइ, घरसए वसहिं  
उवेइ, से कहमेयं भंते ! एवं ” ।

## SUTRA 90.

“गोयमा ! जं णं से बहुजणे अणमण्णस्स एवमा-  
5 इक्खइ जाव एवं परूवेइ—‘एवं खलु अम्मडे परिव्वायए  
कंपिल्लपुरे जाव घरसए वसहिं उवेइ, सच्चे णं एसमठ्ठे,  
अहंपि णं गोयमा ! एवमाइक्खामि जाव एवं परूवेमि  
‘एवं खलु अम्मडे परिव्वायए जाव वसहिं उवेइ’ ।

## SUTRA 91.

से केणट्ठेणं भंते ! एवं वुच्चइ—अम्मडे परिव्वायए  
10 जाव वसहिं उवेइ ?

## SUTRA 92.

“गोयमा ! अम्मडस्स णं परिव्वायगस्स पगइभइयाए  
जाव विणीययाए छट्ठंछट्ठेणं अनिक्खित्तेणं तवोकम्मणेणं  
उट्ठं बाहाओ पगिज्झिय २ सूराभिमुहस्स आयावण-  
भूमीए आयावेमाणस्स सुभेणं परिणामेणं पसत्थेहिं  
15 अज्झवसाणेहिं पसत्थाहिं लेसाहिं विसुज्झमाणीहिं अन्नया  
कयाइ तदावरणिज्जाणं कम्माणं खओवसमेणं ईहावूहामग्ग-  
णगवेसणं करेमाणस्स वीरियलद्धीए वेउव्वियलद्धीए  
ओहिणाणलद्धीए समुप्पणाए जणविम्हावणहेउं कंपिल्लपुरे  
णंगरे घरसए जाव वसहिं उवेइ, से तेणट्ठेणं गोयमा !  
20 एवं वुच्चइ—अम्मडे परिव्वायए कंपिल्लपुरे णयरे घर-  
सए जाव वसहिं उवेइ ।

SUTRA 93.

पहू णं भंते ! अम्मडे परिव्वायए देवाणुप्पियाणं  
अंतिए मुंडे भवित्ता अगाराओ अणगारियं पव्वइत्तए ?

SUTRA 94.

णो इणट्ठे समट्ठे, गोयमा ! अम्मडे णं परिव्वायए  
समणोवासए अभिगंयजीवाजीवे जाव अप्पाणं भावेमाणे  
विहरइ, णवरं ऊसियफलिहे अवंगुदुवारे चियत्तंतेउरघरदार- 5  
पवेसी [ कचित्-चियत्तघरंतेउरपवेसो ]<sup>२</sup> एयं णं वुच्चइ ।

SUTRA 95.

अम्मडस्स णं परिव्वायगस्स थूलए पाणाइवाए  
पच्चक्खाए जावज्जीवाए जाव परिग्गहे णवरं सव्वे  
मेहुणे पच्चक्खाए जावज्जीवाए ।

SUTRA 96.

अम्मडस्स णं परिव्वायगस्स णो कप्पइ अक्खसोयप्पमाण- 10  
मेत्तापि जलं सयराहं उत्तरित्तए, णणत्थ अट्ठाणगमणेणं ।  
अम्मडस्स णं णो कप्पइ सगडं वा एवं तं चेव  
भाणियव्वं जाव णणत्थ एगाए गंगामट्ठियाए । अम्मडस्स  
णं परिव्वायगस्स णो कप्पइ आहाकम्मिए वा उद्देसिए  
वा मीसजाए इ वा अड्झोयरए इ वा पूइकम्मे इ वा 15  
कीयगडे इ वा पामिच्चे इ वा आणिसिठ्ठे इ वा आभि-  
हडे इ वा ठइत्तए वा रइत्तए वा कंतारभत्ते इवा दुब्भि-

१ B अहि°. २ Noted in L ३ L ठवियए, B ठवेइत्तए. ४ L रइयए.

क्खभत्ते इ वा गिलाणभत्ते इ वा वहलियाभत्ते इ  
वा पाहुणगभत्ते इ वा भोत्तए वा पाइत्तए वा । अम्म-  
डस्स णं परिव्वायगस्स णो कप्पइ मूलभोयणे वा  
जाव बीयभोयणे वा भोत्तए वा पाइत्तए वा ।

## SUTRA 97.

अम्मडस्स णं परिव्वायगस्स चउव्विहे अण्णट्ठादंढे  
पच्चक्खाए जावज्जीवाए । तं जहाः—अवज्झाणायरिए  
पमायारिए हिंसप्पयाणे पावकम्मोवएसे ।

## SUTRA 98.

अम्मडस्स कप्पइ मागहए अद्धाढए जलस्स पडिग्गा-  
हित्तए से वि य वहमाणए णो चेव णं अवहमाणए  
10 जाव से वि य परिपूए णो चेव णं अपरिपूए, से वि  
य सावज्जे त्ति काउं णो चेव णं अणवज्जे, से वि  
य जीवा ति काउं णो चेव णं अजीवा से वि य  
दिण्णे णो चेव णं अदिण्णे से वि य हत्थपाय-  
चरुचमसपक्खालणट्ठयाए पिवित्तए वा णो चेव णं सिणा-  
15 इत्तए । अम्मडस्स कप्पइ मागहए यं आढए जलस्स  
पडिग्गाहित्तए, से वि य वहमाणए जाव णो चेव णं  
अदिण्णे, से वि य सिणाइत्तए णो चेव णं हत्थपायचरु-  
चमसपक्खालणट्ठयाए पिवित्तए वा ।

## SUTRA 99.

अम्मडस्स णो कप्पइ अण्णउत्थियाँ वा अण्णउत्थिय-  
20 देवयाणि वा अण्णउत्थियपरिग्गहियाणि वा चेइयाइं

वंदित्तए वा णमंसित्तए वा जाव पज्जुवामित्तए वा,  
णणत्थ अरिहंते वा अरिहंतचेइयाइं वा ।

SUTRA 100.

अम्मडे णं भंते ! परिव्वायए कालमासे कालं किच्चा  
कहिं गच्छिहिति ? कहिं उववज्जिहिति ? गोयमा !  
अम्मडे णं परिव्वायए उच्चावएहिं सीलव्वयगुणवेरमण- 5  
पच्चक्खाणपोसहोववासेहिं अप्पाणं भावेमाणे बहूइं वासाइं  
समणोवासयपरियायं पाऊणिहिति, २ ता मासियाए संले-  
हणाए अप्पाणं झसित्ता सँट्ठिं भत्ताइं अणसणाए छेदित्ता  
आलोइयपडिक्कंते समाहिपत्ते कालमासे कालं किच्चा  
बंभलोए कप्पे देवत्ताए उववज्जिहिति । तत्थ णं अत्येग- 10  
इयाणं देवाणं दस सागरोवमाइं ठिईं पणत्ता । तत्थ णं  
अम्मदस्स वि देवस्स दस सागरोवमाइं ठिईं ।

SUTRA 101.

से णं भंते ! अम्मडे देवे ताओ देवलोगाओ आउ-  
क्खएणं भवक्खएणं ठिइक्खएणं अणंतरं चयं चइत्ता,  
कहिं गच्छिहिति कहिं उववज्जिहिति ? 15

SUTRA 102.

गोयमा ! महाविदेहे वासे जाइं कुलाइं भवंति अड्डाइं  
दित्ताइं वित्ताइं वित्थिण्णाविउल्लभवणसयणासणजाणवा  
हणाइं बहुधणजायरुवरययाइं आओगपओगसंपउत्ताइं  
विच्छड्डियपउरभत्तपाणाइं बहुदासीदासगोमहिसगवेलगप्पभू-  
याइं बहुजणस्स अपरिभूयाइं तहप्पगोरसु कुल्लेसु पुमत्ताए 20  
पच्चायाहिति ।

## SUTRA 103.

तए णं तस्स दारगस्स गब्भत्थस्स चैव समाणस्स  
अम्मापिईणं धम्मं दढा पइण्णा भविस्सइ ।

## SUTRA 104.

से णं तत्थ णवण्हं मासाणं बहुपडिपुण्णाणं अद्धट्ठ-  
माणं राइंदियाणं वीइकंताणं सुकुमाळपाणिपाए जाव ससि-  
5 सोमाकारे कंते पियदंसणे सुरूवे दारए पयाहिति ।

## SUTRA 105.

तए णं तस्स दारगस्स अम्मापियरो पढमे दिवसे  
ठिइवडियं काहिति, विइयदिवसे चंदसूरदंसणियं काहिति,  
छट्टे दिवसे जागरियं काहिति, एक्कारसमे दिवसे वीइ-  
कंते णिव्वत्ते असुइजायकम्मकरणे संपत्ते बारसाहे दिवसे  
10 अम्मापियरो इमं एयारूवं गोणं गुणणिप्फण्णं णामधेज्जं  
काहिति—‘जम्हा णं अम्हं इमंसि दारगंसि गब्भत्थंसि  
चैव समाणंसि धम्मं दढपइण्णा तं होइं णं अम्हं  
दारए दढपइण्णे णामेणं’ तए णं तस्स दारगस्स  
अम्मापियरो णामधेज्जं करेहिति दढपइण्णत्ति ।

[ SUTRA 105 ].<sup>c</sup>

15 तए णं तस्स दढपइण्णस्स अम्मापियरो अणुपुव्वेणं  
ठिइवडियं चंदसूरदरिसणं च जागरियं नामधेज्जकरणं परं-  
गमणं च पचंक्रमणं च पच्चक्खाणं च जेमणं च  
पिंडवद्धावणं च पजंपावणं च कण्णवेहणं च संवच्छर-  
पडिल्लेहणं च चोळोवणयणं च उवणयणं च अण्णाणि

१ L °माण य. २ B. ठिइवडियं, L ठिइवडियं. ३ B विइए L तइय°. ४ A निव्वित्ते.  
५ L गोणं. ६ L दढा. ७ L होऊ. ८ Noted in L.

य बहूणि गब्भादाणजम्भणमाइयाइं कोउयाइं महया  
 इड्डिसकारसमुदएणं करिस्संति । तए णं से दढपइण्णे  
 दारए पंचधाइपरिक्खत्ते, तं जहाः—खीरधाईए मज्जण-  
 धाईए मंडणधाईए अंकधाईए कीलारणधाईए अण्णाहि य  
 बहूहिं खुज्जाहिं चिलाइयाहिं विदेसपरिमंडियाहिं सदेसनेव 5  
 च्छगहियवेसाहिं विणीयाहिं इंगियच्चित्तियपत्थियवियाणियाहिं  
 निउणकुसलाहिं चेडियाचक्कवालवरतरुणिबंदपरियालसंपरिवुडे  
 वरिसवरकंचुइज्जमहत्तरगबंदपरिक्खत्ते हत्थाओ हत्थं  
 साहरिज्जमाणे २ अंकाओ अंकं परिभुज्जमाणे २ उवन-  
 च्चिज्जमाणे २ उवगाइज्जमाणे २ उवलालिज्जमाणे २ 10  
 उवगूहिज्जमाणे २ अवयासिज्जमाणे २ परियंदिज्जमाणे  
 २ परिचुंबिज्जमाणे २ रम्मेषु माणिकुट्टिमत्तलेसु परंगिज्ज-  
 माणे २ गिरिकंदरमल्लीणे विव चंपगवरपायवे निव्वाय-  
 निव्वाघायं सुहं सुहेणं परिवट्ठिस्सइ ।

## SUTRA 106.

तं दढपइण्णं दारगं अम्मापियरो साइरेगट्ठवासजायगं 15  
 जाणित्ता सोभणंसि तिहिकरणदिवसणक्खत्तमुहुत्तांसि कला-  
 यरियस्स उवणेहिंति ।

## SUTRA 107.

तए णं से कलायरिए तं दढपइण्णं दारगं लेहाइयाओ  
 गणियप्पहाणाओ सउणरुयपज्जवसाणाओ वावत्तरिकलाओ  
 सुत्तओ य अत्थओ य करणओ य सेहाविहिति 20  
 सिक्खाविहिति, तं जहा—लेहं गणियं रूवं णट्ठं गीयं  
 वाइयं सरगयं पुक्खरगयं समतालं जूयं जणवायं पांसगं

- अद्यावयं पारेकच्चं दगमद्वियं अण्णविहिं पाणविहिं [ वत्थ-  
विहिं विलेवणविहिं ]<sup>१</sup> सयणविहिं अज्जं पहेलियं मागहियं गाहं  
गीइयं सिलोयं हिरण्णजुत्तिं सुवण्णजुत्तिं गंधजुत्तिं चुण्णजुत्तिं  
आभरणविहिं तरुणीपडिकम्मं इत्थिलक्खणं पुरिसलक्खणं  
5 हयलक्खणं गयलक्खणं गोणलक्खणं कुक्कडलक्खणं चक्क-  
लक्खणं छत्तलक्खणं चम्मलक्खणं दंडलक्खणं असि-  
लक्खणं माणिलक्खणं कागणिलक्खणं वत्थुविज्जं खंधार-  
माणं नगरमाणं वत्थुनिवेशणं [ नगरनिवेशणं खंधार-  
निवेशणं संभवं ]<sup>२</sup> वूहं पडिवूहं चारं पडिचारं चक्कवूहं  
10 गरुलवूहं सगडवूहं जुद्धं निजुद्धं जुद्धाइजुद्धं मुट्टिजुद्धं  
बाहुजुद्धं लयाजुद्धं ईसत्थं छरुप्पवाहं धणुव्वेयं हिरण्णपागं  
सुवण्णपागं [ माणिपागं धाउपागं ]<sup>४</sup> वट्टखेड्डं मुत्ताखेड्डं  
णालियाखेड्डं पत्तच्छेज्जं कड्ढगच्छेज्जं सज्जीवं निज्जीवं  
सउणरुयामीति बावत्तरिकलाओ सेहावित्ता सिक्खावेत्ता  
15 अम्मापिईणं उवणोहिति ।

## SUTRA 108.

तए णं तस्स दढपइण्णस्स दारगस्स अम्मापियरो तं  
कलायरियं विउल्लेणं असणपाणखाइमसाइमेणं वत्थगंधमल्लां-  
कारेण य सक्कारेहिंति सम्माणेहिंति २ ता विउल्लं जीवि-  
यारिहं पीइदाणं दलइस्संति, २ ता पडिविसज्जेहिंति ।

## SUTRA 109.

- 20 तए णं से दढपइण्णे दारए बावत्तरिकलापंडिए ववंगसुत्त-  
पडिबोहिए अट्टारसदेसभासाविसारए गयिरई गंधव्वण्डु-

१ Not read in L., who reads instead लेणविहिं. २ A °जुत्ति. ३ Noted  
in L. ४ Nated in L. ५ A. B कडव°.

कुसले हयजोही गयजोही रहजोही बाहुजोही बाहुष्पमही  
वियालचारी साहसिए अलंभोगसमत्थे यावि भविस्सइ ।

## SUTRA 110.

तए णं दढपइण्णं दारगं अम्मापियरो बावत्तरिकला-  
पांडियं जाव अलंभोगसमत्थं वियाणित्ता विउलेहिं अण्ण-  
भोगेहिं पाणभोगेहिं लेणभोगेहिं वत्थभोगेहिं सयणभोगेहिं 5  
कामभोगेहिं उवाणिभंतेहिंति ।

## SUTRA 111.

तए णं से दढपइण्णे दारए तेहिं विउलेहिं अण्ण-  
भोगेहिं जाव सयणभोगेहिं णो सज्जिहिति णो रज्जि-  
हिति णो गिज्जिहिति णो मुज्जिहिति णो अज्जोववाज्जिहिति ।

## SUTRA 112.

से जहा णामए उप्पळे इ वा पउमे इ वा कुसुमे इ 10  
वा नलिणे इ वा सुभगे इ वा सुगंधे इ वा पौंडरीए इ  
वा महापौंडरीए इ वा सयपत्ते इ वा सहस्सपत्ते इ वा  
सयसहस्सपत्ते इ वा पंके जाए जळे संवुड्ढे णोवलिप्पइ  
पंकरएणं णोवलिप्पइ जलरएणं, एवामेव दढपइण्णे वि  
दारए कामेहिं जाए भोगेहिं संवुड्ढे णोवलिप्पिहिति 15  
कामरएणं णोवलिप्पिहिति भोगरएणं णोवलिप्पिहिति मित्त-  
णाइणियगसयणसंबंधिपरिजणेणं ।

## SUTRA 113.

से णं तहारूवाणं थेराणं अंतिए केवलं बोहिं बुज्जि-  
हिति २ त्ता अगाराओ अणगारियं पण्डवाहिति ।

## SUTRA 114.

सेणं भविस्सइ अणगारे भगवंते ईरियांसमिण् जाव  
गुत्तवंभयारी ।

## SUTRA 115.

तस्स णं भगवंतस्स एएणं विहारेणं विहरमाणस्स  
अणंते अणुत्तरे णिव्वाघाए निरावरणे कसिणे पडिपुण्णे  
5 केवलवरणाणदंसणे समुपपज्जहिति ।

[ SUTRA 115 ]<sup>२</sup>

तए णं से भगवं अरहा जिणे केवली भविस्सइ  
सदेवमणुयासुरस्स लोगस्स परियागं जाणिहिति पासिहिति,  
तं जहाः—आगइं गइं ठिइं चवणं उववायं तक्कं पच्छा-  
कडं पुरेकडं मणो माणसियं खइयं भुत्तं कडं पडिसेवियं  
10 आवीकम्मं रहोकम्मं अरहा अरहस्स भागी तं तं कालं  
मणोवयकायजोगे वट्टमाणं सव्वलोए सव्वजीणं सव्व-  
भावे जाणमाणे पासमाणे विहरिस्सइ ।

## SUTRA 116.

तए णं से दट्ठपइण्णे केवली बहूइं वासाइं केवल्लि-  
परियागं पाउणिहिति, २ त्ता मासियाए संलेहणाए अप्पाणं  
15 झूसित्ता सट्ठिं भत्ताइं अणसणाए छेदित्तां जस्सट्टाए  
कीरइं नग्गभावे मुंडभावे अण्हाणए अदंतवणए केसलोए  
बंधेचरवासे अच्छत्तगं अणोवाहणं भूमिसेज्जा फल-  
हसेज्जा कट्ठसेज्जा परघरपवेसो लद्धावलद्धं [ वित्तीए  
माणावमाणणाओ ] परेहिं हीलणाओ खिसणाओ निंद-

णाओ गरहणाओ तालणाओ तज्जणाओ परिभवणाओ  
पव्वहणाओ उच्चावया गामकंटगा बावीसं परीसहोवसग्गा  
आहियासिज्जंति तमट्टमाराहित्ता चरिमेहिं उरुसासणि-  
स्सासेहिं सिज्झिहिति बुज्झिहिति मुच्चिहिति परिणिव्वाहिति  
सव्वदुक्खाणमंतं करोहिनि ।

5

## SUTRA 117.

सेज्जे इमे गामागर जात्र सण्णिवेसेसु पव्वइया समणा  
भवन्ति, तं जहाः—आयरियपडिणीया उवज्झायपडिणीया  
कुलपडिणीया गणपडिणीया आयरियउवज्झायाणं अयस-  
कारगा अवण्णकारगा अकित्तिकारगा बहूहिं असम्भावु-  
म्भावणाहिं मिच्छत्ताभिणिवेसेहि य अप्पाणं च परं च 10  
तदुभयं च वुग्गाहेमाणा वुप्पाएमाणा विहरित्ता बहूइं वासाइं  
सामण्णपरियागं पाउणंति, २ त्ता तस्स ठाणस्स अणा-  
लोइयअप्पडिकंता कालमासे कालं किच्चा उक्कोसेणं  
लंतए कप्पे देवकिब्बिसिएसु देवकिब्बिसियत्ताए उववत्तारो  
भवन्ति, तहिं तेसिं गई, तेरस सागरोवमाइं ठिई, 15  
अणाराहगा, सेसं तं चेव ।

## SUTRA 118.

सेज्जे इमे सण्णिपंच्चिदियतिरिक्खजोणिया पज्जत्तया  
भवन्ति, तं जहाः—जलयरा थलयरा खहयरा तेसिं णं  
अत्थेगइयाणं सुभेणं परिणामेणं पसत्थेहिं अज्झवसाणेहिं  
लेस्साहिं विसुज्झमाणीहिं तैयावराणिज्जाणं कम्माणं स्वआ- 20  
वसमेणं ईहापूहमग्गणगवेसणं करेमाणाणं सण्णीपुव्वजाई-  
सरणे समुप्पज्जई ।

१ B °पडि. २ L तदा°. ३ L °समएणं. ४ A °वूह°.

## SUTRA 119.

तए णं समुपपण्णजाइसरणा समाणा सयमेव पंचाणु-  
 व्वयाइं पडिवंज्जति २ ता बहूहिं सीलव्वयगुणवेरमणपच्च-  
 क्खाणपोसहोववासेहिं [आहापरिग्गहिएहिं तवोकम्मेहिं]<sup>१</sup>  
 अप्पाणं भावेमाणा बहूइं वासाइं आउयं पालेंति २ ता  
 5 भत्तं पच्चक्खंति बहूइं भत्ताइं अणसणाए छेदेंति<sup>२</sup> २ ता  
 आलोइयपडिकंता समाहिपत्ता कालमासे कालं किच्चा  
 उक्कोसेणं सहस्सारे कप्पे देवत्ताए उववत्तारो भवंति, तेहिं  
 तेसिं गई, अट्टारस सागरोवमाइं ठिईं पण्णत्ता परलोगस्स  
 आराहगा, सेसं तं चेव ।

## SUTRA 120.

10 से जे इमे गामागर जाव संनिवेसेसु आजीवियाँ भवंति,  
 तं जहा—दुघरंतरिया तिघरंतरिया सत्तघरंतरिया उप्पल-  
 बैटियाँ घरसमुदाणिया विज्जुयंतरिया उट्टियासमणा, ते  
 णं एयारूवेणं विहारेणं विहरमाणा बहूइं वासाइं परियायं  
 पाउणित्ता कालमासे कालं किच्चा उक्कोसेणं अच्चुए  
 15 कप्पे देवत्ताए उववत्तारो भवंति, तेहिं तेसिं गई बावीसं  
 सागरोवमाइं ठिईं, अणाराहगा, सेसं तं चेव ।

## SUTRA 121.

सेज्जे इमे गामागर जाव सण्णिवेसेसु पव्वइया  
 समणा भवंति, तं जहा—अत्तुक्कासिया परपरिवाइया  
 भूइकम्मिया भुज्जो भुज्जो कोउयकारगा, ते णं एयारूवेणं  
 20 विहारेणं विहरमाणा बहूइं वासाइं सामण्णपरियागं पाउणंति

१ Noted in L. २ A छेयंति. ३ L समाहिं. ४ B °वका. ५ L °वैटिया B  
 °वैटिया. ६ A °क्कोसिया; B °कसिया.

२ ता तस्स ठाणस्स अणालोइयपडिक्कंता कालमासे कालं किच्चा उक्कोसेणं अच्चुए कप्पे आभिओगिएसु देवेसु देवत्ताए उववत्तारो भवंति, तेहिं तेसिं गई बावीसं सागरोवमाइं ठिई परलोगस्स अणाराहगा, सेसं तं चेव ।

## SUTRA 122.

सेज्जे इमे गामागर जाव सण्णिवेसेसु णिण्हगा भवंति, 5  
 तं जहा-१ बहुरया २ जीवपणंसिया ३ अव्वत्तिया  
 ४ सामुच्छेइया ५ दोकिरिया ६ तेरासिया ७ अबद्धिया  
 इच्चेते सत्त पवयणणिण्हगा केवल्लचरियालिंगसामण्णा  
 मिच्छदिट्ठी<sup>१</sup> बहूहिं असब्भावुब्भावणाहिं मिच्छत्ताभिणिवेसे-  
 हि य अप्पाणं च परं च तदुभयं च वुग्गाहेमाणा 10  
 वुप्पाएमाणा विहारित्ता बहूइं वासाइं सामण्णपरियाणं  
 पाउणाति २ ता [ ....तस्स ठाणस्स अणालोइयअप्पडि-  
 क्कंता ] कालमासे कालं किच्चा उक्कोसेणं उवरिमेसु  
 गेबेज्जेसु देवत्ताए उववत्तारो भवंति । तेहिं तेसिं गई  
 एकतीसं सागरोवमाइं ठिई परलोगस्स अणाराहगा, सेसं 15  
 तं चेव ।

## SUTRA 123.

से ज्जे इमे गामागर जाव सण्णिवेसेसु मणुया  
 भवंति, तं जहा-अप्पारंभा अप्पपरिग्गहा धम्मिया  
 धम्माणुया धम्मिहा धम्मक्खाई धम्मर्पलोई धम्मपलज्जणा  
 धम्मसमुदायारा धम्मणं चेव वित्तिं कप्पेमाणा सुसीला 20  
 सुव्वया सुप्पडियाणंदा साहूहिं एगच्चाओ पाणाइवायाओ

१ A °अपडिक्कंता. २ L & B °पदेसिया. ३ B° छिच्छित्तिया. ४ B इच्चेए. ५ B °दिट्ठीहिं. ६ Noted in L. ७ L अपपरि°. ९ °पलोइया Read in A & B.

पडिविरया जावज्जीवाए, एगच्चाओ अपडिविरया एवं  
जात्र परिगहाओ २ एगच्चाओ कोहाओ माणाओ  
मायाओ लोहाओ पेज्जाओ दोसाओ कलहाओ अब्भ-  
कखाणाओ पेसुण्णाओ परपरिवायाओ अरइरईओ माया-  
5 मोसाओ मिच्छादंसणसल्लाओ पडिविरया जावज्जीवाए  
एगच्चाओ अपडिविरया, एगच्चाओ आरंभसमारंभाओ पडि-  
विरया जावज्जीवाए एगच्चाओ अपडिविरया, एगच्चाओ  
करणकारावणाओ पडिविरया जावज्जीवाए एगच्चाओ  
अपडिविरया, एगच्चाओ पयणपयावणाओ पडिविरया  
10 जावज्जीवाए एगच्चाओ पयणपयावणाओ अपडिविरया,  
एगच्चाओ कोट्टणपिट्टणतज्जणतालणवहबंधपरिकिलेसाओ  
पडिविरया जावज्जीवाए एगच्चाओ अपडिविरया, एगच्चाओ  
ण्हाणमहणवण्णगविलेवणसदफरिसरसरूवगंधमल्लालंकाराओ प-  
डिविरया जावज्जीवाए एगच्चाओ अपडिविरया, जे  
15 यावण्णे तहप्पगारा सावज्जजोगोवंहिया कम्मंता परपाण-  
परियावणकरा कज्जांति तओ वि एगच्चाओ पडिविरया  
जावज्जीवाए एगच्चाओ अपडिविरया ।

## SUTRA 124.

तं जँहाः--समणोवासगा भवंति, अभिगयजीवाजीवा  
उवलद्धपुण्णपावा आसवसंवरनिज्जरकिरियाअहिगरणबंधमो-  
20 वखकुसला असहेज्जा देवासुरणागजक्खरक्खसकिन्नरकिंपुरि-  
सगरुलगंधव्वमहोरगाइएहिं देवगणेहिं निग्गंथाओ पावयणा-  
ओ अणइक्कमणिज्जा निग्गंथे पावयणे णिस्संक्रिया णिक्कं-  
खिया निव्वितिगिच्छा लद्धट्ठा गहियट्ठा पुच्छियट्ठा अभि-

१ B पडि°. २ Not in A. ३ सावज्जा अबोहिया Noted in L. ५ से जहा  
णामए Noted in L. ५ A °ज्जाओ.

गयद्वा विणिच्छियद्वा अद्विपिंजपेर्माणुरागरत्ता “ अयमाउसो !  
 निगंथे पावयणे अद्वे अयं परमद्वे सेसे अणद्वे ”  
 ऊसियफळिहा अवंगुयदुवारा चियत्ततेउरपूरघरदारप्पवेसा  
 चउदसद्वमुद्धिद्वपुण्णमासिणीसु पडिपुण्णं पोसहं सम्मं अणु-  
 पालेत्ता समणे निगंथे फासुएसणिज्जेणं असणपाणस्वाइम-  
 साइमेणं वत्थं पडिग्गहकंबलपायपुंछणेणं ओसद्वभेसज्जेणं पडिद्वा-  
 रएँण य पीढफळंगेसज्जासंथारएणं पडिळाभेमाणा विहरंति  
 २ ता भत्तं पच्चक्खंति ते बहूइं भत्ताइं अणसणाए छेदंति  
 २ ता आलोइयपडिकंता समाहिपत्ता कालमासे कालं किच्चा  
 उक्कोसेणं अच्चुए कप्पे देवत्ताए उववत्तारो भवंति, तेहिं 10  
 तेसिं गई बावीसं सागरोवमाइं ठिई आराहगा सेसं तहेव ।

## SUTRA 125.

सेज्जे इमे गामागर जाव सणिवेसेसु मणुया भवंति,  
 तं जहाः—अणारंभा अपरिग्गहा धम्मिया जाव कप्पेमाणा  
 सुसीला सुव्वया सुपडियाणंदा साहू सव्वाओ पाणाइवा-  
 याओ पडिविरया जाव सव्वाओ परिग्गहाओ पडिविरया 15  
 सव्वाओ कोहाओ माणाओ मायाओ लोभाओ जाव  
 मिच्छादंसणसल्लाओ पडिविरया सव्वाओ आरंभसमारंभाओ  
 पडिविरया सव्वाओ करणकारावणाओ पडिविरया  
 सव्वाओ पयणपयावणाओ पडिविरया सव्वाओ कोट्टण-  
 पिट्टणतज्जणताळवहबंधपरिकिलेसाओ पडिविरया सव्वाओ 20  
 ण्हाणमद्वणवण्णगविलेवणसद्वफरिसरसरूवगंधमल्लालंकाराओ प-  
 डिविरया जे यावण्णे तहप्पगारा सावज्जजोगोवहिया

१ A °पेम्मा. २ कस्सित्त-इणमो...अणद्वे Noted in L. ३ A °पर. ४ B °वत्थगंध°. ५ L & B °हारिएण. ६ L °फलहग°. ७ A कुट्टण°.

कम्पंता परपाणपरियावणकरा कज्जंति तओ वि षडिविरया  
जावज्जीवाए ।

## SUTRA 126.

से जहा णामर् अणगारा भवंतिः—इरियासमिया  
भासासमिया जाव इणमेव निग्गंथं पावयणं बुरओकाउं  
5 विहरंति ।

## SUTRA 127.

तेसि णं भगवंताणं एएणं विहारेणं विहरमाणानं अत्थे-  
गइयाणं अणंते जाव केवलवरणाणदंसणे समुप्पज्जइ । ते  
बहूइं वासाइं केवलिपरियाणं पाउणंति २ त्ता भत्तं पच्च-  
क्खंति भत्तं २ त्ता बहूइं भत्ताइं अणसणाए छेदेन्ति २  
10 त्ता जस्सट्ठाए कीरइ नग्गभावे जाव अंतं करंति ।

## SUTRA 128.

जेसिं पि य णं एगइयाणं णो केवलवरणाणदंसणे  
समुप्पज्जइ ते बहूइं वासाइं छउमत्थपरियाणं पाउणंति २  
त्ता आंवाहे उप्पण्णे वा अणुप्पण्णे वा भत्तं पच्चक्खंति ।  
ते बहूइं भत्ताइं अणसणाए छेदेन्ति २ त्ता जस्सट्ठाए  
15 कीरइ नग्गभावे जाव तमट्ठमाराहित्ता चरिमेहिं ऊसांसणी-  
सासेहिं अणंतं अणुत्तरं निव्वाघायं निरावरणं कसिणं  
षडिपुण्णं केवलवरणाणदंसणं उप्पादेन्ति, तओ पच्छा  
सिज्झिंहिति जाव अंतं करोहिंति ।

## SUTRA 129.

एगच्चा पुण एगे भयंतारो पुव्वकम्मावसेसेणं काल-

मासे कालं किञ्चा उक्तोसेणं सव्वट्टसिद्धे महाविमाणे  
देवत्ताए उववत्तारो भवंति, तेहिं तेसिं गई तेत्तीसं  
सागरोवमाइं ठिई, आराहगा, सेसं तं चेव ।

SUTRA 130.

सेज्जे इमे गामागर जाव सण्णिवेसेसु मणुया भवंति,  
तं जहा—सव्वकामविरया सव्वरागविरया सव्वसंगातीता 5  
सव्वसिणेहाइकंता अकोहा निकोहा खीणकोहा एवं  
माणमायालोहा अणुपुव्वेणं अट्ट कम्मपयदीओ खवेत्ता उरुप्पि  
ल्लोयग्गपइट्ठाणा हवंति ।

SUTRA 131.

अणगारे णं भंते भावियप्पा केवल्लिसंमुग्घाएणं समो-  
हाणित्ता केवलकप्पं लोयं फुसित्ता णं चिट्ठइ ? 10  
हंता चिट्ठइ ।

SUTRA 132.

से णूणं भंते केवलकप्पे लोए तेहिं निज्जरापोग्गलेहिं  
फुडे ? हंता फुडे ।

SUTRA 133.

छउमत्थे णं भंते मणुस्से तेसिं णिज्जरापोग्गलाणं किञ्चि  
वण्णेणं वण्णं गंधेणं गंधं रसेणं रसं फासेणं फासं 15  
जाणइ पासइ ? [ गोयमा ], णो इणट्ठे समट्ठे ।

SUTRA 134.

से केणट्ठेणं भंते एवं वुच्चइ—‘छउमत्थे णं मणुस्से तेसिं

णिज्जरापोग्गलाणं णो किञ्चि वण्णेणं वण्णं जाव जाणइ  
पासइ ?'

## SUTRA 135.

गोयमा, अयं णं जंबुद्दीवे दीवे सव्वदीवसमुद्धानं सव्वब्भं-  
तराए सव्वखुड्ढाए वट्टे तेल्लोपूयसंठाणसंठिए वट्टे ररहचक्कवाल  
5 संठाणसंठिए वट्टे पुक्खरकण्णियासंठाणसंठिए वट्टे पडिपुण-  
चंदसंठाणसंठिए एकं जोयणसयसहस्सं आयामविकखंभेणं  
तिण्णि जोयणसयसहस्साइं सोलससहस्साइं दोण्णि य  
सत्तावीसे जोयणसए तिण्णि य कोसे अट्टावीसं च धणुसयं  
तेरस य अंगुलाइं अद्धंगुलियं च किञ्चि विसेसाहिए [ परि-  
10 कखेवेणं पण्णत्ते ] ।'

## SUTRA 136.

देवे णं मह्दिड्डीए महजुतीए महब्बले महाजसे महासुक्खे  
महाणुभावे सविलेवणं गंधसमुग्गयं गिण्हइं २ ता तं अव-  
दालेइ २ ता जाव इणामेवत्ति कट्टु केवलकपपं जंबुद्दीवं  
दीवं तिहिं अच्छराणिवाएहिं तिसत्तखुत्तो अणुपरियाट्टित्ता  
15 णं हव्वमागच्छेज्जा ।

## SUTRA 137

से णूणं गोयमा ! से केवलकपपे जंबुद्दीवे दीवे तेहिं  
घाणपोग्गलेहिं फुडे ? हंता फुडे ।

## SUTRA 138.

छउमत्थे णं गोयमा ! मणुस्से तेसिं घाणपोग्गलाणं

किंचि वण्णेणं वण्णं जाव जाणइ पासइ ? भगवं णो  
इणठ्ठे समठ्ठे ।

SUTRA 139.

से तेणठ्ठेणं गोयमा ! एवं बुच्चइ—छउमत्थे णं मणुंस्से  
तेसिं णिज्जरापोग्गलाणं णो किंचि वण्णेणं वण्णं जाव  
जाणइ पासइ ।

5

SUTRA 140.

एसुहुमा णं ते पोग्गला पण्णत्ता, समणाउसो ! सव्व-  
ळोयं पि य णं ते फुसित्ता णं चिट्ठंति ।

SUTRA 141.

कम्हा णं भंते ! केवली समोहणंति ? कम्हा णं  
केवली समुग्घायं गच्छंति ? गोयमा ! केवलीणं चत्तारि  
कम्मंसा अपल्लिकखीणा भवंति, तं जहाः—१ वेयणिज्जं 10  
२ आउयं ३ णामं ४ गोत्तं ।

सव्वबहुए से वेयणिज्जे कम्मे भवइ ।

सव्वत्थोवे से आउए कम्मे भवइ ।

विसमं समं करेइ बंधणेहिं ठिईहि य ;

विसमसमकरणयाए बंधणेहिं ठिईहि य ।

15

एवं खलु केवली समोहणंति एवं खलु केवली समुग्घायं  
गच्छंति ।

SUTRA 142.

सव्वे वि णं भंते ! केवली समुग्घायं गच्छंति ?  
णो इणठ्ठे समठ्ठे,

१ L. मणुस्से. २ A. जाणंति पासंति. ३ क्वचित्-अवेइया अणिज्जिण्णा Noted in L.  
४ A गुत्तं.

‘ अकिर्त्ता णं समुग्घायं, अणंता केवली जिणा  
जरामरणाविप्पमुक्का, सिद्धिं वरगइं गया ॥ १ ॥

SUTRA 143.

कइंसमए णं भंते ! आउज्जीकरणे पण्णते ? गोयमा !  
असंखेज्जसमइए अंतोमुहुत्तिए पण्णत्ते ।

SUTRA 144

5 केवलिसमुग्घाए णं भंते ! कइसमइए पण्णत्ते ? गोयमा !  
अट्टसमइए पण्णत्ते । तं जहा—पढमे समए दंडं करेइ ।  
बिईए समए कवाडं करेइ । तइए समए मंथं करेइ ।  
चउत्थे समए लोयं पूरेइ । पंचमे समए लोयं पढिसाह-  
रइ । छट्ठे समए मंथं पढिसाहरइ । सत्तमे समए कवाडं  
10 पढिसाहरइ । अट्टमे समइ दंडं पढिसाहरइ । तओ पच्छा  
सरीरत्थे भवइ ।

SUTRA 145.

से णं भंते ! तहा समुग्घायं गए किं मणजोगं जुंजइ ?  
वैयजोगं जुंजइ ? कायजोगं जुंजइ ? गोयमा ! णो मण-  
जोगं जुंजइ णो वयजोगं जुंजइ, कायजोगं जुंजइ ।

SUTRA 146.

15 कायजोगं जुंजमाणे किं ओरालियसरीरकायजोगं जुंजइ ?  
ओरालियमिस्ससरीरकायजोगं जुंजइ ? वेउव्वियसरीरका-  
यजोगं जुंजइ ? वेउव्वियमिस्ससरीरकायजोगं जुंजइ ?  
आहारगसरीरकायजोगं जुंजइ ? आहारगमिस्ससरीर-

१ L अकियाणं. २ L कति°. ३ L आवज्जी°. ४ L ०ग्घायगए. ५ L वइ°  
६ L ०मीसा°, B ०मीस°.

कायजोगं जुंजइ ? कम्मसरीरकायजोगं जुंजइ ?  
 गोयमा ! ओरालियसरीरकायजोगं जुंजइ, ओरालियमिस्सस-  
 रीरकायजोगं पि जुंजइ, णो वेउव्विसरीरकायजोगं जुंजइ  
 णो वेउव्वियमिस्ससरीरकायजोगं जुंजइ, णो आहारगस-  
 रीरकायजोगं जुंजइ णो आहारगमिस्ससरीरकायजोगं जुंजइ 5  
 कम्मसरीरकायजोगं पि जुंजइ । पढमद्वेषु समएसु ओरा-  
 लियसरीरकायजोगं जुंजइ, बिइयच्छद्वसत्तमेसु समएसु ओरा-  
 लियमिस्ससरीरकायजोगं जुंजइ, तइयचउत्थपंचमेहिं कम्मस-  
 रीरकायजोगं जुंजइ ।

## SUTRA 147.

से णं भंते ! तहा समुग्घायगए सिंज्झइ बुज्झइ मुच्चइ 10  
 परिणिव्वाइ सव्वदुक्खाणमंतं करेइ ? णो इणठे समठे,  
 से णं तओ षडिणियत्तइ, २ ता इहमागच्छइ, २ ता तओ  
 पच्छा मणजोगं पि जुंजइ वयजोगं पि जुंजइ कायजोग  
 पि जुंजइ ।

## SUTRA 148.

मणजोगं जुंजमाणे किं सच्चमणजोगं जुंजइ ? मोसमणजोगं 15  
 जुंजइ ? सच्चापोसमणजोगं जुंजइ ? असच्चापोसमणजोगं जुंजइ ?  
 गोयमा ! सच्चमणजोगं जुंजइ, णो मोसमणजोगं जुंजइ, णो  
 सच्चापोसमणजोगं जुंजइ असच्चापोसमणजोगं पि जुंजइ ।

## SUTRA 149.

वयजोगं जुंजमाणे किं सच्चवइजोगं जुंजइ ? मोसवइ-  
 जोगं जुंजइ ? सच्चापोसवइजोगं जुंजइ ? असच्चापोसवइ- 20  
 जोगं जुंजइ ? गोयमा, सच्चवइजोगं जुंजइ णो मोसवइजोगं

१ A & B कम्मा°. २ A & B read सिज्झिहिइ बुज्झिहिइ, मुच्चहिइ, परिनि-  
 व्वाहिइ.

जुंजइ, णो सच्चामोसवइजोगं जुंजइ, असच्चामोसवइजोगं पि जुंजइ ।

## SUTRA 150.

कायजोगं जुंजमाणे आगच्छेज्ज वा चिट्ठेज्ज वा  
णिसीएज्ज वा तुयट्टेज्ज वा उल्लघेज्ज वा पल्लघेज्ज  
5 वा उक्खेवणं वा पक्खेवणं वा तिरियक्खेवणं वा  
करेज्जा पाडिहारियं वा पीढफळगसेज्जासंथारगं पच्च-  
प्पिणेज्जा ।

## SUTRA 151.

से णं भंते ! तहासजोगी सिज्झइ जाव अंतं करे-  
इ ? णो इणठ्ठे समठ्ठे ।

## SUTRA 152.

10 से णं पुव्वामेव संणिसस्स पंचिदियस्स पज्जत्तगस्स  
जहण्णजोगिस्स हेट्ठा असंखेज्जगुणपरिहीणं पढमं मणजोगं  
निरुंभइ, तयाणंतरं च णं बिंदियस्स पज्जत्तगस्स जहण्ण-  
जोगिस्स हेट्ठा असंखेज्जगुणपरिहीणं विइयं बइजोगं निरुं-  
भइ, तयाणंतरं च णं सुहुमस्स पणगजीवस्स अपज्जत्त-  
15 गस्स जहण्णजोगस्स हेट्ठा असंखेज्जगुणपरिहीणं तइयं  
कायजोगं निरुंभइ ।

## SUTRA 153.

से णं एएणं [ पउत्तेणं ]<sup>१</sup> उवाएणं पढमं मणजोगं निरुंभइ  
२ ता वयजोगं निरुंभइ २ ता कायजोगं निरुंभइ २ ता जोग-  
निरोहं करेइ, २ ता अजोगत्तं पाउणइ, २ ता ईसिंहस्सपंचक्ख-

रुच्यारणद्वाए असंखेज्जसमइयं अंतोमुहुत्तियं सेलेसि पडिवज्जइ,  
 पुव्वरइयगुणसेदीयं च णं कम्मं तीसे सेलेसिमद्वाए असंखेज्जाहिं  
 गुणसेदीहिं अणंते कम्मंसे खवयंते' वेयणिज्जाउयणामगोए  
 इच्चेते चत्तारि कम्मंसे जुगवं खवेइ, २ ता ओरालियते-  
 यकम्माइं सव्वाहिं विप्पजहैणाहिं विप्पजहइ, २ ता उज्जूसे- 5  
 दीपडिवण्णे अफुसमाणगई उडुं एकसमएणं अविग्गहेण  
 [ उडुं ] गंता सागारोवउत्ते सिज्झइ ।

## SUTRA 154.

ते णं तत्थ सिद्धा हवन्ति सादीया अपज्जवसिया  
 असरीरा जीवघणा दंसणनाणोवउत्ता निट्ठियट्ठा निरेयणा  
 नीरया णिम्मला वितिमिरा विसुद्धा सासयमणागयद्धं 10  
 कालं चिट्ठन्ति ।

## SUTRA 155.

से केणट्ठेणं भन्ते! एवं वुच्चइ 'ते णं तत्थ  
 सिद्धा भवन्ति सादीया अपज्जवसिया जाव चिट्ठन्ति' ?  
 गोयमा ! से जहा णामए बीयाणं अग्गिदड्डाणं पुणरवि  
 अंकुरूप्पत्ती ण भवइ, एवामेव सिद्धाणं कम्मबीए दड्डे 15  
 पुणरवि जम्मुप्पत्ती न भवइ । से तेणट्ठेणं गोयमा ! एवं  
 वुच्चइ-ते. णं तत्थ सिद्धा भवन्ति सादीया अपज्जवसिया  
 जाव चिट्ठन्ति ।

## . SUTRA 156.

जीवा णं भन्ते ! सिज्झमाणा कयरंभि संघयणे  
 सिज्झन्ति ? गोयमा ! वइरोसभणारायसंघयणे सिज्झन्ति । 20

## SUTRA 157.

जीवा णं भंते ! सिञ्जमाणा कयरंमि संठाणे सिञ्जंति ?  
गोयमा ! छण्हं संठाणाणं अण्णयरे संठाणे सिञ्जंति ।

## SUTRA 158.

जीवा णं भंते ! सिञ्जमाणा कयरम्मि उच्चत्ते  
सिञ्जंति ? गोयमा ! जहण्णेणं सत्तरयणीए उक्कोसेणं  
5 पंचधणुसइए सिञ्जंति ।

## SUTRA 159.

जीवा णं भंते ! सिञ्जमाणा कयरम्मि आउए सिञ्जंति ?  
गोयमा ! जहण्णेणं साइरेगठ्ठवासाउए उक्कोसेणं पुव्वक्को-  
डियाउए सिञ्जंति ।

## SUTRA 160.

अत्थि णं भंते ! इमीसे रयणप्पहाए पुढवीए अहे  
10 सिद्धा परिवसंति ? णो इण्ठे समठ्ठे, एवं जाव अहे  
सत्तमाए ।

## SUTRA-161.

अत्थि णं भंते ! सोहम्मस्सै कप्पस्स अहे सिद्धा  
परिवसंति ?—णो इण्ठे समठ्ठे, एवं सव्वेसिं पुच्छा,  
ईसाणस्स सणंकुमारस्स जाव अच्चुयस्स गेवेज्जविमाणाणं  
15 अणुत्तरविमाणाणं ।

## SUTRA 162.

अत्थि णं भंते ! ईसीपब्भाराए पुढवीए अहे सिद्धा  
परिवसंति ? , णो इण्ठे समठ्ठे ।

## SUTRA 163.

से कर्हि खाइ णं भंते ! सिद्धा परिवसंति ? गोयमा !  
 इमीसे रयणप्पहाए पुढवीए बहुसमरमणिज्जाओ भूमि-  
 भागाओ उडुं चंदिमसूरियग्गहगणणक्खत्ताराभवणाओ व-  
 हूइं जोयणाइं, बहूइं जोयणसयाइं बहूइं जोयणसहस्साइं  
 बहूइं जोयणसयसहस्साइं बहूओ जोयणकोडीओ बहूओ 5  
 जोयणकोडाकोडीओ उडुतरं उप्पइत्ता सोहम्मीसाणसणं-  
 कुमारमाहिंदबंभलंतगमहासुकसहस्सारआणयपाणयआरणअच्चु-  
 ऐ तिण्णि य अट्टारे गेविज्जविमाणावाससए वीईवइत्ता वि-  
 जयवेजयंतजयंतअपराजियसव्वट्टसिद्धस्स य महाविमाणस्स  
 सव्वउवारिह्हाओ थूभियग्गाओ दुवालसजोयणाइं अवाहाए 10  
 एत्थ णं ईसीपंबभारा णाम पुढवी पणत्ता पणयालीसं  
 जोयणसयसहस्साइं आयामविक्खंभेणं एगा जोयणकोडी  
 बायालीसं च सयसहस्साइं तीसं च सहस्साइं दोण्णि  
 य अउणापणे जोशणसए किंचि विसेसाहिए परिरएणं ।

## SUTRA 164.

ईसीपंबभाराए णं पुढवीए बहुमज्झदेसभाए अट्टजोयणिए 15  
 खेत्ते अट्ट जोयणाइं बाह्लेणं, तयाणंतरं च णं मायाए २  
 परिहायमाणी २ सव्वेसु चरिमपेरंतेसु मच्छियपत्ताओ तणु-  
 यतरां अंगुलस्स असंखेज्जइभागं बाह्लेणं पणत्ता ।

## SUTRA 165.

ईसीपंबभाराए णं पुढवीए दुवालस णामधेज्जा पणत्ता,  
 तं जहा-ईसी इ वा ईसीपंबभारा इ वा तणू इ वा तणु- 20

१ L °रूवाणं. २ A °णच्चुय. ३ L बीती°. ४ A ईसि°. ५ A बाहुल्लेणं. ६  
 A पडि°. ७ L °तरी. ८ A तणु° B तणुअरी.

तष् इ वा सिद्धी इ वा सिद्धाकृए इ वा मुत्ती इ वा  
मुत्ताकृए इ वा लोयगे इ वा लोयगगथूभिगा इ वा  
लोयगगपडिबुज्झणा इ वा सव्वपाणभूयजीवसत्तसुहावहा  
इ वा ।

SUTRA 166.

- 5 ईसीपब्भारा णं पुढवी सेया संखंतकविमळसोल्लिय् पा-  
लदगरयतुसारगोकखीरहारवण्णा उत्ताणयछत्तसंठाणसंठिया  
सव्वज्जुणसुवण्णयमई अच्छा सण्हा लण्हा घट्ठा मट्ठा णी-  
रया णिम्मल्लो णिप्पंका णिककडच्छाया समरीचिया सु-  
प्पभा पासादीया दरिसणिज्जा अभिरूवा पडिरूवा ।

SUTRA 167.

- 10 ईसीपब्भाराए णं पुढवीए सीयाए जोयणांमि लोगतं<sup>३</sup> ।  
तस्म जोयणस्स जे से उवरिल्ले गाउए तस्स णं गाउ-  
यस्स जे से उवरिल्ले छब्भंगे तत्थ णं सिद्धा भग-  
वंतो<sup>४</sup> सादीया अपज्जवसिया अणेगजाइजरामरणजोणिवे-  
र्यणं संसारकलंकळीभावपुणब्भवगब्भवासवसहीपवंचं<sup>५</sup> अइ-  
15 कंता सासयमणागयदं चिंठति ।

SUTRA 168.

कहिं पडिहया सिद्धा ? कहिं सिद्धा पडिट्ठिया ? ।  
कहिं बोदिं चइत्ता णं, कत्थ गंतूण सिज्झई ?

SUTRA 169.

अलोगे पडिहया सिद्धा, लोयगे य पडिट्ठियां ।  
इहबोदिं चइत्ता णं, तत्थ गंतूण सिज्झई ॥ २ ॥

१ कचिन्-आयंस° Noted in L. २ °ज्जण°. ३ L लोगतो. ४ A छमागिय.  
५ B °वंता. ६ A °वेयण°. ७ A °पवंचसभ°. ८ A °गयमदं. ९ L & B बोदिं. १० L पइ°.

SUTRA 170.

जं संठाणं तु इहं भवं चयं तस्स चरिमसमयंमि ।  
आसी य पएसघणं तं संठाणं तहिं तस्स ॥ ३ ॥

SUTRA 171.

इहं वा हस्सं वा जं चरिमभवे हवेज्ज संठाणं ।  
तत्तो तिभागहीणं सिद्धाणोगाहणा भणिया ॥ ४ ॥

SUTRA 172.

तिण्णि सया तेत्तीसा धणुत्तिभागो य होइ बोद्धव्वो<sup>१</sup> । 5  
एसा खलु सिद्धाणं उक्कोसोगाहणा भणिया ॥ ५ ॥

SUTRA 173.

चत्तारि य रयणीओ रयणित्तिभागूणिया य बोद्धव्वा ।  
एसा खलु सिद्धाणं मज्झिमओगाहणा भणिया ॥ ६ ॥

SUTRA 174.

एक्का य होइ रयणी साहीया अंगुल्लोइ अट्ट भवे ।  
एसा खलु सिद्धाण जहण्णओगाहणा भणिया ॥ ७ ॥ 10

SUTRA 175.

ओगाहणाए सिद्धा भवत्तिभागेण होंत्ति<sup>२</sup> परिहीणा ।  
संठाणमणित्थत्थं जरामरणाविण्णमुक्काणं ॥ ८ ॥

SUTRA 176.

जत्थ य एगो सिद्धो तत्थ अणंता भवक्खयविमुक्का ।  
अण्णोण्णसमोगाढा<sup>३</sup> पुट्ठा सच्चवे य लोमंते ॥ ९ ॥

## SUTRA 177.

फुसइ अणंते सिद्धे सव्वपएसेहि' नियमसा सिद्धो' ।  
ते वि असंखेज्जगुणा दंसपएसेहिं जे पुट्टा ॥ १० ॥

## SUTRA 178.

असरीरा जीवघणा उवउत्ता दंसणे य णाणे य ।  
सागारमणागारं लक्खणमेयं तु सिद्धाणं ॥ ११ ॥

## SUTRA 179.

5 केवलणाणुवउत्ता जाणंती" सव्वभावगुणभावे ।  
पासंति सव्वओ खलु केवलदिट्ठीहिंणंताहिं ॥ १२ ॥

## SUTRA 180.

ण वि अत्थि माणुसाणं तं सोक्खं ण वि य सव्वदेवाणं ।  
जं सिद्धाणं सोक्खं अन्वावाहं उवगयाणं ॥ १३ ॥

## SUTRA 181.

जं देवाणं सोक्खं सव्वद्धापिंडियं अणंतगुणं ।  
10 ण य पावइ मुत्तिसुहं णंतांहिं वग्गवग्गूहि ॥ १४ ॥

## SUTRA 182.

सिद्धस्स सुहो रासी सव्वद्धापिंडिओ जई हवेज्जा ।  
सोणंतवग्गभइओ सन्वागासे ण माएज्जा ॥ १५ ॥

## SUTRA 183.

जह णाम कोइ मिच्छो नगरगुणे बहुविहे वियाणंते ।  
न चएइ परिकहेउं उवमाण तहिं असंतीए ॥ १६ ॥

१ A°हिं. २ A नियमसो सिद्धा. ३ B°गारा. ४ B°उत्ते. ५ A जाणति; ६ A°  
दिट्ठी अणंताहिं. ७ L Beads अणंताहि वि. ८ L पि भवेज्जा ९ L मेच्छो.

SUTRA 184.

इय सिद्धाणं सोक्खं अणोवमं णत्थि तस्स ओवम्मं ।  
किंचि विसेसेणेत्तो ओवम्ममिणं सुणह वोच्छं ॥ १७ ॥

SUTRA 185.

जह सव्वकामगुणियं पुरिसो भोत्तुण भोयणं कोई ।  
तण्हाल्लुहाविमुको अच्छेज्ज जहा अमियतित्तो ॥ १८ ॥

SUTRA 186.

इय सव्वकालतित्ता अउलं निव्वाणमुवगया सिद्धा । 5  
सासयमव्वाबाहं चिट्ठंति सुही सुहं पत्ता ॥ १९ ॥

SUTRA 187.

सिद्धत्ति य बुद्धंति य पारगयत्ति य परंपरगयत्ति ।  
उम्मुक्कम्मकवया अजरा अमरा असंगा य ॥ २० ॥

SUTRA 188.

णिच्छिण्णसव्वदुक्खा जाइजराभरणबंधणविमुक्का ।  
अव्वाबाहं सुक्खं अणुहोती सासयं सिद्धा ॥ २१ ॥ 10

SUTRA 189.

अतुलसुहसागरगया अव्वाबाहं अणोवमं पत्ता ।  
सव्वमणागयमद्धं चिट्ठंति सुही सुहं पत्ता ॥ २२ ॥



